

IN LIBROS
ETHICORVM
ARISTOTELIS AD
NICOMACHVM




ALIQVOT CONIMBRICENSIS CVRSVS
DISPVATIONES:

HAC OMNIVM POSTREMA EDITIONE,
*à mendis quàm plurimis vendicata, typorùmque
varietate comptiores, studioforum
gratiâ in lucem data.*



L V G D V N I,
Sumptibus Horatij Cardon.

M. D C V I I I.
CVM PRIVILEGIO.



P R O O E M I V M.



PERFECTVM Philosophum neminem posse euadere, qui Moralis scientiæ præceptis imbutus non fuerit, planè indicat, tum vulgata illa diuisio, qua Vereres Philosophiâ, in Dialectica Naturalè, & Moralem, distribuebant: tum quia vt ad bene beatèque viuendû, ita ad rectè philosophandum, perspicere oportet, quid honestû, quid turpe; quid amplectendum, fugiendûve sit: cuius rei cognitio Philosophiæ Moralis propria est. Hinc ijs, qui in bonarum artium curriculo versantur, doctrina hæc, quia ad alia tendentibus integra atq; omnibus absoluta numeris explicari nequit, aliqua saltè ex parte tradi solet debétque. Quod vt commodè seruari posset, è re fore iudicauimus, aliquot disputationes conscribere, in quibus potiora quædam ex ijs, quæ ab Aristotele libris Ethicorum ad Nicomachû sparsim tractata sunt, in ordinè summâque redacta comprehenderemus. Omisimus autem, vt in Meteororû & Paruorum Naturaliû libris, interpretationem Aristotelici contextus: non quòd cum negligendum putemus, sed quia nò quid ab alijs scriptum sit, aut scribi à nobis possit, sed quid Philosophiæ auditoribus, certo annorum spatio eis præscripto, enarrari queat perpendimus.

*De hac diuisione
Arist. 1.
Top. c. 12.
D. Aug.
8. de Ciuit. ca. 4.
Alein. in li. de doct. Platonis.
Euseb. in tit. li. 11.
de pr. En.*

*Huius de
Ethica
scopus.*

Igitur scientiæ Moralis institutû ac finis est, honestè viuendi rationem docere, probitate morû informare, atq; ad felicè vitæ statû perducere. Et quia homo, vt hoc pacto institui in formariq; potest vel spectatur in se absq; respectu ad multitudinè, ad quam alioqui pertinet, cùm animal politicû sit: vel vt pars est domesticæ cõmunitatis: vel vt est totius Reipublicæ quasi membrum: effectum est inde, vt hæc scientia tres contineat partes, Ethicam siue Monasticam, OEconomicam seu Familiarè, Politicam seu Ciuilè. Quarû

Partitio.

prima mores hominis in se absolutè considerati componit: secunda domesticam disciplinam tradit, & ad propria familia gubernationem erudit: tertia optimam Rempub. instituit, atque hominem dirigit, vt ea, quæ ad regni totius statum & vniuersale bonum spectant, probè exsequatur. De qua diuisione Alcinous in lib. de Doct. Plat. c. 4. Philo Iudæus in lib. de Temulent. D. Thomas in 1.2. quæst. 48. art. 11. & initio lib. 1. Ethic.

Subiectū. Subiectum totius Moralis scientiæ (quod iam ex dictis facilè colligitur) est homo, vt liberè agit, & vt potest bonis moribus excoli, humanamque felicitatem obtinere: sic tamen acceptus, vt eius consideratio tripartitam illam varietatem, de qua paulò antè egimus, comprehendat. Ethicæ, ad quam (vt mox dicemus) Ethicorum libri pertinent, subiectum est Homo primo modo sumptus.

Ordo. Quem verò tum doctrinæ, tum dignitatis ordine, tota hæc facultas, inter alias disciplinas locum vendicet; exposuimus in * Physicis. E tribus eius partibus, Ethica doctrinæ naturæq; ordine reliquas duas præit: quia de re simpliciori disputat, nimirum de homine secundum se instituendo: qui simplicius quidpiam est, quàm familia, quæ ex singulis hominibus; & regnū, quod ex singulis familijs ac ciuitatibus coalescit. Item, quia necesse est propriam vitam prius componere, quàm ad familiæ aut Reipub. gubernaculum accedere. Quare & Aristoteles initio Ethicorum ad Nicomachum, præmium quoddam toti Morali doctrinæ commune adhibuit; & in calce eiusdem operis, sese in progressu & de Repub. & de ratione Legum ferendarum, disputaturum promissit.

DE

DE LIBRIS MORALIBVS
ARISTOTELIS: AC PRIVATIM
DE ETHICIS AD NICOMACHVM.

Lege Ar.
lib. i. Me-
ta. c. 6. &
li. 13. ca.
4. & de
Part. an.
c. 1. D.
Aug. 8.
de Ciui.
c. 3. Laet.
li. 3. ca.
13.

VM Veteres Philosophi in solam rerum naturalium peruestigationem & scientiam incumberent, primus Socrates, teste Xenophonte in lib. de eius dictis, & Cicerone i. Acad. quaest. dicitur philosophandi studium ad componendam vitam inflexisse, eamque disciplinam, quae de moribus est, euocatae à caelo, in urbibus domibûsque collocasse. De qua subinde multa praclare scripserunt nobilissimi eius discipuli, Plato & Aristoteles. Ac Platonis quidem exstant Dialogi nonnulli, qui ad mores priuatos spectant, ut Mnemon, Eutyphro, Philebus, Crito; alij, qui ad publicos, ut Leges & Respublica.

Lege Di.
Laer. &
Plutarc.
in vita
Aristot.

Aristoteles verò omnes huiusce doctrinae partes varijs operibus complexus est, videlicet libris circiter centum septuaginta octo. E quibus ad nos peruenere de Ethicis decem ad Nicomachum, septem ad Eudemum, duo qui dicuntur ἠθικὰ μαγάλα, id est, Moralia magna: de domestica disciplina duo, qui appellantur Οἰκονομικά: de gubernanda Republica octo, qui Politica nuncupantur.

Ceteris in praesentia omissis, quod attinet ad libros Ethicorum ad Nicomachum, è quibus ea, quae in haec disputationes coniecimus, magna ex parte petita sunt: aduertendum, nonnihil de ipsorum Auctore dissidij esse. Nam Tullius quinto de Finibus, suspicatur compositos à Nicomacho, Aristotelis filio. Cui opinioni, quam alij quoque secuti sunt, fauet ipsa operis inscriptio. Dicuntur enim ἠθικὰ Νικομαχείου, id est, Moraliû Nicomachiorum. Quae verba non obscure significare videntur, esse illos Nicomachi, id est, à Nicomacho scriptos. Afferendum tamen communi interpretum aliorumque iudicio, eiusmodi libros Aristotelicos esse: ut testatur doctrinae conuenientia, breuitas & pondus sententiarum, argumentorum aculeus, contextus dictionis, & tota praeciendi ratio. Item, quia in fine huiusce operis remittit auctor lectorem ad suos libros de Republ. seu Politicorum, & libr. 6.

cap. 3. ad suos *Analyticos*: quæ opera constat *Aristotelica* esse. Nuncupantur ergo ij libri *Nicomachij*, non quod à *Nicomacho* compositi fuerint, sed quia sunt *Nicomachi*, id est, *Nicomacho* non solum inscripti, sed etiam paterni amoris affectu donati.

Distributio
doctrinæ
Eth. ad
Nicom.

Distribuitur hoc opus in libros decem. In quorum primo agitur de fine, ad quem actiones humane diriguntur. In secundo, de Virtutibus generatim. In tertio, de Principijs honestarum actionum: in quo etiam inchoatur explicatio singularum virtutum. In quarto, continuatur earundem virtutum tractatio. In quinto, differtur de Iustitia. In sexto, de quinque habitibus intellectus. In septimo, de Heroica virtute, de Continentia, & Incontinentia. In octavo, de Amicitia, eiusque speciebus. In nono, quadam ad Amicitiam pertinentia traduntur. In decimo, de Contemplatrice beatitudine disputatur.

DISPV-





DISPUTATIO

PRIMA.

DE BONO.



QUAE Philosophiae Moralis institutum est, hominem ad felicitatem perducere; quae felicitas bonum quoddam est, & ultimus humanae vitae finis: acturi paulò post de felicitate, & iis quibus ad eam peruenitur, prius de Bono ac Fine differemus; sed cursim ac breuiter. Nam de fine, cuiusque multiplicitate & causandi vi, copiosè scripsimus in 2. Phys. Aufcul. de bono autem in 4. Metaph. ex professo agendum. Atque ut à boni definitione exordiamur, querimus:

QUESTIO I.

Vtrum Bonum rectè definiatur id, quod omnia appetunt?

ARTICVLVS I.

Videri non rectè definiri.



NPRIMO cap. lib. 1. Ethic. commendauit Aristoteles illam Boni definitionē à Veteribus traditam: *Bonum est, quod omnia appetunt.* Nō desunt tamē, qui eam minus probent, eo potissimum argumento, quòd homo non bona tantum, sed etiā turpia malāque expetit. Itaq; praefertunt illam, cuius auctor fuisse perhibetur Diogenes Stoicus, videlicet: *Bonum est id, quod est naturā absolutum:* quam etiam complectitur Tullius lib. 3. de Fin. & Simplicius in Epictet. cap. 5. Et si hic paucis mutatis, aliens bonum esse, quod secundum naturam cuiuslibet est, quatenus suam obtinet perfectionem. Plotinus quoque Enn. 6. lib. 7. ca. 19. censet bonum definitum, *participationem primi boni, quod ex se bonum est.*

Erīt etiam qui aliam querendam esse definitionem, hunc in modum probate contendat: Natura boni per id appositè declaratur, quod ad eius rationem maximè pertinet: sed ad rationem boni maximè pertinet, se ipsum diffundere & communicare: igitur bonum debuit definiri, id quod se diffundit, seu quod est diffusiuum sui. Minor probatur in primis auctoritate D. Dionysij cap. 4. de diu. nom. Deinde, quia videmus quantò aliquid eminentiorem naturā gradum obtinet, tantò vniuersaliorem habere se communicandi appetitum, suamque bonitatem latius diffundere. Nam imperfecta in peculiare bonum proprii indiuidui dantur, perfecta in

A bonum speciei; perfectiora in bonum generis; Deus autem, cuius est infinitè perfecta bonitas, in bonum totius entis fertur. Quare planum videtur, nihil ad boni rationem magis spectare, quàm se ipsum diffundere.

*D. Th. 3. cit.
Gen. 24.
Iud. 2. m. 3.
d. 34 23.*

ARTICVLVS II.

Approbat, enodaturq; proposita Boni definitio.

NON est tamen, cur illa antiquorum definitio à nobis reiiciatur, quam cōmunis Peripateticæ scholæ consensio amplecti est. Sed ad vberiorē eius intelligentiam sumendum hic erit, quod salibi falsus exponemus, videlicet, bonum, quā bonum, ex sua ratione formali (etsi alij secus opinentur) significare relationem conuenientiae: quādoquidem bonum est obiectum appetitus; & vnumquodque eatenus appetitur, quatenus conueniens est, vel cōueniens putatur. At istiusmodi conuenientiam consequitur appetibilitas, vt propria affectio, habens sese ad bonum, vt ad colorem visibilitas: sicut enim color visibilitatis fundamentum est; ita bonum appetibilitatis. Quare si bonum ex sua formali ratione spectetur, definiendum erit id, quod cuique conueniens est: si verò expendatur secundum proprietates, quae ipsum consequuntur, quarum vna est appetibilitas; rectè describetur id, quod ab omnibus est appetibile, seu (nam eodem recidit) quod omnia appetunt. Vnde iam liquet, praedictā Boni definitionē aptam idoneamque esse, licet non à priori, sed à posteriori tradita sit, vt annotauit D. Thomas.

Ceterum Eulathius, alique nonnulli credunt, eam non competere in bonum vniuer

*Leg. Cap.
in 2. dist.
34. q. 1. art.
3. ad 2. cōt.
2. conc. Fer.
rar. 1. cōtra
Gen. ca. 37.
Cair. 1. p. 9.
5. art. 1.*

*Quid in pro
posita defini
tione expli
cetur.*

uiuere sumptum, sed in supremum duntaxat summumque bonum, quod est Deus. Pro qua sententia facit, quod non omnia quoduis bonis particulare appetit. Non enim ignis appetit bonum valetudinem, quam animal, nec animal suum locum, quem ignis. Nobis videtur in primis negandum non esse, eam definitionem vto modo accommodari posse summo bono, ut ad eum locum D. Thomas obseruat. Nam eum omnibus rebus ingenta sit inclinatio ad bonum, omnisque actio in bonum feratur, & omne bonum sit quedam summi boni participatio: consequens est, ut omnia, scilicet virtute & implicite in summum bonum tendant. Quod docet D. Augustinus 10. de Trinit. cap. 6. Et Boetius 3. de Consol. Philos. prosa 1. tueretur D. Thomas in 1. secundæ, quæst. 1. art. 6. & eius sectatores variis in locis. Verum quia ratio illa appetendi implicite & virtute, recondita est, ac non ita propria, atque adeo definitioni minus apta, non videtur de illa intelligenda proposita definitio. Ac quod ab Aristotele in eum sensum nequaquam accepta fuerit, ex eo ostendi potest: quia eodem capite, quo definitioem hanc tradit, explicans, quānam ratione omnia appetant bonum, & quodnam bonum id sit, docet ex finibus & bonis, quæ appetuntur, alia amabiliora esse, alia minus amabilia. Itaque nomine boni quoad appetitur, non summum bonum duntaxat, sed alia etiam peculiariora bona designat.

Nec obstat ratio in contrarium adducta: licet enim definitio illa singulis bonis primò non competat, quia non omnia quoduis particulare bonum appetunt: bono tamē in commune procul dubio conuenit. Hoc enim expetunt omnia, eum in singulis bonis, quæ res quæque optant, includatur. Ac bonis etiam particularibus prædicta definitio secundaria ratione aptari debet: quia & bona particulatim sumpta dici queunt appeti ab omnibus, quatenus vnaquæque res appetit suum bonum, & bonum cuiusque est id, quod vnumquodque appetit. Quo etiam pacto in 1. Phys. Aut. definitio illa principiorum (Principia sunt, quæ nec ex sese, nec aliis, sed ex ipsis sunt omnia) principijs particulatim sumpris accommodatur. Dicuntur enim cōposita naturalia esse, id est, constare aut fieri ex iis principijs ita acceptis: quia licet non omnia ē quibuscumque et indefinitē sint, vnumquodque tamen est ex suis.

*Perfictum
quod sit.*

Quod attinet ad definitionem à Diogene traditam: Bonum est id, quod natura absoluta est: dicendum, eam potius esse definitionem perfecti, quā boni: siquidem id ritè perfectum appellamus, quod quā tale, absolutum est in sua natura: seu, ut alij appetiūs declarant, cui nihil deest, vel simpliciter, vel in suo genere. Itaque bonum & perfectum, etsi apud Theologos & Philosophos pro eodem sæpe vsus-

A¹ pentur; differunt tamen inter se: quòd bonum, si secundum suam propriā formalēque rationem spectetur, significat relationē conuenientis: perfectum verò (intellige vt est quid transcendens, & vt cum ente reciprocatur) importat negationem defectus, modo antè explicato.

Denique definitio Plotini, & illa alia quæ ex D. Dionysio colligitur, ita probanda sunt, vt ea de qua agimus minimè improbetur. Potest enim vna eadēque res diuersa consideratione, alio & alio modo apud describi. Illud autem hic obiter aduerte, eum bonum dicitur diffusum sui, id sub quadruplici caularem genere intellegi posse: sub genere causæ finalis, quatenus motione metaphorica allieit appetitum: sub genere causæ efficientis, quatenus aliud quidpiam efficit; vt lux lucem: sub genere causæ formalis, prout sese alteri tribuit ipsum actuando & perficiendo; quo pacto forma se materię communicat. Ad quem etiam modum pertinet ea communicatio, qua in mysterio incarnationis personalitas Filij humanitati assumptæ diuinitus tributa est. Sub genere causæ materialis, prout se alteri dat, fouendo sustentendōve illud: quæ casualitas est propria materię respectu formæ; & subiecti comparatione accidentium quæ recipit. Vt igitur aliquid dicatur diffusum sui; sat est aliquo horum modorum posse diffundi.

Quod autem obieciatur, nos aliquando mala appetere: facile diluatur ab eo, qui dixit, sæpe nos appetere, quæ re ipsa mala sunt, vt tamen aliquā boni speciem induunt. Vnde Aristoteles lib. 2. Phys. c. 3. text. 31. docet, in iis quæ optamus nihil referre, nunt ea bona sint, vel bona appareant. Et cap. 1. lib. 1. Polit. ait, eius, quod videtur bonum esse, gratia omnes omnia agere. Et in lib. de Comm. anim. mot. bonum clementium locum boni tenere.

ARTICVLVS III.

Quoniam appetitu omnia bonum appetant?

Vt hic quispiam rogāit, quoniam appetitum omnia appetant bonum? Pro quo sciendum, appetitū aut esse innatum, aut elicium.

Appetitū innatus est propensio ingens ab auctore natura, quā vnumquodque ad id, quod sibi conueniens est, inclinatur. Hic verò appetitus in tria membra diuiditur: in naturalem, sensitiuum, & intellectuū. Appetitus naturalis, est appetitus innatus, quo res absque ulla notitia inclinatur in id, quod sibi conueniens est. Atque hoc modo non solum appetitus, quo materia expetit formam, est appetitus naturalis; sed etiam vis intelligendi, quatenus est

*Quadruplici
causa ge-
neris bonum
diffusum
sui.*

*D. Th. in 1.
2. 2. ar. 1.
& 1. Ethic.
lect. 1. Ferr.
3. contra
Gent. c. 19.*

*Appetitus
duplex.*

est inclinatio ad intelligibile: imò & facultas volendi, ut est propensio ad volibile, spectata in se absque villa operatione. *Appetitus sensitivus* est appetitus innatus, quo res fertur in bonum sibi conveniens: præsertim notitia sensus. Distribuiturque in irascibilem & concupiscibilem: de quibus in progressu. *Appetitus intellectivus*, est appetitus innatus, quo res appetit bonum sibi conveniens: præsertim notitia intellectus: qui appetitus nihil est aliud, quàm voluntas. Denique appetitus elicivus, est appetendi actus, quo potentia, præsertim cognitione, fertur in suum obiectum. Huiusmodi sunt amor, spes, desiderium, aliæque id genus affectiones animæ, quibus in res ab intellectu aut sensu propositas incitatur.

Appetitus elicivus.

Responsio ad propositam dub.

Obiectio.

Dilectio.

Hinc faciliè iam erit propositæ dubitationi occurrere videlicet appetitum, quo omnia bonum appetunt, esse indiscriminatim quemlibet ex iis appetitibus, quos recensuimus. Ut enim ex ipsorum definitione constet, omnes in bonum feruntur; et si nec eodem pacto omnes, nec in cunctis rebus omnes insistant. Nam ea quæ cognitione carent, appetitum naturalem duntaxat sortita sunt; bruta naturalem, & sensitivum, homines naturalem, sensitivum, & intellectivum.

Erit tamen qui ita obiciat: Appetitus sensitivus suapte natura est propensus ad malum: ergo non omnis appetitus est inclinatio ad bonum. Probatur antecedens, primum ex illis verbis Genes. 8. *Sensus hominis ab adolescentia sua pravi sunt ad malum.* Quæ verba potissimum de appetitu sensitivo intelliguntur. Deinde, quia Concilium Tridentinum sess. 5. docet, concupiscentiam (quæ est appetitus sensitivus) in reatu vocari ab Apostolo peccatum, quia à peccato est, & ad peccatum inclinatur: unde & fomes peccati dici consuevit.

Huic obiectioni occurrendum est: appetitum sensitivum dici inclinari ad malum, quia eam feratur in bonum iucundum ut in proprium obiectum, plerumque accidit, ut quod ei iucundum & delectabile est, recte rationi & legi divine adversetur. Quo spectat illud D. Pauli ad Gal. 5. *Caro concupiscit adversus spiritum, & spiritus adversus carnem.* At quamvis appetitus in istiusmodi malum, hoc est, in id quod à recta ratione alienum est, tendat, idcirco peccatum & fomes peccati vocetur, ut Concilium Tridentinum explicat; haud propterea ferri definit in bonum naturæ suæ conveniens: sicque adhuc ratum manet, appetitum esse inclinationem ad bonum, accepta larè boni appellatione: siue id à recta ratione delectatur, siue non.

QVÆSTIO II.

Vtrum omnis appetitio feratur in bonum?

ARTICVLVS I.

Quibus argumentis pars negativa ostendi videatur.

IN hac disceptatione ad negantem partem deesse Gabriel in 1. d. 6. q. 1. Ockamus in 3. d. & q. 13. ad dub. 3. Angelus Moral. cap. 2. alique nonnulli, asserentes, posse voluntatem appetere malum quàm malum, & repudiare bonum quàm bonum. Aiunt enim bonum bifariam usurpari: vno modo, prout distribuitur in honestum, utile, & delectabile, altero, quatenus idem est atque volibile: similiterque malum vel sumi, ut diuiditur in turpe, inutile, & molestum, vel ut idem est ac nolibile. Tum statuant voluntatem nihil posse appetere, nisi sub ratione boni posteriori modo; posse tamen velle aliquid, non sub ratione boni secundum priorem sensum: similiterque nihil posse nolle nisi sub ratione mali secundo modo; posse tamen aliquid nolle, non sub ratione mali primo modo.

D Probant verò suam sententiam hisce potissimum argumentis. Ita se habet bonum ad appetitum, sicuti verum ad intellectum: sed intellectus potest intelligere falsum sub ratione falsi: ergo & voluntas potest appetere malum sub ratione mali. Secundo: voluntas est libera: ergo si hac in re experiri libertatem velit, nihil obstabit, quò minus arbitratu suo aliquid malum, quàm malum, optet. Tercio: qui æternis Inferorū suppliciis puniuntur, habent voluntatem ad malum obfirmatam, voluntque flagitare, propterea quòd sciant illa Deo dupliciter: quin etiam in hoc vite statu, qui alios odere, optant eis mortem, dedecus, aliæque eiusmodi, quia mala sunt: igitur voluntas appetit malum, quàm malum.

ARTICVLVS II.

F Concluditur pars affirmativa: diluunturque adversariorum argumenta.

ASSENDENDUM tamen est, omnem appetitionem tendere in bonum: vt docet Aristoteles lib. 8. Ethic. c. 1. lib. 1. de Repub. c. 1. lib. 3. de Anima, cap. 10. lib. 6. Top. cap. 4. D. Dionysius 4. c. de divin. nomin. D. Thomas in 1. 2. quæst. 8. art. 1. Durandus in 1. dist. 46. q. 2. Marsilius in 2. q. 16. art. 5. Buridanus 3. Ethic.

B

Prima ratio.

Secunda.

q. 5. & alij. Probaturque ex eo: quia bonum est A
obiectum appetitus: nulla verò potentia fer-
tur nisi in suum obiectum. Secundo: quia quò
vnum quodque melius est, cò magis ad sui
amorem allicit: id autem planè indicat boni-
tatem esse, quæ in qualibet re appetitum ad
se rapit. Itaque licet obiectum formale volun-
tatis sit visibile, sicuti obiectum formale vi-
sus est visibile; tamen bonum, vt diuiditur
in honestum, vile & iucundum, non minùs
larè patet, quàm visibile siue appetibile. Vnde
absolutè pronuntiandum est, voluntatem
nihil posse velle, quod nò aliquam rationem
boni, seu veram, seu adumbratam obtineat.

Solut. ar. 1.
aduersa
partu.

Ad primum argumentum eorum, quæ pro
contraria parte atrulimus, dicendum erit: ita
se habere appetitum ad bonum, vt intellectus
ad verum, quatenus sicuti intellectus non as-
sentitur, nisi ei quod ipsi tanquam verum of-
fetur; nec dissensum exhibet, nisi ei quod
ipsi repræsentatur tanquam falsum: ita vo-
luntas non amplectitur, nisi id quod ei tan-
quam bonum obicitur; nec repudiatur, nisi id
quod ipsi proponitur sub specie mali.

Sol. 2.

Ad secundum, concessio antecedente ne-
getur consecutio: non enim ad libertatem
voluntatis spectat, vt possit in malum, quò
malum est, tendere; alioqui posset vagari ex-
tra metas sui obiecti.

Quia tamen suam experiri libertatem ha-
bet rationem boni iucundi, non negamus,
posse quempiam velle aliquid malum sub ea
notione: sed hoc non est velle malum, quò
malum; sed vt appareat bonum, seu prout ob
experientiam libertatis delectabile sit.

Sol. 3.

Ad tertium respondendum: damnatos velle
flagitia & displicentiam Numinis diuini,
sub aliqua tamen adumbratione boni: non
quidem honesti, cum omnè honestatis amo-
rem deposuerint; sed vt quidpiam sibi con-
ueniens, ad explendum iram & odium in
Deum, à quo puniuntur. Quod similiter di-
cendum de iis, qui aliis mala optant: nimirum
optare illa, tanquam media ad capiendam
vindictam, aliumve eiusmodi finem obtinen-
dum, à quo tale obiectum aliquam boni si-
militudinem mutuat.

XXXXXXXXXXXXXXXXXXXX

Q V Æ S T I O I I I.

De diuisione Boni in commune.

ARTICVLVS I.

Varia bonorum diuisiones.



V Æ N A M res essent in bonis nu-
meranda, & quæ bona quibus ex-
celleret, magna fuit in scholis Phi-
losophorum concertatio: vt cõstat ex iis, quæ

tradidit D. Augustinus lib. 9. de Ciuit. Dei,
cap. 4. Cicero in lib. de Fin. & 1. Acad. quæst.
Seneca in lib. qui inscribitur, *Quid in sapien-
tem non cadat iniuria.*

Sed omiffis nunc eiusmodi controuersis,
aliquot bonorum diuisiones, quæ celeberrimæ
sunt, in medium afferemus. Plato. 1. de
Leg. distribuit bona, in diuina & humana.
Bona diuina dixit esse, prouidentiam, tempe-
rantiam, iustitiam, fortitudinem: humana va-
letudinem, formam, robur, diuitias. Aristote-
les 1. Ethic. cap. 6. bonum diffundit in decem
Categorias: substantiam, quantitatem, quali-
tatem, &c. Idem lib. 1. magn. Moral. ca. 3. & 1.
Rhet. ad Theodect. ca. 5. post Platonem lib. 3.
de Leg. docet, bonorum alia esse bona animis
vt virtutes: alia corporis, vt vires, sanitatem:
alia exteriora, vt diuitias, famam, honorem,
dominatum. Quam distributionem tam Pe-
ripatetici, quàm Academici veteres celebrã-
runt.

D. Augustinus lib. 2. de libero arbit. cap. 19.
& in lib. de cognit. veræ vitæ, cap. 7. quadri-
partitam inculcat bonorum varietatem, se-
cundum quatuor gradus rerum; nimirum
existentium, viuentium, sensibilibus, & intel-
ligentium. Idem super Psalm. 134. distribuit
bonum, in bonum quod per se ipsum bonum
est; & in bonum quod ab alio est bonum: hoc
est, in bonum per suam essentiam, & bonum
participatione. Est autem solus Deus bonus
per suam essentiam (quomodo Patres inter-
pretantur illud Christi Domini, Lucæ 18. *Nemo bonus, nisi solus Deus.*) Tù quia solus Deus
ex sua essentia independentè à quolibet alio
bonitatem habet: tum quia omnis diuina
perfectio, tam moralis, quàm naturalis, & de-
nique omnis formalis perfectio in Deo exi-
stens, vt potentia, sapiëntia, iustitia, est ipsa Di-
uina essentia. Quod nulli creature conuenit:
nec enim, verbis gratiâ, virtus aut sapiëntia An-
geli vel hominis, ipse Angelus aut homo sunt.

Alij ita diuidunt bonum, vt quædam sint
maxima, alia media, alia infima: vt maxima
sint virtutes, quibus rectè viuatur; media,
animæ facultates, sine quibus vt nec viuere,
ita nec rectè viuere quiquam potest; infima,
bona corporis, & fortuita temporariâque
omnia.

XXXXXXXXXXXXXXXXXXXX

ARTICVLVS II.

Distributio Boni in Honestum, Vile,
& Iucundum.

P Æ T E R superiores diuisiones alia
quoque est, quam afferunt Aristoteles
lib. 2. Ethic. c. 3. D. Ambrosius in lib. de Of-
fic. cap. 9. Tullius 5. Tusc. quæst. alique au-
ctores communi consensu: nempe in bonum
honestum

*Ratio pro-
pos. diuisio-
nis.*

honestum, vtile, & iucundum siue delectabile: cuius partitionis ratio explicatur à D. Thoma 1. part. q. 5. art. 6. in huc ferè modum: Vnumquodque dicitur bonum prout appetibile est, & vt terminat motû, seu quasi motum facultatis appetentis. Motus autem terminatur simpliciter quidem ad vltimum; secundum quid verò ad medium, quo ad vltimum itur: & vltimum quidem, vel se habet vt res quæ per se appetitur, vel vt quies in re adepta. Necesse ergo est bonum trifariam dici: nimirum id in quod tendit appetitus, tanquam in rem per se desideratam, vocaturque bonum honestum: & id ad quod fertur, tanquam ad medium quo quidpiam assequatur, quod dicitur vtile: & id quod terminat motû, vt quies siue delectatio, quæ capitur post adaptionem rei, quod nuncupatur bonum

iucundum. Fit tamè interdum, vt vna eademque res, diuersa consideratione, honesta sit, utilis, & delectabilis: vt dilectio Dei, quæ in se actio quædam honesta est, & ad beatam vitam consequendam utilis, & cum animi voluptate delectationeque exercetur.

Est autem prædicta diuisio, vt aduertit loco cit. D. Thomas, non vniocci, sed analogi, quod à suis membris inæqualiter participatur. Primò enim dicitur de honesto, secundò de delectabili, tertio de utili: quia honestum appetitur propter se, vtile propter honestum, delectabile verò possessionem rei comitatur. Lege etiam M. Albertum 1.

part. sum. tract. 6. quest. 16. mem. 1.

Capitolum in 1. d. 3. art. 1. in solut. argum.



DISPUTATIO SECUNDA

DE FINE.

QVÆSTIO I.

Vtrum Finis & Bonum idem sint?

ARTICVLVS I.

Questionis in utramque partem disputatio.



ROST tractationem Boni, sequitur vt de Fine disputemus. Ac primùm negatiua pars cōtrouersæ ex eo ostenditur: quia bonum, quâ bonum, significat relationem conuenientiz: at finis, quâ finis, importat relationem causæ finalis. Vnde & bonum definitur id, quod conueniens est: finis verò id, cuius gratiâ cetera fiunt.

*Ratio boni
& finis.*

Secundò, quia bonitas diuina, cōparatione actus diuini amoris, non habet rationem finis: alioqui diuina bonitas exerceret causalitatem aliquam erga diuinum actum, sicque in Deo aliquid esset causatum: quod nefas est dicere. Quare aliquid bonum est respectu alicuius, quod respectu illius non est finis.

Contrario, quòd finis & bonum idem sint, potest suaderi primùm, quia id supponitur ab Aristotele lib. 2. Physic. 3. text. 31. & 1. Ethic. c. 1. Deinde, quia cum bonum sit quod omnia appetunt, necesse est omne bonum habere vim ad alliciendum appetitum: at quidquid appetitum allicit, vendicat rationem finis: quia finis causalitas, vt in 2. Physic.

Causæ lib. ostendimus, consistit in motione illa metaphorica, quæ appetitus mouetur.

XXXXXXXXXXXXXXXXXXXX

ARTICVLVS II.

Solutio questionis, & argumentorum explicatio.

ADVERTENDVM, bifariâ quæri posse, Vtrum Bonum & Finis idem sint: nimirum vel formaliter, ita vt ratio formalis vtriusque eadem sit: vel quoad fundamenti reciproca-tionem, ita vt nihil sit boni, quod non etiam rationem finis fortia-tur, & contrà: deinde hoc posteriori modo, vel sumi actu, ita vt quidquid est actu boni, sit actu finis: & è conuerso: vel potentare, vt omne bonum sit finis actu, vel potentiâ. Rursus vel accipi cōparatione creaturarû dantaxat, vel etiam cōparatione Dei. Quibus positis triplici asser-tione respondemus. Prima sit: *Bonum & Finis formaliter non sunt idem*. Hanc probat prima ratio superioris articuli: eandemque in eo sensu astruximus in Physicis loco citato.

B 2

2. assertio.

Secunda assertio: Bonum & Finis, quocumque modo sumantur, non sunt idem quoad fundamentum reciprocationem respectu Dei, si sermo sit de actionibus diuinis internis. Hanc demonstrat secunda ratio eiusdem articuli. Restitrimus autem assertionem ad actiones internas Dei: quia externæ sunt propter finem, quatenus Deus vnū opus propter aliud efficit: vt incarnationem Verbi diuini propter hominum salutem; & omnia propter se, iuxta illud Prouerb. 16. Vniuersa propter semet ipsum operatus est Dominus.

3. assertio.

Tertia assertio: Bonum actu & finis actu, comparatione creaturarum non idem sunt, quoad reciprocationem: sunt tamen aliquo modo idem, si secundum potestatem sumantur. Prior pars huius ex eo ostenditur quia licet omne, quod est actu finis rei create, sit actu bonum (siquidem nihil mouet translatitia illa motione, de qua paulo antè diximus, nisi quod bonum & conueniens est: vt constat ex ijs, quæ superius disputata sunt): non tamen quidquid est actu bonum, est etiam actu finis: vt patet tum alijs exemplis, tum in auto, quod ab eius contemptore minimè procuratur aut appetitur: atque ita respectu illius non habet rationem finis, etsi in se actu bonum quidpiam sit. Posterior pars eiusdem assertionis inde constat: quia quidquid potest reddi bonum & conueniens respectu alicuius, etsi tunc comparatione illius non sit actu bonum & conueniens, potest suapte natura ab eo appeti, habereque rationem finis respectu illius: & è conuerso, quidquid potest ab aliquo expeti, & obtinere rationem finis comparatione alicuius, potest esse eidem bonum & conueniens: vel saltem vt tale apprehendi.

Sol. argum.
3. artic. 1.

Quare ad primum superioris articuli argumentum non est cur respondeamus, cum probet primam assertionem: nec ad secundum, cum probet secundam. Ad tertium, quod ad priorem eius partem attinet, dicimus, nihil aliud velle Aristotelem locis citatis, quam finem & bonum esse idem fundamentum (intellige cum ea moderatione, quam suprà attulimus:) hoc est, vnā eandemque sanitate, & esse bonum & finem, diuersa tamen consideratione. Ad reliquam partem eiusdem argumenti respondendum est: etsi quodlibet bonum ad aliquem appetitum alicuius vim habeat, cum necessàriò sit conueniens alicui; non tamen oportere, si ceteri monuimus, quodlibet bonum actu exercere eam affectionem, in qua actualis causalitas finis consistit.

**

A B C D E F G H I K L M N O P Q R S T U V X Y Z

QVÆSTIO II.

Vtrum omni ac soli naturæ intellectuali conueniat, agere propter finem?

ARTICVLVS I.

Argumenta partis negatiue.



I N P R I M I S quòd non omni naturæ intellectuali competat agere propter finem, videtur facile concludi posse. Primum, quia homines multa agunt citra delectum, quæ proinde nō faciunt gratiā finis alicuius. Secundo, quia cognitio intuitiua Diuinæ essentia non est propter finem, cum sit ipse vltimus finis creaturæ intellectualis: vt docet D. Augustin. 1. de Trinit. cap. 6. a. iens voluntatem videndi Deum habere pro fine ipsam visionem. Tertiò, quia si omnis humana operatio esset propter finem, nulla esset actio humana otiosa, siquidem otiosum est id, quod sine caret: cum tamen & verba & opera otiosa multa esse negari non possit.

Deinde, quòd non sola, intellectualis natura agat propter finem, ostenditur, quia Aristoteles lib. 1. Phys. communi Philolophorum assensu docet, multisque argumentis confirmat, totam naturam corpoream gratiā finis operari.

A B C D E F G H I K L M N O P Q R S T U V X Y Z

ARTICVLVS II.

Enodatio controuersie.

D V P L I C I conclusione hæc quæstio explicanda est. Prima sit: Si agere propter finem absolute sumatur, omnia agentia agunt propter finem. Probatur: Quia omnia agentia, dum operantur, intendunt aliquod bonum, ad quod vel se ipsa dirigunt, vel ab auctore naturæ diriguntur: operari autem hoc modo, est propter finem operari. Secundo, quia cum multæ causæ sunt inter se essentialiter subordinatæ, sublatā causalitate primæ, necesse est aliarum etiam causalitates tolli: finis verò est omnium causarum prima, cui aliz causæ essentialiter subordinantur, vt constat ex ijs, quæ in 1. Phys. lib. differimus: quare nisi finis moueat, nulla erit efficientis causæ motio aut operatio. Vnde sequitur, omnes agentium actiones esse propter finem.

Secunda conclusio: Agere propter finem, dirigendo sese ad illum, proprium est intellectualis naturæ. Hæc ex eo patet, quia se ipsum dirigere est eius naturæ, quæ delectu & arbitrato suo agit: quod iis omnibus ac solis con-

conuenit, quæ intelligendi & appetendi vi prædicta sunt. Vnde cæteræ res dicuntur tendere in finem ab alio directæ: siue ferantur in ipsum aliqua notitia præeunte, vt bellux, siue nulla, vt arbores & elementa. Tendunt autem hæc in suum impulsu à motore primo, id est, à Deo, eo modo quo sagitta ferrur in scopum à iaculatore directæ. Vt enim sagitta ad scopum attingendum impetum recepit ab eo, à quo mittitur: ita agentia naturalia consequuntur propensionem ad suos fines à Deo, à quo formas & virtutem ad proprios motus obeundos fortiantur. Vnde opus naturæ, dicitur opus intelligentiæ. Significatur autem prædicta inclinatio in Diuinis litteris nomine ponderis, cum dicitur Sap. 11. *Deum disposuisse omnia in pondere*: vt explicat D. Augustinus libr. 4. in Genes. capit. 3. Quod spectat illud eiusdem Augustini 13. Confess. ca. 9. *Amor meus, pondus meum: ille feror quocunque feror.*

Vt res cognitiōis carentes in finem tendant.

Sol. 1. arg.

Ad primum verò argumentum eorum, quibus ostendi videbatur, naturæ intellectiui non competere propter finem agere, dicendum: in primis id non ita conuenire tali naturæ, quasi illa sese dirigat ad omnes suas operationes: cum planum sit, multos actus, tam internos, quam externos, citra omnem deliberationem à nobis exerceri: est ergo id intelligendum de actibus deliberatis. Verum etiam ii qui liberi non sunt, aliquid bonum & finem spectant: licet non soleant appellari actus humani, quod non sint in hominis potestate, nec ab eo liberè administrantur.

Solut. 2.

Ad secundum: duplicem esse finem, nempe obiectiuum & formalem. Obiectiuus est res quæ possidetur: formalis est actio qua possidetur. Ad argumentum igitur dicendum: cognitionem intuitiuam Diuinæ naturæ, siue beatificam visionem, esse finem formalem: Deum verò, circa quem versatur, esse finem obiectiuum. Nihil autem obstar, quod minus eadem actio dicatur finis formalis: & tamen sit propter finem obiectiuum, quatenus per eam finis obiectiuus immediatè attingitur: quo modo se habet beatifica visio.

Solut. 3.

Ad tertium: non dici verba aut opera otiosa, quod nullum omnino finem spectent, sed quod careant fine conuenienti, qui eis proximè apponi deberet.

Ad aliud quid respondendum sit, patet ex dictis.

A ~~DISPVT. II. QVÆST. III.~~

QVÆSTIO III.

Sitne aliquis vltimus finis humanarum actionum, an non?

ARTICVLVS I.

Diffolutio questionis.



N hac controuersia sit prima conclusio: In quolibet genere humanarum actionum dandus est aliquis finis vltimus. Hæc traditur ab Aristotele 1. Post. ca. 3. & 11. 7. Phys. c. 3. & lib. 8. c. 5. & 11. 2. Metaph. c. 2. & 1. Eth. c. 7. Probatūque ex eo: quia sicut in mouentibus per se ordinariis, quorum scilicet vnum pendet ab alio in cauendo, non potest dari progressus in infinitum, sed necessariò deueniendum est ad aliquod primum, alioqui non esset motus: ita in finibus consistendū est in aliquo vltimo, quod sit primum mouens finaliter, in quo appetitus conquiescat, aliter nulla esset appetitio.

1. concl.

Hinc colligit D. Thomas in 1. 2. qu. 1. art. 4. necessariò quoque dandum esse aliquod medium primum. Nam sicut intentio debet finire aliquo fine vltimo, à quo voluntas incipiat moueri: ita dandum est aliquod medium primum, vnde incipiat executio, alioqui nunquam incipiet. v. g. aduocat medicum ægrotus, vt venam tenet & potionem præscribat: potionem ab eo præscriptam accipit, vt corpus extenuet: corpus extenuat, vt sanitatem consequatur. Vt igitur in hoc progressu appetitio ægroti terminatur in sanitatem, & à vocatione medici executionem orditur, atque iis demptis, nihil ægrotus circa sanitatem comparandam moliretur: ita in cæteris quoque appetitionibus idem euenit.

Necessario dari primum medium.

Secunda conclusio sit: Omnis appetitio tendit in vltimum finem, & in summum bonum. Hæc asseritur ab Aristotele 1. Eth. ca. 7. vbi ait, omnia quæ à nobis expectantur, ob felicitatem expecti. Est etiam D. Augustini 10. de Trinit. cap. 6. & lib. 13. eiusdem operis cap. 5. & Boetij 3. de cons. philos. profa. 2. D. Thomæ cum Mag. Sent. in 4. d. 49. qu. 1. art. 5. qu. 1. & 3. contra gentes à cap. 7. Suadet autem ex eo, quia quicquid appetitur, non nisi sub ratione boni alicuius appetitur: vel ergo eiusmodi bonum est omnino perfectum, atque ita est vltimus finis: vel non est perfectum omnino, sicque appetitur in ordine ad perfectum: (semper enim inchoatio alicuius ad perfectionem ipsius ordinatur) patet autem, imperfectum tam in naturalibus, quam in arte factis esse inchoationem perfecti. Quocirca D. August. 13. de Trin. cap. 3. cum dixisset omnes homines velle esse beatos, & nolle esse miseros, subdidit: quicquid aliud

2. concl.

quisquam latenter velit, ab hac voluntate, qua
omnibus satis nota est, non recedit.

Secundò, confirmatur eadem conclusio,
quia ita se habet vltimus finis in mouendo
appetitus, sicuti in aliis motibus primum
mouens. Vt ergo causæ secundæ non mouent,
aut quicquam agunt, nisi concurrente ac
mouente prima; ita creata & secundaria ap-
petibilia non mouebunt, nisi mouente fine
vltimo.

XXXXXXXXXXXXXXXXXXXXX

ARTICVLVS II.

Obiecta, eorumq; solutio.

Obiect. 1.

SVNT tamen contra superiores conclu-
siones argumenta. Contra primam hæc:
Non repugnat dari progressum infinitum in
finibus: ergo non necesse est dari aliquem
finem vltimum. Antecedens probatur: quia
auius, qui finem statuit in diuitiis, nunquam
iis satiatur; sed alias atque alias in infinitum
desiderat: iuxta illud Solonis apud Aristote-
lem 1. Polit. cap. 5.

Finis opum posuit non est mortalibus vltimus.

Igitur non datur in rebus appetendis termi-
nus, in quo appetitus consistat. Præterea, in
numeris datur subordinatio essentialis, cum
in iis inueniatur per se ordo prioris & po-
sterioris: nam ternarius sequitur per se bina-
rium, & ternarius quaternarius, sicque in in-
finitum: ergo non repugnat, in finibus etiam
subordinatis infinitudinem repetiri.

Deinde contra secundam conclusionem
hunc in modum obicitur. Multi dum agunt
nihil de summo bono cogitant; multi etiam
beatitudinem consequuntur in diuitiis & vo-
luptatibus, & ad hunc finem suas collimarunt
actiones: igitur non quicquid ab his appeti-
tur, propter summum bonum appetitur.

Ad primum horum concedendum est, quod
eo probatur: videlicet vt in causis efficienti-
bus, ita & in finibus non essentialiter (subor-
dinatis, id est, quæ ita se habent, vt actualis
motio vnus ab actuali motione alterius non
dependeat, haud in commodum esse, dari pro-
gressum infinitum. Ex quo tamen non sequi-
tur, illam appetitionem infinitatem non ten-
dere in summum bonum, quatenus bona par-
ticularia, in quæ fertur, sunt participationes
summi boni. Item ad id, quod de numeris
obiiciebatur, dicimus: numeros non crescere
in infinitum, nisi procedendo à minoribus ad
maiores: at minores non pendere à maiori-
bus, sed contrariò non enim binarius à ternario,
sed ternarius à binario dependere quo fit, vt in
numeratorum dependentia non detur progres-
sus infinitus.

Ad aliud, quo secunda conclusio oppugna-
batur, respondendum quod iam ex dictis pat-
et: videlicet, vt quis in summum bonum ten-
dat, non opus esse de eo cogitare, vel ad ipsum
actiones suas aliquid explicitè dirigere; sed sat
esse, appetere aliquid bonum, vel quod boni
speciem habeat, cum id omne necessàriò sum-
mum bonum aliquo modo participet.



DISPVATIO TERTIA, DE FELICITATE.

QVÆSTIO I.

Vtrum felicitas consistat in bonis externis?

ARTICVLVS I.

*Quæ argumenta ostendere videantur, in iis
consistere.*



N hac disceptatione sciendum
in primis, beatitudinem nihil aliud
esse, quam summum hominis bo-
num. Quod à Boëtio 3. de cons.
Prof. 2. definitur, status omnium
bonorum aggregatione perfectus. & à Tullio
3. Tusc. quæst. secretis malis omnibus cumu-
lata bonorum complexio. De nulla autem re
apud Philosophos tanta dogmatum varietate

certatum fuit, vt de hominis felicitate: de Tullio in
qua Aristoteles 1. & 10. Eth. Lactantius li. lib. de Trin.
3. diu. Inst. D. Ambrosius lib. 2. de Offic. Cle- et 10. quæst.
mens 2. Strom. Eusebius lib. 11. de Præpar. Tusc. Sen. 10
Euang. cap. 10. D. Augustinus 13. de Trin. lib. de Vita
cap. 4. & 19. de Ciuit. Dei, cap. 1. vbi ait, beat.
M. Varronem collegisse 288. sententias, quæ esse potant Philosophorum de beati-
tudine.

Quoniam

Boet. lib. 2.
de consol.
Phil. D.
Thom. 1. 2.
quæst. 2. &
lib. 3. contra
Gent. 2. cap.
25.

Quoniam inter omnes constat, felicitatem hominis bⁿum esse; disquirendum occurrit, in quonam bono ea consistat. Cùm verò bonorum, vt superius diximus, tria sint genera: *bona externa, bona corporis, bona animi*: hæc tria ad controuersiam diuicidam breuiter percurtemus. Sunt autem externa bona potissimum diuitiæ, potestas, honor, gloria. Ex quibus posteriora duo eo inter se differunt: quòd *honor sit reuerentia, qua alicui exhibetur in testimonium virtutis, aut alterius excellentiæ, qua in illo est gloria verò*, vt D. Augustin. lib. 83. q. 31. ait: *est clara cum laude notitia*. Vel, vt definit Tullius in lib. de Inuent. est frequens de aliquo fama cum laude.

In primis ergo, quòd felicitas, hoc est, summum hominis bonum, sit in opibus & diuitiarum affluentia, videtur posse ostendi. Nam felicitas est status omnium bonorum aggregatione perfectus; qui status diuitiis maximè obtinetur; siquidem, vt §. Eth. cap. 5. Aristoteles docet, omnia pecuniis possidentur: & vt dicitur Ecclesiast. 10. *Pecunia obediunt omnia*. Secundo, quòd sit in potestate & dominatu, suadetur. Nam felicitas in eo consistit, quo homines ad Dei similitudinem propius accedunt: quod certe interuentu potestatis ac regiminis assequuntur: vnde ij, qui aliis præfunt, in Diuinis litteris Dij vocantur; Exod. 13. *Dei non detrahes*. Tertiò, quòd in gloria siue in honore sita sit, ostenditur. Nam in eo esse videtur, quòd ab hominibus ardentius expetitur: eiusmodi verò est gloria siue honor; vt testatur * Cicero: *Trahimus*, inquit, *omnes laudes studio, & optimis quique maximè gloriâ ducitur*. Est etiâ eiusdem rei argumentum, quòd nullius boni iacturam, tam iniquo animo patiuntur homines, quàm honoris & gloriæ.

ARTICVLVS II.

Negatiuam partem questionis veram esse.

Pro quadripartita illa varietate externorum bonorum, quatuor conclusiones statuemus. Prima sit: *Felicitas non consistit in diuitiis*. Probatur primum: quia summum hominis bonum non subiaceret fortunæ: siquidem bona fortuita, cuiusmodi sunt diuitiæ, absque studio rationis obueniunt; summum verò hominis bonum par est, vt non nisi per rationem, quæ in homine potiorum locum obtinet, adipiscatur. Item, quia, vt docet Aristoteles 1. Polit. cap. 6. diuitiarum duo sunt genera: quædam naturales, quæ videlicet à natura nobis ad vsum tribuuntur; vt plantæ, iumenta, prædia; quædam artificiales; vt pecunia, quam ars humana. ob facilitatem ad permutationes faciendam inuenit: est enim nummus aliorum bonorum fortunæ tan-

quam communis mēsurā. Quòd verò in nullo horum felicitas sit posita, ostenditur: quia diuitiæ naturales non comparantur sui gratiæ, sed ad sustentandam vitam; atque ita non sunt vltimus finis: multò minùs autem artificiales, quæ propter naturales queruntur. Tertiò id, in quo distribuendo maius est bonum quàm in possidendo, non potest esse summum bonum; siquidem hoc tale esse oportet, vt possessorem beatum reddat: atqui maius bonum est in distribuendis, quàm in possidendis diuitiis: ergo, &c.

Secunda conclusio: *Felicitas non consistit in potentia*. Probatur: quia potentia humana instabilis est, nec hominis voluntati subiaceret; & tam bonis, quàm malis obuenit. Præterea, potest quiescere in vtramque partem bene & male vti. Item, potentiam & imperium comitatur odium & timor. Quò pertinet vulgatum illud: *Necesse est mulier timeat, quem mulier timeat*; & illud Senecæ: *Simul ista possit conditor mundi Deus, odium & regnum*. Cùm ergo oporteat felicitatem ab hisce malis & incommotis liberari, & ex omni parte innoxiam esse, patet, non debere illam in potentia & dominatu collocari.

Tertia conclusio: *Felicitas non consistit in honore*. Probatur quia, vt disputat Aristoteles 1. Eth. cap. 5, beatitudo debet esse in beato: honor verò est in eo, qui honorem exhibet, non cui exhibetur. Item, quia honor impeditur ob aliquam excellentiam, estque illius quasi testimonium: hominis autem excellentia & dignitas in ipsa eius beatitudine maximè continetur: quod fit, vt possit quidem honores beatitudinem consequi: non tamen ipsam beatitudinis rationem in se formaliter includere.

Quarta conclusio: *Felicitas non consistit in gloria seu fama*. Probatur: Nam felicitas est solidum verumque bonum: sæpè autem contingit, gloriam & famam fucatam esse, ac falsis populi rumoribus collectam; cùm sæpè homines decipiantur, & arbitrato suo quæ volunt in vtramque partem de aliis prædicent. Item, quia gloria reddit homines elatos & insolentes: quo pertinet illud Senecæ: *Quis dixit notus omnibus, moribus ignotus suis*.

ARTICVLVS III.

Solutio argumentorum primi articuli.

ARGUMENTA primi articuli hunc in modum soluenda sunt. Ad primum dicendum: omnia pecunia possideri, eisdem quæ obedire, omnia, inquam, non simpliciter, vt planum est; sed omnia venalia;

quæ

quatenus ea omnia pecunia comparantur: tum etiam, quia plerique diuitibus obtemperant, & ad eorum se nutus effingunt.

Dilut. 2.

Ad secundum respondendum: erit dominatu fiant homines admodum similes Deo; aliud tamen esse, quoad Dei similitudinem propius & excellentiori modo accedant, nimirum eam contemplationem, in qua, ut progressu dicemus, hominis felicitas consistit.

Dilut. 3.

Ad tertium: vehementer esse contemplationis desiderium, in qua sita est felicitas, quam honoris cupiditatem. Nec ob stare, quod multi tam grauius ferant honoris iacturam, ut eam etiam aliorum bonorum, quæ ad animum pertinent, amissione pluris faciant: id enim ex deprauato affectu & ambitionis studio provenit.



QVÆSTIO II.

Vtrum felicitas consistat in bonis corporis?

ARTICVLVS I.

Argumenta pro parte affirmatiua.

BONA corporis potissimum sunt voluptates sensuum: valetudo, pulchritudo, robur. Quod in his felicitas sit collocata, hæc argumenta videntur ostendere: Felicitas est in eo, quod propter se ipsum expetitur: sed ita se habet voluptas; ut testatur Aristoteles 10. Eth. c. 2. *aliens, ridiculum esse ab aliquo querere, cur delectari velit.* Igitur felicitas est in voluptate. Corroboraturque argumentum: quia, ut summa miseria in doloribus, ita summa beatitudo in dolorum vacuitate & delectatione videntur ponenda.

1. argum.

2. argum.

Secundo, id quod ipsum esse, & vitam hominis conseruat, est summum hominis bonum: atqui valetudo conseruat ipsum esse & vitam hominis, ut patet: ergo valetudo est summum hominis bonum. Accedit, quod valeudo vitam maximè iucundam reddit, ac sine illa nec sensuum functiones, nec ipsa contemplatio suauius est. Ideoque scitè dictum est à D. August. in lib. de bono coniugali. ca. 23. Melius esse habere Zachari staturam, etsi contrariam & breuem, cum sanitate; quam Goliz, cum febris. Et à Platone in Gorgia: optimum esse valere, secundo formosum esse, tertio diuitias possidere nulla fraude quesitas.

3. argum.

Item, quod beatitudo collocanda sit in pulchritudine, ostenditur: quia pulchritudo, quæ definitur apta membrorum compositio cum coloris suauitate, videtur præcipuum hominis ornamentum; adeo, ut præstans for-

ma * communibus suffragiis impetio digna iudicaretur, & oris venustus ipsam virtutem grauiorem, amabilioremque reddat: ut Latinus * Poeta significauit illo carmine:

* Enripdet.

* Virg. 5. c. En.

Gratior & pulchro veniens in corpore virtus.




ARTICVLVS II.

Asstruitur pars negatiua.

PROPOSITÆ quæstioni hæc conclusio satisfaciit: Felicitas non consistit in bonis corporis. Huiusce conclusionis veritatem hæc argumenta satis ostendunt. Primum: Esse hominis continetur animo & corpore: & esse corporis pendet ab animo; atque ipsum corpus propter animum est, sicuti matetia propter formam, & instrumenta propter motorem: igitur omnia bona corporis ad animi bona tanquam finem conferuntur: atque adeo fieri nequit, ut beatitudo, quæ est vltimus finis, proindeque ad nihil aliud referri debet, in bonis corporis posita sit. Secundum: Summum hominis bonum non potest esse homini, & belluis commune: sed ita se habent bona corporis: non igitur in iis consistit humana felicitas. Tertium: Multa animantia rationis expertia corporis bonis homini excellunt: quædam enim diuturniora sunt, alia robustiora, alia velociora: igitur si felicitas constituta esset in bonis corporis, non præstaret homo dignitate finis cæteris animantibus. Quartum: Summa felicitas excludit omne turpitudinis dedecus, & miseriam; alioqui idem simul esset miser & beatus: at bona corporis possunt inueniri simul cum vitiorum turpitudine & infamia: ergo felicitas non est in iis bonis constituta.

Conclusio.

Lige Plin. li. 10. ca. 69.



ARTICVLVS III.

Probat, quod felicitas non sit in voluptate.

CIRCA voluptatem peculiariter aduertendum, varia de illa existisse philosophantium dogmata. Nam quidam eam malum esse dixerunt: alij neque bonum, neque malum: alij bonum. Et ex iis nonnulli in ea felicitatem posuerunt: alij quidem in voluptate animi, quæ ex contemplatione rei & actione virtutum oritur: alij in vtrâque voluptate, animi videlicet & corporis; & in indolentia, siue dolorum & molestiarum vacuitate. Atque ita sensisse Epicurum affirmat Torquatus apud Cicero nem 2. de Fin. & Seneca in lib. de Vita beata. Hic autem error, quatenus sumit voluptatem pro ea, quæ ad corpus pertinet, quo modo præsentem attingit disputationem, refellit tum iis omnibus,

Ingr. Laiff. li. 3. c. 7. Seneca in lib. de Vita beata. Lactantius li. 10. de vte. Castrum v. M. Albertum. 1. Eth. tract. 5. c. 7.

nibus rationibus, quibus ostensum fuit, felicitatem non esse in bonis corporis constitutam; cum speciatim argumento illo, quod affert Aristoteles 7. Eth. cap. 11. nimirum, quia voluptates corporis impediunt prudentiam: & quò vehementiores sunt, eò densiorem menti caliginem offundunt, & rationis ac iudicij arcem occupant, animùmque illecebris in seruitutē pettrahunt, & ita deiiciūt, ut nihil magnū aut excellens molitur. Vnde illud Seneca in lib. de Vita beata, cap. 7. *Voluptatem sapiens inueniam latitantem ad tenebras captiuitatem circa balnea & sudatoria mollem, enervatam vero atque unguento madentem, palidam, obfuscatam, in medicamentis involutam.*

Deinde confirmatur idem institutum, quia summi boni adeptio debet esse stabilis, & eiusmodi ut eam non consequatur tristitia: ac multo secus habent voluptates corporis, quæ (ut ait Philo ludæus in li. de Gigant.) canum more primum ablandiuntur, tunc repente mutatae morsum infligunt insanabilem: quod Boetius in l. 3. de cōs. metro 7. ita cecinit:

*Habet hoc voluptas omnis:
Stimulus agit furentes,
Apiūque par volantis,
Vbi grata mella sudis,
Fugis, & nimis tenaci
Ferit ista corda morsu.*

Legit D. Augustinum lib. 5. de Ciu. Dei cap. 10. ubi affert tabulam quandam, quam Philosophi nonnulli, ad ingerendum pudorem iis qui corporis voluptatibus virtutes metiebantur, piogebant: in qua voluptas in sella regali, quasi delicata quædam regina, confideret, eique virtutes famulæ subiacerentur, obseruantes eius nutum, ut facerent quod illa imperaret. Cuius etiam tabulæ meminit Tullius 1. de Fin.

ARTICVLVS IIII.

Respondetur argumentis in contrariam partem adductis.

ARGVMENTA in initio proposita hunc in modum explicanda sunt. Ad primum dicendum: summum bonum expecti propter ses voluptates autem saltem ex intentione primaria auctoris naturæ datas esse gratiæ operationum, ut agentia suauius ac promptius munia sua obeant: quemadmodum sal non propter se, sed ad condiendos cibos adhibetur. Itaque voluptates, si ordinatē & ex primarij illius instituti regula appetantur, non propter se, sed propter actiones quaeruntur. Arist. autem loco illo 10. Eth. delectationem & operationem, ex qua delectatio percipitur, non tanquā duo, sed tanquā vnum quid accipit: quasi diceret, ridiculum esse quaerere, cur quis operando delectari, & delectando

operari velit: præsertim cum notū sit, appetitum voluptatib. magnopere allici & deliniri. Ad confirmationē eiusdem argumenti dicimus, summā miseriam non esse positā in doloribus; sed in opposito seu priuatione eius boni, in quo summa felicitas est: de quo postea.

Ad secundum negandū est antecedens, & ad reliquam argumenti partem dicendum: tantummodo concludere, valetudinem ad naturā huius vitæ beatitudinem & iucunditatem requiri, ceterūque ex sententia Platonis inter bona corporis principem locum habere: non tamen in ea felicitatē consistere.

Ad tertium: pulchritudinem præcipuum esse ornamentū, non totius hominis, sed corporis: ac tametsi virtutem ipsam decoret, non ideo homini maiorem decoris excellentiam, quā ipsius virtutis actum, contemplationemque conciliat.

QVÆSTIO III.

Utrum beatitudo consistat in animi operatione?

ARTICVLVS I.

Adstruitur pars affirmatiua.

EVM oporteat felicitatem in eo qui felix dicitur insidere, & ex superiore disceptatione constat, felicitatem non esse in bonis corporis; consequens est, ut in bonis animi sita sit. Rursus cum animi bona, si generatim loquamur, sint potentior, habitus, & operationes: duo vero priora ad operationem ordinantur, felicitas autem propter se expectatur: utique asserendum erit, felicitatem in animi operatione consistere. Quod docet etiam Arist. 1. lib. Eth. c. 7. & lib. 10. cap. 6. & lib. 1. Polit. c. 3. & lib. 1. magn. Mor. cap. 10. potestque inde confirmari: quia beatitudo est vltima hominis perfectio: vnumquodque autem tunc perfectum est, cum in actu exiit: vltimus verò actus in iis quæ operationem vendicant, est ipsa operatio.

Obiiciat tamen aliquis: Beatitudo definitur a Boetio, *status omnium bonorum aggregatione perfectus*: igitur beatitudo non consistit in operatione, sed potius in statu & quasi habitu. Secundo: si beatitudo in operatione consistet, nemo, nisi cum actu talē edit operationem, esset felix appellandus: hoc autem absurdum est: cum ex eo sequatur, eundem hominem breui tempore nunc beatum esse, nunc infelicem: ergo &c. Tercio: Habitus est perfectior actu: igitur beatitudo in habitu, non in actu siue operatione collocari debet. Antecedens probatur: quia habitus est tum principium actuum, tum finis sui actus: cum ab habitu eliciatur actus, ideoque hunc fre-

Sol. 1. arg.
art. 1.
Leg. D.
Th. 3. contra Gen. c. 26. & in 1.
2. q. 4. art. 2. Et. & Cais. ij. dem loc.

Animi bona.

quentemus, ut illum perficiamus. Item, quia A
stabiliora perfectioris conditionis sunt: ut
docet Aristoteles 3. Eth. cap. 1. habitus verò
ex suo genere stabiliiores sunt, cum hi perma-
neant, illi confestim euaneſcant.

*Dist. 1.
obest.*

Ad primum horum respondendum, ex D.
Thoma in 1. 2. q. 3. art. 2. Cum beatitudo defi-
nitur status, solum iudicari beatu esse in statu
boni perfecti. Itaque propositio illa: *Beati-
tudo est status*: non est essentialis formalisve,
sed causalis: ut ibidem annotauit Caietanus:
quasi dictum sit, beatitudinem esse causam

Dist. 2.

Dist. 3.

*Aritus per-
ficeretur ha-
bitus.*

status perfecti. Ad secundum: ut quis felix
vocetur, fas esse verſari in actione, ut ratio
prescribit, & vitæ huius conditio arque hu-
mana imbecillitas fert. Quod attinet ad ter-
tium argumentum, quo petitur, *habituem an
actus perfectior sit*: aliterendum, actum simpli-
citer perfectiorem esse habitu. Primum: quia
vnumquodque ut minus dependet, ita excel-
lentioris naturæ est: at minus dependet actus
ab habitu, quam contrà, siquidem habitus na-
turalis, de quo loquimur, non uis per actum
gignitur, cum tamen actus absq; habitu elici
possit. Secundò: quia prestantius est id, cuius
gratià aliud est; ut docet Aristoteles 2. Phys.
cap. 3. text. 3. 1. & 1. magis. Moral. cap. 1. habi-
tus autem propter actum est, tanquam propter
quidpiam optimum. Vnde Aristoteles
7. Phys. cap. 3. text. 17. definit Vitætem dispo-
sitionem perfecti ad optimum: hoc est, ut ibi-
dem D. Thomas interpretatur, qualitatem
qua subiectum aptè perficitur ad exercen-
dum actum, qui comparatione habitus vir-
tutis optimum quidpiam est. Quare non vi-
detur negandum, actum absolute præstare
habitu, saltem in naturalibus. Quid verò de
supernaturalibus iudicandum sit, quod à qui-
busdam in utrumque partem disputari solet,
non est huius loci constituere.

Iis autem, quæ cõtra nostram assertionem
de naturali actu obiecta sunt, facile respon-
debit qui dixerit: etsi habitus sit principium
actus, & causa æquiuoca illius, non proinde
nobiliorem esse: cum non sit causa æquiuoca
principalis, sed instrumentaria. Item licet
operemur, ut habitus perficiamus: tamen
cum ipsa habitus perfectio sit gratià opera-
tionis, ut videlicet promptius & suauius ope-
rari possimus, ratum manere, finem habitus
esse operationem. Ad secundum dicito, cum
Richardo in 4. dist. 49. in 1. princ. quest. 1. 4.
pronunciatum Aristotelis intelligendum ca-
teris paribus: quod in re proposita non
euenit, ut ex dictis constat, cum ope-
ratio aliunde maiorem ha-
beat perfectio-
nem.

ARTICVLVS II.

In quânam operatione felicitas posita sit?

V T autem doceamus, in quânam opera-
tione beatitudo consistat, animadu-
tendum est, beatitudinem duplicem esse: scilicet
supernaturalem & naturalem. Rursus vitrami-
bet harum bipartitò fluidi: nimirum super-
naturalem, in eam quæ ad hanc mortalem vi-
tam, & in eam quæ ad aliam vitam pertinet:
item naturalem, in speculatiuâ & practicâ.

*Multiplex
densio felici-
tatis.*

Supernaturalis beatitudo, quæ in alia vita
obtinetur, consistit in intuitiua Diuinæ na-
turæ contemplatione: ut sentit D. Tho. 3. contra
gent. cap. 25. & 26. & quodlib. 8. art. 19.
eiulque sectatores variis in locis: & alij con-
tra Scotum in 4. d. 48. q. 4. & 5. Henrici Gan-
dauiensem in sum. art. 49. q. 6. Aggidium quodlib.
3. q. 19. alioq; non paucos, aliterentes prædi-
ctam beatitudinem sitam esse in actu aman-
di Deum clarè visum. Item contra D. Bona-
uenturâ in d. q. 49. 1. p. dist. q. 5. M. Albertum
dist. 48. art. 4. Alensem 2. p. q. 23. memb. 1. & 4.
p. q. 92. m. 2. art. 4. & alios, qui eam collocant
in utroque actu simul, intellectus & volunta-
tis: hoc est, in intuitiua contemplatioue Di-
uinæ naturæ, & in amore seu fruitione eiused.

*Beatitudo
supernatu-
ralis alteri-
um vita.*

Sententia D. Thomæ, quam eius asser-
tores multis argumentis confirmant, breuiter
hoc modo ostendi potest. Beatitudo forma-
lis nihil est aliud, quam adeptio & possessio
finis vltimæ: atqui sola clara Dei visio hoc si-
bi vindicatur: ergo ea sola est beatitudo. Maior
in confesso est apud omnes: colligitur quæ ex
illis verbis 1. Corinth. 9. *Sic currite, ut compre-
hendatis.* & 1. Timoth. 6. *Apprehende vitam æter-
nam.* Minor probatur: quia voluntas non est
potentia apprehendens, sed appetens: &
cuius actus non est apprehensio, sed inclinatio
qua trahitur ad rem amantam: ideo illud Dini
Augustini lib. 13. Confess. cap. 9. *Amor meus,
pondus meum.* Intellectus autem est potentia
apprehensiuæ quæ ex suo peculiari modo ope-
randi trahit ad se obiectum, & fibique præiens
& vnicum possidet. Ergo &c. Item: summa
beatitudo consistit in operatione omnium
perfectissimâ: sed intuitiua contemplatio Di-
uinæ essentia est huiusmodi: igitur in ea sum-
ma beatitudo consistit. Probatur assumptio:
primum, quia potentia, à qua elicitur, nempe
intellectus, est omnium nobilissima: ut docet
Aristoteles 10. Eth. cap. 7. & 8. quod ex eo
quoque suadet, quia obiectum intellectus
est simplicius & abstractius obiecto volun-
tatis: cum intellectus perfectò actu feratur
in rem, abstrahendo ab existentia; voluntas
verò actu perfectò nihil, nisi cum ordine ad
existentiam, appetat: nemo enim pecuniam,

V. G.

v. g. nisi ut eam possideat, optat amare.

Beatitudo
supernaturalis
huius
vite.

Quod ad supernaturalem huius vite beatitudinem spectat, cum istiusmodi beatitudo sit tendentia quædam ad supremam illam felicitatem, de qua proximè disseruimus; utique oportet eam in actione charitatis supernaturalis potissimum contineri: quia talis tendentia maximè sit per actus meritorios, quos partim elicit, partim imperat charitas. Quare & Christus Dominus, cælestis disciplinæ magister, in * sermone de beatitudinibus huiusce vite, beatitudinem in virtutum actionibus constituit. Nec obstat, quòd voluntas, in qua insidet charitas, secundum gradum ordinemque naturæ minus perfectà sit, quàm intellectus: sit enim est, eam perfectionem esse, si spectetur quoad rationem & officium tendendi per actiones meritorias ad cælestem patriam & Dei visionem, tanquam ad ultimum terminum creaturæ intellectualis.

Itaque non probatur nobis eorum sententia, qui supernaturalem huius vite beatitudinem præcipuè in cognitione supernaturali Dei, siue in dono sapientiæ collocant. Etenim licet donum hoc, aliàque eiusmodi, quæ nostris animis diuinitus infunduntur, ad beatam vitam promoueat; ea tamen promotio in actionibus charitatis præcipuè consistit. Charitatis potius diximus, quàm. Gratiæ: quia gratia, ex eorum sententia, qui eam à charitate distinguunt, quam magis probamus, non propriè, vel saltem non immediatè dicitur operandi principium, sed charitas. Beatitudo autem cum in operatione sit, ei habitui, à quo talis operatio proximè oritur, tanquam fonti ac principio ascribenda est.

Naturalis
felicitas.

Porro naturalis huius vite felicitas duplex est, ut antè monuimus, docetque Aristoteles 10. Eth. à c. 7. altera practica, quæ vite actiue finis est; altera contemplatiua, quæ est vite contemplatiue finis. * Felicitas practica, cum necessariò sit esse debeat in actione vite practicæ, utique consistit in operatione secundum virtutem mortalem, maximè prudentiam, quæ est virtutum regula, atque inter eas principatum obtinet. Contemplatiua sita est in cõtemplatione, potissimum Dei, & aliarum etiam substantiarum materiæ expertium: siquidem hæc est nobilissima speculatiui intellectus operatio: nec in hoc statu nulla habita ratione alterius vite: ad quam tendimus, & in qua supernaturalem beatitudinem nos adepturos speramus, secundum naturæ vires perfectiori modo Deum posidemus.

* Legit D.
Thom. in 2. d.
41. q. 1. art. 1.
3.

A ~~ARTICVLVS III.~~

ARTICVLVS III.

*Enodatur Felicitatis definitio ab
Arist. tradita.*

HIN c non difficile erit intelligere definitionem Felicitatis, traditam ab Aristotele 1. Eth. cap. 7. *Felicitas est operatio animæ per rationem, aut non sine ratione, secundum virtutem in vita perfectâ.* Dicitur enim operatio animæ per rationem siue intellectum, id est, operatio edita à potetia intellectiua: vel non siue ratione, id est, vel ab intellectu præscripta & regulari, siquidem actiones humane, vel ab intellectu per se eliciuntur, vel ab aliis potentiis quas intellectus regit & gubernat. Dicitur, secundum virtutem: quia oportet actionem, in qua felicitas ponitur, studiosam esse, rectæque rationi consentaneam. Additur postremò, in vita perfectâ: quia vt vna hirundo non facit veritatem nec diues vnus viuere operatio reddit hominem felicem: proindeque vt quis felix dicatur, oportet totius vite decursu, aut longo tempore, eam actionem, in qua beatitudo consistit exercere.

Proposita definitio, si in eo sensu quem præ se fert accipitur, utrique felicitati, tam practicæ, quàm speculatiue conuenit, vt consideranti planum erit: tamen Aristotelis, qui loco superius adducto de felicitate duntaxat actiua disserit, soli actiue conuenit: atque adeò secundum eam limitationem nomine virtutis sola virtus moralis accipienda erit, in cuius actione tantum actiua felicitas collocatur.

Nonnulla hic aduertens. Primum est: eum in hac vita tot ærumnis & incommodis animi corporisque obnoxia, neque actiua, neque contemplatiua felicitas perfectè possideri queat, neutram in hoc statu appetitum hominis perfectè satiari: esto illi aliq[uo] modo expleat, quatenus prudens & sapiens eorum, quæ obtinere non valet, inopiam moderato & imperturbato animo fert. Secundum est: felicitatem contemplatiuam naturalem non eodem prorsus modo esse in cõtemplatione sitam, quo beatitudo supernaturalis altioris vite in intuitu Diuinæ naturæ cognitione. Nam cum Dei & substantiarum separatarum consideratio in hac vita simul cum morum prauitate inueniri possit, cum qua tamen felix nemo dicitur: asserendum est, licet essentia felicitatis contemplatiue naturalis in ea, quam diximus, cõtemplatione præcipuè collocata sit, necessariò tamen formaliter includere morum probitatem, & virtutis actiones, quas essentia supernaturalis beatitudinis non ita includit. Ratio discriminis est, quia morum sanitas non necessariò prædictam cõtemplationem na-

Cui felici-
tati conue-
niat tradita
definitio.

Discrimen
inter felici-
tatem con-
templatiuam
huius & al-
terius vite.

turalem comitatur, ut planum est, quæ tamen necessarii sequitur ex Diuinæ essentia visionem, in qua virtute continetur, quæque eodem instanti, quo elicitur, parit ex se voluntatis rectitudinem, amore Dei, ac cætera, quæ ad statum illum omnibus bonis cumulatum exiguntur.

Tertium est: felicitatem contemplatiuam perfectiorem esse actiuam. Quod ex eo patet, quia contemplatio, cum suapte natura propter se queratur, nobilior & excellentior est, quam praxis: quod docuit Aristoteles lib. 6. Eth. c. vii. & lib. 10. eiusdem operis, ca. 7. & l. 7. Polit. cap. 2. Idemque censuit Plato in Philebo, ubi ait, vitam contemplationi dicatam ceterarum omnium diuinissimam esse: & lib. de Regno, numerans duo regna, vnum Iouis, alteri Saturni, hoc illi præbilit: per illud actionem, per hoc contemplationem significans. Lege in eandem sententiam Alcinoum in lib. de Doct. Plat. cap. 2. Tyrii Max. serm. 6.

XXXXXXXXXXXXXXXXXXXX

Q VÆSTIO IIII.

Vtrum ad felicitatem externa bona requirantur?

ARTICVLVS I.

Diuersa Philosophorum opiniones.

Opinio Stoicorum.

EST de re proposita contentio inter Stoicos & Peripateticos. Stoici partem negatiuam acerrimè tuentur, appellantque felicitatem Peripateticam, quæ externa bona affeicit, mollem & enervatam. In quam sententiam multa Cicero in 1. Parad. & Tusc. quæst. lib. 5. & Seneca Stoici disciplinæ alumnus variis in locis. Videtur autem dogma hoc ex eo comprobati, quia oportet felicitatem à casu & fortuna minimè dependere: à quibus tamen dependat necesse est, si externa bona, quæ magna ex parte fortuita sunt, requirit. Item quia felicitas constitit in actione virtutis: hæc autem probatur splendete magis in aduersis, quam in prosperis, ut rectè ait Seneca in libro de Diuina providentia: *Gubernatorem, iniquiens, in tempestate maris, in acie militum intelligat. Vnde possum scire, quantum aduersus paupertatem tibi animi sit, si diuitiis affluis? unde possum scire, quantum aduersus ignominiam & infamiam, cuiusque populare constantia habeas, si inter plausus ienseas?*

Quin & Poëtæ, ut illustre solidæ felicitatis exemplum hominibus proponerent, Herculem induxerunt, post multorum laborum tolerantiam de fortuna triumphantem, & in ecclesie domicilium ascendentem. De quo est illud Boëtij lib. 4. de Consol. metro 7.

*Ite nunc fortes, ubi celsa magni
Ducit exempla viæ: cur inertes
Terga nudatis? superata tellus
Sidera donat.*

Postremo idem confirmatur: quia quod ad rectè & laudabiliter viuendum sufficit, id etiam ad felicitatem sat est: atqui virtus ita se habet cum probū virum & omni laude cumulatum reddat: videtur igitur ea per se abundè sufficere ad felicitatem. Atque huic sententia Aristotelem & Platonē subscripsisse ait Tullius 5. Tusc. quæst. Quare Lucianus, in Aristotelem jocatus, Alexandrum Magnum apud inferos inducit afferentem, Aristotelem verutum & callidum virum, nixum fuisse persuadere, munera fortunæ necessaria esse ad summum hominis bonum: ut auderet ea ab ipso petere, ac bona fronte recipere.

XXXXXXXXXXXXXXXXXXXX

ARTICVLVS II.

Aristotelis sententia, eiusque comprobatio.

RE tamen vera Aristoteles 1. lib. Eth. c. 8. censuit, ad felicitatem, non qualemcunque, sed hominis politici & qui in Reipublice versatur, requiri externa bona, tanquam instrumenta ad defendendam Rempub. ad beneficentiam exercendam, ad propulandas iniurias, aliæque munera eiusmodi. Quæ sententia vera est: etenim nemo externam & politicam felicitatem obtinere dixerit eum, qui bonis ad hæc præstanda destitutus sit, licet absque iis quilibet priuatus homo in se spectatus, tam contemplatiua, quam practica felicitate potiri queat.

Argumēta verò, quæ superius adduximus, hanc habent explicationem. Ad primum dicendum: non esse absurdum, felicitatem sub aliqua cōsideratione, & quoad perfectionem accidentariam, pendere aliquo modo à fortuitis euentibus, dummodo quoad essentiam ab iis nequaquam pendeat. Ad secundum respondendum: esto virtus maius specimen sui det magisque luceat in aduersis tamen, quantum ad beatitudinis splendorem attinet, magis apparere in prosperis: in quibus præstantis animi argumentum est, moderationem seruare, euagantes appetitiones comprimere, neque vana iactatione extolli. Qui autem in egenitate, & rerum familiarium iactura, ac denique aduersis rebus diu tolerandis animi constantiam exhibuere, et si magna laudum encomia iure obtinuerint, non iccirco putandum, eos ciuilem politicamve felicitatem affecturos fuisse: plura enim ad hæc requiruntur, quam ad rectè & cum laude viuendum. Neque aliud sensit Plato ubi rectè sensit, neque Aristoteles, cum de hac felicitate disseuit, *Lege D. Thom. in 1. 2. q. 5. art. 7.*

DISP V

Indicia Diuinitatis & Alexandri.

Felicitas hominis politici.



DISPUTATIO QUARTA:

DE TRIBVS PRINCIPIIS HVMANORVM ACTVVM, VOLVNTATE, INTELLECTV, & appetitu sensitivo.

Quia præcipua Moralis scientiæ consideratio versatur circa actus humanos, quibus comparatur, in quibuscumque consistit hominis felicitas: doctrinæ ratio postulat, ut, postquam de felicitate egimus, de humanis actibus disputemus: ac primum de eorum principiis, *Voluntate, Intellectu, & Appetitu sensitivo.*

XXXXXXXXXXXXXXXXXXXX

QVÆSTIO I.

Vtrum omnes actus humani à
libera voluntate profici-
scantur?

ARTICVLVS I.

Argumenta in partem negativam.



PARS negatiua propostæ controuersie his argumentis videtur ostendi: Actus, quibus animæ beatæ Diuinâ essentiam clarè vident, visamque amant, humani sunt; cùm in his supernaturalis beatitudo hominis consistat: & tamen ex communi Theologorum sententia non sunt actus liberi, sed necessarii; nec enim in beatorum potestate est, eiusmodi actus non elicere. Non igitur omnes actus humani à libera voluntate proficiunt.

1. argum.

Secundò: Actus, quos somniantes & mente capti exercent, dum disputant ratiocinanturque; item actus subiti voluntatis & intellectus, sunt humani, quandoquidem soli homini conueniunt: nec tamen liberi sunt, alioqui posset in eos culpa aut meritum cadere. Ergo aliqui sunt actus humani absque libera voluntate.

2. argum.

Terriò: Multi actus, ab appetitu & externis membris administrati, sunt humani; siquidem bonitatem malitiæque moralem sortiuntur:

A & tamen ij non sunt à voluntate: cùm actus voluntatis sint immanentes. Igitur multi actus humani non oriuntur à voluntate.

XXXXXXXXXXXXXXXXXXXX

ARTICVLVS II.

Explicatio controuersie.

VT propostæ quæstioni satisfaciamus, quædam prænotanda sunt. Primum est: *Bisariam posse aliquem actum dici humanum:* nimirum vel quoad substantiam entitatemque, quo pacto omnes ac solæ operationes, quæ manant à potentiis propriis hominis vel homo est, humanæ dicuntur, ut ratiocinari & flere: vel quoad operandi modum. Quia verò proprius modus operandi hominis, prout à belluis distinguitur, est ita agere, ut suarum actionum dominium & libertatem gerat (bruta enim impetu naturali operantur, nec tam agunt, quàm aguntur, ut D. Damascenus ait lib. 1. fid. Orth. cap. 17.) sic, ut potestiori modo ex tantum actiones humanæ vocentur, quas homo in sua libera potestate habet.

Secundò aduertendum: voluntatem non ideo liberam seu deliberatam vocari, quòd ipsa deliberet (deliberatio enim ad intellectum magis, quàm ad voluntatem pertinet:) sed quia præeunt intellectus deliberationem sequitur. Quo fit, ut illa actio dicatur à libera voluntate proficisci, quæ à voluntate intellectus deliberationem sequente elicitur, aut imperatur.

Hoc posito respondemus, omnes actus

C 3

*Allesiones
humana
qua.*

*Libertas
quid.*

humanos proficisci à libera hominis voluntate. Quod ex eo ostenditur quia cū radix libertatis sit in intellectu, formalis tamen libertas à sola voluntate est; vt alibi ex professo declarabitur. Patetque ex eo, quia *libertas* dicitur, *qua aliquid vt libet eligimus*: electio autem fertur in bonum: quod cū sit obiectum voluntatis, consequens est, vt formalis libertas pertineat ad voluntatem. Quare nullus omnino erit actus humanus, qui non oriatur à voluntate: siue cum ipsa in se eliciat: cuiusmodi est actus amoris: siue impetretur deliberata motio intellectus, vel appetitus, & vniuersim omnes actiones potestiarum, quæ voluntati subdita: sunt, si ab eis eliciantur prout voluntati liberè mouenti subiiciuntur.

Argumenta verò pro contraria parte ex dictis facile soluentur. Ad primum & secundum dicendum: eiusmodi actus, licet sint actus hominis; non tamen esse humanos in eo sensu & vspatatione: de qua hic agimus. Ad tertium concessa maiori ad minorem dic, non omnes actiones quæ à voluntate proficiuntur, immanentes esse; sed quæ ab ipsa potentia manant, & in eadem manent.

XXXXXXXXXXXXXXXXXXXX

QVÆSTIO II.

Vtrum voluntas intellectum, an intellectus voluntatem moueat?

ARTICVLVS I.

Proposita difficultatis enodatio.



DYSCUTIENDUM, moueri facultatem animæ ab aliquo, nihil aliud esse, quàm ab illo de potentia ad actum educi. Quare cū bisariam possit aliqua facultas animæ esse in potentia: nimirum vel quoad eliciendam, aut non eliciendam actionem; quod vocatur esse in potentia ad exercitum actus: vel quod ad hoc illudve agendum, id est, quoad producendum actum huius aut illius speciei; quod dici solet esse in potentia quoad actus specificationem: sit, vt duobus modis prædicta facultas indigeat mouente, à quo ad actum perducatur: vno quoad actus exercitum; altero quoad determinationem illius ad certam speciem.

¶ concl. 1.

Sit prima conclusio: *Voluntas quoad exercitum mouet intellectum, sicuti & reliquas potentias quoad actus humanos.* Hæc questione proximè sequenti accuratius probabitur: nunc ex eo breuiter, ostenditur, quia principium actus cuiusque potentie actiue est ex fine: finis verò actuum intellectus con-

A tinetur sub fine voluntatis; proindeque intellectus ad actus suos eliciendos à voluntate moueri debet. Diximus in conclusione, *quoad actus humanos*: quia ad actus subitos, qui omnem actum voluntatis antecedunt, non mouetur intellectus à voluntate: sed ab obiecto, interuentu speciei intelligibilis & phantasmatis. Qua de re Maior in 1. d. 3. q. 2. Greg. in 2. d. 11. q. 1. Lege quoque, si placet, quæ in hanc sententiam (scriptimus, lib. 1. Phys. cap. 1. quæst. 2. art. 4.

Actus subiti.

B Secunda conclusio: *Intellectus quoad speciem alius mouet voluntatem.* Hæc suadetur: quia intellectus proponit voluntati obiectum, à quo, tanquam à principio formali externo, actus voluntatis speciem sumunt.

Vbi aduerte, bonum cognitum non solum sese habere ad actus voluntatis, vt causam formalem externam, prout illis, tanquam terminus ad quem referuntur, speciem tribuit; sed vt finem, quatenus motu metaphorico allicit voluntatem. Vtrum verò notitia intellectus conuerat etiam actiue cū voluntate ad eius actus eliciendos, controuersum est.

C Negatiuam partem sequitur Henricus quodlibet 9. Capreolus in 2. d. 23. art. 3. ad 1. contra 1. conel. Hispanensis in 2. d. 25. qu. 1. artic. 3. not. 1. Iacellus 9. Metaph. quæst. 6. Affirmatiua tuerentur Paludanus in 4. dist. 49. quæst. 3. artic. 1. Gregorius in 2. d. 25. qu. 1. contra 2. conel. Gabriel eadem dist. quæst. 1. dub. 3. Soncinas 9. Metaph. quæst. 11. & quæst. 13. Vtrique nobis admodum probabilis videtur: quæ autem probabilior sit, li. 9. Metaph. diuidendum erit.

XXXXXXXXXXXXXXXXXXXX

ARTICVLVS II.

Obiecta, eorumq; delusio.

ERIT tamen qui probare contendat, non posse intellectum à voluntate moueri, hoc argumento: Omne mouens est prius ac nobilior motos; sed intellectus est prior & nobilior voluntate, vt supra statimus, docetque Arist. lib. 10. Eth. cap. 7. igitur intellectus non potest à voluntate moueri. Maior probatur: quia quod mouet, agit: agere autem præstantius est, quàm pati: teste D. Augustino 12. super Genes. ad lit.

F Secundo: Voluntas nihil appetit, nisi quod ei ab intellectu repræsentatur: quia, vt docet D. Augustinus lib. 8. de Trinit. c. 4. *nihil voluntatis, nisi prius cognitum.* Igitur si, vt intellectus actum suum eliciat, & voluntati aliquid proponat, debet prius à voluntate moueri, dabitur in actionibus voluntatis & intellectus infinita progressio; siquidem omnem actionem voluntatis antecedit actio intellectus, & omnem actionem intellectus actio voluntatis absque vlllo primo actu.

Tertio:

Tertio intellectus per suam noticiam concurrere effectivè ad actum voluntatis, vt est multorum Philosophorum sententia: igitur si voluntas mouet effectivè intellectum, & intellectus voluntatem, idem respectu eiusdem, hoc est, eadem voluntas comparatione intellectus, simul erit mouens & motum.

Sol. 1.

Ad primum horum dicendum: fieri posse, vt id, quod alio simpliciter deterius est, eodem tamen alia consideratione & secundum quid præstantius habeatur. Nam v. g. potentia videndi nobilior est quàm color, & tamen color, quatenus in illam agit, suam eis speciem imprimendo, excellentior quàm illa est. Sic ergo, tamen intellectus absolutè præstantior sit quàm voluntas, nihil mirum si voluntas, spectata prout intellectum mouet, hac ex parte ipso præstantior censetur.

Sol. 2.

Ad secundum, concessio antecedente neganda est conclusio, & ad eius confirmationem dicendum: non omni intellectus actioni præire actionem voluntatis: quia tandè consistendum erit in aliquo actu intellectus, ad quem, vt supra diximus, intellectus ab obiecto interuenit phantasmatis moueatur: qui actus, quia saltem in suo primo ortu naturalis est, & non liber, non oportet ad eum eliciendum concurrere voluntatem.

Sol. 3.

Ad tertium, vt cumq; se habeat veritas antecedentis, quæ alibi vt diximus perpendenda erit, respondemus: nõ sequi ex eo, idem secundum idem esse simul mouens & motum. Nam cum voluntas mouet intellectum ad eliciendam noticiam alicuius rei, non concurrunt tunc intellectus per eandem noticiam ad illummet actionem voluntatis, sed ad aliam: v. g. mouet voluntas intellectum ad deliberandum, iudiciūque ferendum de pharmaco intellectus per hanc actionem non concurrat cum voluntate ad illummet actum, quo eum voluntas mouit, sed ad alium, nempe ad electionem pharmaci, quod ei, vt conueniens ad obtinendam valetudinem, repræsentat.



QUESTIO III.

Vtrum voluntas moueat omnes alias potentias ad actus suos extendendos?

ARTICVLVS I.

Constituitur pars affirmatiua.

Conclusio.



ASSERTIVM: voluntatem mouere actiue ad suos actus extendendos reliquas animæ potentias, quæ suapte natura eius imperio subduntur. Hæc assertio traditur à D. Augustino lib. 1. 2. de ciuit. Dei, c. 6. D. Damasceno lib. 1.

A Fid. c. 16. D. Anselmo de Concept. Virg. cap. 4. D. Thoma 1. part. quæst. 82. art. 4 & aliis. Probatur autem eius veritas, tum ipsa experientia; quandoquidem contemplamur, legitimis, loco mouemur, præstantiusque cætera id genus munia, cum volumus: tum ratione; etenim principium motionis cuiusque potentie actiue est ex fine, cum omne agens gratia finis operetur; bonum autem in commune, quod rationem finis habet, est obiectum voluntatis. Quare consequens est, vt voluntas omnes alias potentias ad suorum actuum exercitium moueat. Consecutio patet ex eo: quia semper ars & potentia, ad quam spectat huius vniuersalis, mouet ad agendum artem & potentiam, ad quam particularis finis, sub illo vniuersali comprehensus, pertinet; vt liquet in arte nauigatoria & nauium conductrice, itemque in duce & tribunis: atqui omnes fines aliarum potentiarum comprehenduntur sub fine ac bono, quod est obiectum voluntatis, quia omnes potentie per suos actus tendit in aliquod bonum: ergo, & c.

Obiectum voluntatis.

B Quæri solet, quoniam pacto voluntas hæc motionem præstet? Quam dubitationem duplici pronunciatō explicabimus. Primum sit: *Voluntas non mouet alias potentias applicando; si loquamur de ea applicatione, qua res applicata aliquam præuiam motionem ab applicante accipit: vt cum quis ad mouet securim ad cædenda ligna, imprimendo illi impulsus.* Hoc ex eo ostenditur: quoniam voluntas nullam præuiam motionem iniciit potentis: cum quia in hoc rerum genere non apparet, quidnam eiusmodi præuia motio sit, tum quia talis motio superflua omnia est, cum absque illa possit voluntas potentias mouere: quod in Physicis ex professo tractauimus; cum ostendimus, causam primam non excitare agentia naturalia ad suas actiones, præcedente aliqua motione; vt perique D. Thomæ sectatores arbitrati sunt. Est enim quoad hoc par ratio in Deo, quatenus cum causis secundis concurrat: & in voluntate, vt cum potentiis.

De modo, quo voluntas mouet alias potentias.

E Secundum pronunciatum sit: *Voluntas mouet alias potentias, concurrendo cum illis tanquam causa vniuersalis; ita vt ex potentia, cum qua voluntas concurrat, & ex ipsa voluntate, fiat vna integra causa, à qua vna eademque numero actio manat.* Huius pronunciatæ veritatis ostenditur, primum ex analogia, quæ est inter alias causas vniuersales & particulares, præsertim Deum & causas secundas: quandoquidem voluntas, vt fertur in bonum in commune, alia: verò potentie in bona particularia; ita sese habet ad alias potentias, vt vniuersalis causa ad particulares. Quare, vt causa vniuersalis, v. g. Deus, dum concurrat cum causis secundis ad agendum, ex ipso & causa secunda fit vna causa integra, à qua vna eademque singularis actio oritur: ita

propter

proportione quadam se habebunt voluntas, A
ceteræque potentia quas illa mouet.

Ex dictis intelliges, actionem, qua voluntas formaliter mouet alias potentias, esse transeuntem, cum in ipsa voluntate non maneat: siquidem non distinguitur ab actione aliarum potentialium. Præterea, eiusmodi concursus voluntatis interdum esse quid spirituale, cum nimirum voluntas concurrat cum potentia immateriali, vt cum intellectu: aliquando materiale, si videlicet concurrat cum potentia inhxerente organo corporeo, vt cum imaginatione.

rius asseruatas agitatibus spiritibus huc illuc transferunt, & ad rerum quæ iis repræsentantur apprehensionem acuum accommodant: que vel ex affectione organi; siquidem melancholici, qui sicco & frigido regi temperamento, in eiusdem rei apprehensione diutius insistant: vel ex affectu appetitus sensitiui scum notum sit, iis magis affligi internum sensum, ad quæ appetitus maiori impetu fertur.

ARTICVLVS III.

ARTICVLVS III.

Qua ratione voluntas appetitum sensitiuum moueat?

ARTICVLVS II.

Quo pacto voluntas moueat sensus internos?

SCIENTIVM ex Aristotele 1. Polit. cap. 3. & lib. 1. Ethic. ult. & ex D. Thoma 1. part. quæst. 81. art. 3. ad 2. duplex esse imperium: alterum despoticum seu dominicum; alterum politicum seu civile, quod etiam regium appellatur. Imperium despoticum est, quo dominus imperat seruus: qui facultatem resistendi non habent, cum nullo modo sui iuris sint. Imperium politicum est, quo Principi Reipublica imperat ciuibus: qui tametsi eius præceptis obediunt, tamen cum liberi sint, aliquid suum habent, quo eius imperio resistere valeant.

Duplex imperium.

Quærimus ergo, num voluntas moueat sensus internos imperio civili, an despotico? D. Thomas loco proxime cit. videtur docere, cogitativam (quæ etiam ratio particularis dicitur) regi moueri quæ ratione & voluntate imperio despotico; non ita verò reliquos sensus internos. Nam cur appetitus rationi & voluntati non promptè obediatur, causam esse ait, quia appetitus non semper à cogitativa, sed ab aliis sensibus interdum mouetur. Quæ ratio nullius esset momenti, si internus sensus patri obedientia voluntati patirent; vt erit consideranti perspicuum. Nobis tamè asserendum videtur, nullum esse internum sensum, qui voluntati semper ad nutū obediatur. Nam sensus communis, perseverante externi sensus apprehensione, necessario rem apprehendit, & vniuersim omnes sensus interni (quippe omnium, quoad hoc eadem videtur esse ratio) nonnunquam adeo tenaciter res apprehendunt, vt voluntas eorum cogitationem aut nullo modo, aut difficilè compescat: yti docet quotidiana experientia.

Ex quibus causis promptè voluntas cogitationem resistit.

Prouenit autem ea cogitationum tenacitas ex multis causis; sed ex his potissimum: nimirum vel ex reali præsentia obiecti, sepe per externos sensus ingerentis: vel ex interna instigatione demonum, qui imagines ioc-

QUOD ad appetitum sensitiuum attinet, dicendum: moueri illum à voluntate imperio politico, non autem despotico: vt communi assensu tradunt Aristoteles in calce libri 1. Eth. & 1. Polit. ca. 3. D. Damascenus lib. 2. fide. orth. cap. 12. D. Gregorius Nyssenus lib. 4. c. 8. D. Thomas 1. 2. q. 16. art. 6. & 21. Ac primum, quod appetitus à voluntate moueatur, patet experientia: cum sæpe illius motus arbitrio nostro excitemus, & cohibeamus. Confirmaturque id verbis illis cap. 4. Genes. Sub te erit appetitus eius: & tu dominaberis illius. Verum quod talis subiectio non sit despotica, non minùs compertum est: cum passim feratur appetitus in bonum sensibile; contra iudicium rationis, & inclinationem voluntatis. Idq. testatur D. Paulus illis verbis ad Ro. 7. Video aliam legem in membris meis, repugnantem legi mentis meæ.

Oritur autem hæc repugnancia ex eo, quia appetitus sensitiuus sequitur apprehensionem sensus interni: quæ interdum adeo efficax est, vt à ratione & voluntate cohiberi non possit. Tum etiam, quia motio appetitus sensitiui pendet ex dispositione organi (vnde ij qui calido sunt temperamento, faciliè irascuntur): quæ dispositio siue affectio imperio non subiacet. Lege D. Thomam in quæst. de malo, quæst. 7. art. 6. ad 8. & 1. part. quæst. 81. art. 3.

Ordinariū autem modus, quo voluntas appetitum mouet, est per apprehensionem sensus interni: id est, mouendo imaginariam facultatem, v. g. vt de hac aut illa re cogitet, quam deinde appetitus amplectatur aut fugiat. Quæti tamen solet, vtrum voluntas non hoc duntaxat modo, sed per se immediatè interdum appetitum moueat? D. Thomas in disput. de Verit. quæst. 25. art. 4. & quæst. 26. art. 3. affirmatiuam partem asserit: quod in potentiis inuicem ordinatis & connexis, vchemens motus superioris in inferiorem redundet. Vnde Aristoteles 1. de Anima, cap. 1. text. 57. ait, appetitum superiorum impel-

*Appetitus
ob affectum
voluntatis
magis in-
cenditur.*

impellere inferiorum, sicuti in cœlesti mundo sphaera superior inferiorem rapit. Verum cum appetitus non feratur in ignotum, dicendum videtur, tunc solum voluntatem immediate & per quandam redundantiam mouere appetitum, cum iam in sensu interno existit notitia eiusdem obiecti: ita nimirum, ut absque noua intentione aut efficacia notitiæ appetitus magis accendatur, ob affectum voluntatis.



ARTICVLVS IIII.

Quo pacto voluntas membra externa moueat.

Dispar obediencia membrorum & appetitus.

IAM verò externa membra, quibus latior arbitria exercetur, mouet voluntas (ut experimento compertum est) imperio feruili, ac citra ullam repugnantiam: nisi aliquo impediantur morbo, uti accidit paralyti laborantibus. Cur autem dispar obtemperandi conditio membris corporis & appetitui conveniat, ex iis quæ superius explicata sunt constat: videlicet, quia appetitus sequitur apprehensionem, &c. Quibus adde, appetitum suam qualemcumque vindicare libertatem, quæ rationi & voluntati oblietetur: quod tamen membris non competit.

Dub.

Quæritur solet, *utrum voluntas non moueat membra, nisi interueniat appetitus sensitui?* Pro parte negatiua facit, quia interdum membrorum motio est contra propriam appetitus inclinationem. Quare si in huiusmodi euentis appetitus plerumque non obedit voluntati, nullo modo tunc posset voluntas mouere membra, perseverante repugnantia appetitus: cuius oppositum docet experientia in Sanctis martyribus, qui membra acerbissimis cruciatibus offerebant. Pro parte affirmatiua, quam magis verisimilem iudicamus, est ratio illa, quod voluntas in viribus animæ mouet ut agens supremum; appetitus ut agens medium; vltimum autem est virtus motiua membris insidens. Petit verò harmonia & ordo mouentium, ut supremum non nisi interuentu medij moueat extremum. Ad argumenta pro contraria opinione dicimus, appetitum duo obire munia: quorum alterum est, bonum sensu oblatum persequi, malum declinare: alterum, impellere membra corporis ad motum. Quoad prius officium, posse illum resistere voluntati: quoad posterius, non posse.

Responsio.

Dub.

In quaestione etiam versatur, *num appetitus sensituius in homine possit per se mouere membra, absque motione voluntatis?* Quod possit, ex eo videtur ostendi: quia appetitus sensituius in homine non est deterius conditionis,

A quam in belluis. Quare si in his (ut planum est) per se mouet, cur non etiam in iusto mouebit? Contrariam sententiam tuetur D. Thomas 1. p. q. 81. art. 3. & Caietanus eodem loco: eamque probat ea ratio, quia (ut paulò antè disputabamus) in omnibus mouentibus ordinatis, secundum mouens, cuiusmodi est appetitus, non mouet nisi virtute primi mouentis. Nec verò in homine de appetitus sensitui dignitate quicquam detrahitur, quod non per se ac vi tantum sua membris motionem afferat. Etenim, ut Caietanus loco cit. inquit, licet in nobis natura sensitua nobilitatem capitis, quam in brutis habet, non obtineat; id tamen ei compensatur per coniunctionem & commercium cum ratione & appetitu intellectiuo: si quidem inferius vicinitate sublimioris perferitur; excellentiusque est, moueri à nobiliori quam mouere interiora, &c. Regi in aula subesse quam in tugurio præcile.

C Verum propositæ solutioni ea nobis modo derogatio videtur adhibenda, ut dicamus: si superioris sententia. mo sit de motione, quæ appetitus ex vi rationis mouet, non solere appetitum mouere membra, nisi mouente voluntate; si autem de aliis motionibus loquamur, interdum oppositum accideret: nec opus esse, ut vniuersum in omnibus motionibus appetitus subordinatione illa seruetur: nec ut respectu omnium dicatur appetitus mouens secundarium; eilo semper ita se habeat, & comparatione illatum quæ deliberatæ sunt, & homini quatenus homo est conueniunt. Quæ limitatione potest etiam intelligi D. Thomæ sententia, ut nonnulli ex illius sectatoribus animaduertunt: præsertim eum si ad modum verisimile, motus subitis, quibus interdum membra ciemus, non semper prouenire à voluntate etiam in deliberata, sed nonnunquam à solo appetitu: ut cum quis naturâ biliosus ex subita appetitione vindictæ manum mouet ad inferendam iniuriam. Sed ea quæ ad appetitum pertinent, proxima quæst. magis illustrabuntur.

D **E**



QVÆSTIO IIII.

Utum appetitus sensituius moueat voluntatem?

ARTICVLVS I.

Solutio quaestionis.



Hæc controuersia aliquot pronuntiatis explicanda est. Primum pronuntiat: Negari non potest, appetitum mouere voluntatem. Probat in primis Sacre pagine testimonius. Roman. 7.

D

Videō aliam legem in membris meis, repugnantem legi mentis mei. Iacob. 1. *Vnusquisque tentatur, à concupiscentia sua abstractus & illeceus.* Confirmatur quoque experientia: nemo est enim, qui non experietur motum appetitus, siue iræ, siue doloris, aut lætitiæ, inclinare ad se voluntatem.

2. *pronunt.* Secundum pronunciatum: *Appetitus non mouet voluntatem, imperando illi.* Huius pronunciatum veritas plana est: cum in confesso apud omnes sit, facultatem inferiorem & corporis organo affixam, non habere imperium aut dominium in potentiam superiorem & immaterialem. Itaque non potest voluntas directo motui impelli ab appetitu: vt docet D. Thomas 1. 2. quæst. 77. artic. 1. sed indirectè.

3. *pronunt.* Tercium pronunciatum: *Appetitus mouet voluntatem ex parte obiecti, hoc est, interuentu notitiæ intellectiue, qua obiectum amplectendum aut declinandum proponit.* Quod duobus modis accidit: vno, quia passio appetitus in causa est, vt intellectus. Hoc aut illo modo, aliter, atque aliter de re iudicet. Vnde illud Aristotelis 3. Eth. cap. 5. *qualis quisque est, talis ei finis esse videtur.* Vt illud 1. Rhet. *Non eadem videtur amantibus & odio habentibus.* (Quare & ligatus sub Alexandro Macedonum rege, reuocauit sententiam ab Alexandro irato ad Alexandrum non iratum.) Quo fit, vt voluntas, sequens iudicium intellectus, idem velit aut repudiet quod appetitus. Altero, quia appetitus mouet voluntatem per notitiam interni sensus, quam ipse sequitur; quatenus sensuum phantasmata determinant intellectum ad huius & illius rei conceptionem.

ARTICVLVS II.

Dubia quadam enodantur.

EXISTIT autem circa ea, quæ de motione appetitus asseruimus, aliquot dubia. Primum est: *an appetitus aliquando obique interuentu notitiæ intellectiue immediatè moueat voluntatem per redundantiam, propter solam ipsarum potentiarum cognitionem neximque?* Respondemus idem, quod suprà de voluntate respectu appetitus: videlicet, cum voluntas non tendat in ignotum, eatenus appetitum mouere voluntatem, quatenus voluntas in bonum repræsentatum sibi per intellectum maiori impetu fertur, propter inclinationem appetitus. Secundum est: *Num aliquando voluntas ita ab appetitu trahatur, vt in eius potestate non sit ei resistere?* Respondetur: si appetitus adeo vehemens sit: vt omnino rationis vsum absorbeat, tunc necessitatio mouere voluntatem: alioqui non. Ex enim tamdiu motus voluntatis liber est, quamdiu iudicium integrum ac liberum manet. Turbat autem absorbetque iudicium affectio appetitus, cum sensitiua cognitio, quæ tali affectione acrior & importunior sit, adeo vehementer intellectum mouet ad cogitandum de obiecto passionis, v.g. de re dolorem aut delectationem inferente, vt interim ei deliberandi facultatem adimat: in quam sententiam lege quæ scripsit Aristoteles 7. Eth. cap. 3. & D. Augustinus 14. de Ciuit. capit. 16. D. Thomas in 1. 2. q.

10. art. 3.

DISPV





DISPUTATIO QUINTA: DE BONITATE ET MALITIA HUMANARUM RVM ACTIONVM IN GENERE.

Egimus de principiis humanorum actuum; nunc de ipsis humanis actibus differemus: non quidem absolutè, nec enim ea consideratio Moralis Philosophi est: sed quoad eorum bonitatem & malitiam, quatenus humanam attingunt felicitatem, ad eam nos promouendo, aut ab eius adptione impediendo.

QVÆSTIO I.

Vtrum bonitas & malitia humanarum actionum petenda sit ab obiecto, an-non?

ARTICVLVS I.

Explicatio controversiæ.

Astutia.



Non proposita quæstione hac assertio statuenda est: *Bonitas & malitia humanarum actionum sumitur ab obiecto.* Probatur: Nam humanæ actiones referuntur ad obiectum, ut ad mensuram sui esse, & tanquam ad causam formalem extrinsecam, à qua proinde speciem & distinctionem capiunt.

Obiectum quid hoc loco.

Ut autem huiusce rei veritas magis elucidetur, aduertendum erit, nomine obiecti intelligendam esse hoc loco materiā, circa quam versatur actio: cuiusmodi est pecunia, in qua fertur appetitus. Quia tamen hoc loco de bonitate & malitia morali agitur, spectanda est prædicta materia, non secundum suū esse naturale absolutè, sed vt conuenit cum recta ratione & lege Diuina, aut ab ea defectit.

Libertas.

Deinde aduertendum, quemadmodum libertas humanarum actionum formaliter est in voluntate: ita bonitatem & malitiam moralem, ad actiones humanas pertinentem, formaliter reperitur in actione interna ipsius voluntatis. licet obiectiue sit in materia circa quam versatur.

De bonitate & malitia actionum externarum.

Tertiū sciendum est, actionem humanam externā dupliciter sumi posse: vno modo secundum se, prout obiectum quoddā est actionis internæ voluntatis, consentaneū rectæ ra-

A tionis & Diuinæ legi, vel ab ea dissentaneum; etsi talis actio à nullo exerceatur: quo pacto dicitur bona vel mala obiectiue solum, ex prædicta conformitate vel difformitate; non autē formaliter, per bonitatem vel malitiam à voluntate deriuatam. Alio modo sumi quatenus versatur in executione, siquē: vt est, effectus voluntatis: ita dicitur bona vel mala formaliter; non quidem intrinsece denominatione à bonitate vel malitia sibi inherēte, sed appellatione extrinseca à bonitate vel malitia existente in voluntate. Vt enim actus à voluntate imperatus, prout in executione est, non à se habet vt humanus sit, sed à voluntate deliberata à qua imperatur: ita nec bonitatem vel malitiam formaliter habet, nisi à voluntate. Itaque ab eadē singulari bonitate vel malitia, à qua volitio interna nuncupatur, bona vel mala formaliter & intrinsece, vocatur etiam externa actio, que est obiectū volitionis, bona vel mala formaliter, per externā appellationē.

B Quod sit, vt altera alteri bonitatis & malitiam vicissim tribuat. Nā externa actio, sumpta vt est in apprehensione, in se quidē bona est vel mala obiectiue: & hac consideratione est causa bonitatis vel malitiz formalis, existētis in interna volitione: rursumque volitio interna, prout denominatione intrinseca est bona vel mala formaliter, in causa est, cur actio externa, posita in executione, sit bona vel mala formaliter denominatione extrinseca.

D Postremò nec illud præteriti debet, bonum & malū mortale esse differētiās essentielles humanarū actionū. Quod hunc in modū breuiter ostendi potest: Actiones humanæ sumunt bonitatem & malitiā ab obiectis, ad quæ respectu transcendit sibi intrinseco & essentiali referuntur: ergo per bonitatem & malitiā, quam ab iis accipiunt, intrinsece constituntur. Itē: bonū & malū sunt differētiæ essentielles habituum: sed pro differētia habituum est differētia

Bonum & malum mortale.

actionum ex habitibus proceduntium, ut docet Aristoteles 1. Eth. c. 1. eum similes habitus similes actus producant: igitur bonum & malum sunt differentie essentialis humanarum actionum. Maior probatur: quia habitus bonus & malus, ut liberalitatis & prodigalitatis, distinguuntur specie inter se; imò & contrarietate mutua sibi repugnant, ut constat ex doctrina Aristotelis cap. de Oppos. & 1. Eth. c. 8. & 1. de Caelo, c. 4. Distinguuntur autem & pugnant inter se bonitate & malitia: unde bonitas ponitur in definitione virtutis, quia virtus dicitur bona qualitas mentis; eodemque modo malum in definitione vitij, quia vitium dicitur qualitas, secundum quam animus malus est, &c. Non est igitur negandum, bonum & malum esse differentias essentialis habituum, proindeque & humanarum actionum.

DE DIFFERENTIIS ACTIONUM

ARTICVLVS II.

De iusto obiectorum.

Obiect. 1.

Obiect. 2.

Obiiciat tamē aliquis: Multæ sunt actiones humane, ex specie sua ad bonum & malum indifferentes; ut ambulare, canere: igitur bonum & malum non sunt differentie humanarum actionum. Deinde, quod malitia non possit esse differentia intrinsecè constituens actum humanum, ita probatur: Actus humanus est positium quid, ut satis constat: malitia verò moralis non potest esse aliquid positivum: igitur non potest esse differentia constituens humanum actum. Minor trisariam ostenditur. Primum, quia malitia moralis est malum quoddam: malum autem nihil aliud est, quàm priuatio boni. Item: quia si malitia esset quid positivum, obtineret rationem boni: cum omne ens positium sit bonum: atque ita non iam esset malitia. Tertio: quia cum Deus sit causa omnis rei create, si malitia foret aliquid positivum & reale, iam Deus illius causa esset, proindeque auctor peccati: quod dictum nefas est.

Dei. 1. ob.

Ad primum horum dicendum: obiectum, in quod humana actio in toto suo ambitu accepta fertur, triplicem ordinem posse habere ad rectam rationem: nūm conuenientie, quatenus videlicet recte rationi consentaneum est: alterum dissimilitudinis, prout ab ea discrepat: tertium indifferentie, ut ex se nec est ei conforme, nec ab ea alienum. Quo patet, præter bonum & malum, quas diximus esse differentias humanarum actionum, aliam dari tertiam differentiam, positivam quoque & realem, qua actio suapte natura constituitur in specie indifferentis: atque adeo actionem humanam non diuidi perfectà diuisione in bonam & malam, ut probat argumentum, nisi sumatur, prout exercetur in singularibus. Sic enim nulla est actio humana, quæ reuera

A non sit actus bona aut mala: quia aut habet finem consentaneum recte rationi, atque ita est bona: aut dissolentaneum, & est mala: aut caret sine conuenientia, & est etiam mala, quia otiosa. Quilibet enim omnibus actionibus quas edit (hæc verò necessarii sunt in singulari) debet bonum finem apponere, quia tenetur intendere finem accomodatè ad suam naturam: quem si non adhibet, peccat: ob defectum huius circumstantie. Lege D. Thomam in 1. 2. q. 18. art. 9. & in 1. dist. 40. q. 1. ubi alij etiam Doctores dubitationem hanc contrariis sententiis pertractant. Quidam namque affirmant, alij, quibus nos assentimur, negant, posse dari actum humanum in singulari, indifferentem ad bonitatem & malitiam moralem. Quod enucleare non est huius instituti.

Dil. 2. ob.

Ad secundum, concessa maiori neganda est minor, & ad primam eius probationem dicendum: licet malum, si absolute loquamur, non significet nisi priuationem boni debiti, hoc est, priuationem rectitudinis, quæ actui inesse deberet: tamen malum, quod actum moralem habitumve, ratiōnem differentia positivam intrinsecè constituit, non significet priuationem, nec bono morali priuatiuè, sed contrariè repugnare. Ad secundam dic: malum, de quo proximè egimus, esse bonum quid: dici tamen malum, tum quia semper habet coniunctam priuationem rectitudinis, quæ inesse deberet: tum quia est dissoluentis homini, cuius bonum (ut D. Dionysius 4. cap. de diuin. nom. ait) est, secundum rationem se habere. Ad tertiam: esse quidem Deum causam prædictæ entitatis, non tamen peccati: quia entitas illa non dicitur peccatum, nisi quatenus ad illam resultat priuatio moralis rectitudinis, càmque annexam habet. Quo pacto non proficiat ut Deo: quippe cum peccatum sit defectus quidam moralis, qui attribui non debet nisi causæ morali, ei que deficienti: quali respectu peccati Deus non est, sed sola voluntas creata.

DE DIFFERENTIIS ACTIONUM

QUESTIO II.

Vtrum bonitas & malitia humanarum actionum pendeat etiam à circumstantiis?

ARTICVLVS I.

Quot sint circumstantie humanarum actionum.



IRCUMSTANTIÆ humanarum actionum dicuntur, quod circumstantent actiones humanas, quasi extrinsecus se habentes ad earum substantiam siue essentiam: ut explicat D. Thomas in dispu

disputatis quæstio. 2. de Malo artic. 6. Numerantur hæ circumstantiæ à D. Basilio serm. 2. de Baptis. cap. 8. à Boëtio lib. 4. de diff. Top. à Tullio 1. de Inuentu D. Thoma in 1. 2. qu. 7. à aliis post Aristotelem 3. Eth. cap. 1. Comprehenduntur autem omnes hoc carmine:

Quis, quid, ubi, quibus auxiliis, cur, quomodo, quando.
Quis, significat accidentia personæ agentis: ut, utrum qui interfecit cuius esset, an peregrinus? *Quid*, non significat ipsam actus substantiam (non enim actus potest esse circumstantia sui ipsius) sed notat accidentia effectus per actum producti: ut si is, qui aliū frigida abluit, nocumentum intulit. *Ubi*, significat accidentia loci: ut utrum palam an occulte, in loco sacro an profano scelus patrauerit? *Quibus auxiliis*, id est, quibus instrumentis, aut mediis: ut, per cussitne gladio, an fuste? *Cur*, id est, ob quem finem: ut, an gratia rei priuæ, vel ad patriam liberandam periculum adierit. *Quomodo*, significat actionis modum: ut, dolo an bona fide fecerit? *Quando*, significat accidentia temporis: ut, utrum die festo an profecto rem Diuinam omiserit?

Nonnulli, in quibus est D. Bonauentura in 4. dist. 16. dub. 9. ad lit. Magistri, & Paludanus ead. dist. qu. 3. plures faciunt circumstantias. Verum illæ omnes ad has septem reducuntur: excepto numero actum, quem illi vocant circumstantiam *Quoties*. Sed hæ inter circumstantias recentiores non potest: quia circumstantiæ circa eundem actum sunt: numerus autem non circumstat vnā eandemque operationem; sed diuersas ac distinctas inducit.

Ut autem ea, quæ ad prædictas circumstantias pertinent, melius intelligantur, quædam animaduertenda erunt. Primum est: *circumstantiarum quasdam notabiliter augere malitiam vel bonitatem actionum moralium, quasdam non.* Enim verò cum, e.g. alter furto accipit mille aureos, alter quadrantem; quantitas pecunie in priori furto reddit illud notabiliter graue, in posteriori minimè. Secundum est: *circumstantiarum quasdam inuoluerè deformitatem vel bonitatem eiusdem speciei, quasdam specie differentem.* Nam circumstantia instrumenti, quo quis hominem interimit, nempe gladij aut fustis, non reddit homicidium malitiam diuersam specie: at cum quis interficit hominem, ut eum spoliè, circumstantia spoliationis furtive addit homicidio deformitatem nouæ speciei; quandoquidem furtum speciei differt ab homicidio. Tertium est: *eam circumstantiam addere actui malitiam vel bonitatem specie differentem, quæ importat specialem ordinem conformitatis vel deformitatis ad ream rationem & legem Dei:* ut in superioribus exemplis videre est.

Diuerſa genera circumſtantiarum.

Quæ circumſtantia diſſerant ſpecie.

A ~~DISPUTATIO DE CIRCUMSTANTIIS~~

ARTICVLVS II.

*Reſponſio ad propoſitam quæſtionem,
& Aliquot obiectum
diſcutio.*

EX dictis facile quis intelliget, quid ad quæſtionem initio excitatam reſponderi oporteat: videlicet, bonitatem & malitiam humanarum actionum pendere etiam à circumſtantiis; quandoquidem hæ ralem bonitatem & malitiam augere & minuire, atque interdum ad diuerſam ſpeciem trahere ſolent.

Sed erit, qui ita obiciat: Id quod conſert actui rationem ſpecificam, non potest eſſe accidens illius: atqui circumſtantiæ ſunt accidentia actuum moralium, ut ſuprà diximus: igitur nulla circumſtantia potest tribuere actui diuerſam rationem ſpecificam, proindeque nec ipſam ad ſpeciem diuerſam trahere. Item: ſi aliqua circumſtantia mutaret ſpeciem actus, ſequeretur, poſſe eandem actionem internam nunc eſſe bonam, dum videlicet tendit in bonum obiectum nulla circumſtantiæ vitium; nunc malam, ſi quis eundem actum continuando adhibeat illi in progreſſu circumſtantiæ, inanis gloriæ. v.g.

Priori tamen obiectioni occurrendum erit: circumſtantiæ, quæ mutat ſpeciem, neque eſſe circumſtantiæ, neque accidens, comparatione actionis cui ſpeciem tribuit; ſed reſpectu alterius, cui adiungitur: v.g. cum quis occidit ut furtum committat, ream alienam non eſſe circumſtantiæ cõparatione voluntatis furandis; nam reſpectu huius eſt obiectum, per ſe illi dans ſpeciem: ſed tam voluntatem furandi, quàm rem alienam, quæ eſt eius obiectum, eſſe circumſtantiæ, h cõparetur cum homicidio, cui ex accidente adiungitur. Poſteriori obiectioni non omnes eodem modo reſpondent. Quidam concedunt, vnū numero actum internum eundem in genere naturæ poſſe (ut exemplo illo offendi videbatur) alio & alio tempore ſubire formalitates diuerſas ſpecie in genere moris; ita ut nunc bonus & meritorius, poſtea verò malus & demeritorius ſit. Alij negant poſſe id fieri: aſſerentes, ubi primum actui ſuperuenit aliqua circumſtantia mutans ſpeciem, non manere eundem numero actum internum, etiam in genere naturæ; ſed elici iam alium, & ſpecie & re diſtinctum.

Quam dubitationem fuſius perſequi non eſt huius loci.

* *



DISPVATIO SEXTA, DE AFFECTIOIBVS ANIMI, QVÆ PASSIONES VOCANTVR.

DOctrinæ ratio postulat, vt ante Virtutum tractationem, de Passionibus differamus. Nam cum virtutum moralium nonnullæ appetitui sensitui hæreant, in eiusque affectionibus moderandis & cohibendis versentur, absque harum notione virtutum natura & vis commodè explicari non poterit.

XXXXXXXXXXXXXXXXXXXX

QVÆSTIO I.

An appetitus sensituius rectè diuidatur in concupiscibilem & irascibilem?

ARTICVLVS I.

Que argumenta ostendere videantur, non rectè diuidi.



QVIÆ passiones vt progressu patebit, sunt affectiones appetitus sensitui, priusquam de passionibus ipsis agamus, quædam circa istiusmodi appetituum, ad propositam disputationem conducentia, pertractabimus. Ac primum, quod diuisio illa non sit: probanda, hinc argumentis videtur concludi: Appetitus distinguuntur per affectiones: sed affectiones, quæ attribui solent appetitui irascibili, competunt concupiscibili: non ergo ij appetitus inter se differunt. Minor probatur: quia, vt docet Tullius 4. lib. Tusc. *quod idem est ira impetrare*: & vt asserit D. Damascenus li. 2. Fid. ca. 16. & D. Greg. Nyss. lib. 4. Phil. ca. 14. *ira constat ex tristitia*. Cum igitur tristitia & odium pertineat ad appetitum concupiscibilem, sequitur, iram, quam irascibili ascribunt, in concupiscibili versari. Rursus, amor habet ex parte corporis commotionem similem ei, quam ira, quandoquidem tam iis qui amant, quam

A qui irascuntur, sanguis & calor effervesceat: sed huiusmodi alterationes ex parte corporis sunt quasi materiæ passionum, quæ illarum discrimen suo modo arguant: non ergo actus amandi ab actu irascendi videtur distinguui.

Secundò: in reb. naturalibus vno eodemque pondere feruntur corpora in natium sedem, & resistunt iis quæ ipsorum motum impediunt: similiterque ignis v.c. eodem calore agit in aquam, & repugnat frigori. Pari ergo ratione vnus idemque appetitus sat erit ad noxia fugienda, & conuenientia secandas: itemque ad resistendam contrariis. Quare &c.

B Tertiò: appetitus sensituius supponit apprehensionem: sed eadem vi apprehenditur noxium & conueniens: ergo & eadem facultas appetens feretur in verumque. Cum igitur ob nullam aliam rationem videantur distinguui appetitus concupiscibilis & irascibilis, nisi quod alter habeat pro obiecto conueniens, alter noxium: non est quod illos te ipsa inter se distinguamus.

C Quarto: In parte rationali hominis datur vnus tantum appetitus, nempe voluntas: ergo & in parte sensitua vnus duntaxat appetitus dabitur.

XXXXXXXXXXXXXXXXXXXX

ARTICVLVS II.

Explicatio controuersia.

SIT tamen conclusio: *Rectè diuiditur appetitus sensituius in irascibilem & concupiscibilem, ut in duas potencias realiter distinctas*. Hæc est contra Gabrielem in 3. distinct. 25. 26. quæst. 1. artic. 3. dub. 1. vbi putat, duplicem hunc appetitum differre sola

sola ratione, per ordinem ad diuersos actus: est tamen Philosophorum communis, Aristotelis 1. magn. Moral. cap. 13. Platonis 4. lib. de Repub. ubi utrumque appetitum à ratione & inter se distinguitur: aïens Consulatu in vrbe respondere in homine rationem, Quæsitum cupiditatem, Auxiliario irascens appetitum. Est enim D. Damasceni lib. 2. Fid. Orth. cap. 12. D. Gregorij Nysseni lib. 4. Philosoph. cap. 8. D. Thomæ 1. part. quæst. 87. artic. 2. Henrici Gandauensis quodl. 8. quæst. 15. D. Bonauenturæ in 3. dist. 33. artic. 1. quæst. 3. M. Alberti 3. de Anima, tractat. 4. cap. 2. & in sum. de homine, tractat. de irascibilibus qu. 2. Probatur autem à D. Thoma loco citato: quia sicuti aliis rebus naturalibus corruptipni obnoxii, non solum conuenit inclinatio ac vis, ad coniectanda sibi conuenientia & fugienda aduersa, sed etiam ad resistendum contrariis: ut patet in igni, qui non solum propensionem ac virtutem obtinet ut locum infimum deserat, & in superum eueat: sed etiam calorem, ut iis quæ sibi perniciem molitur obstat: ita oportet in sensitua parte dari duplicem vim appetentem: vnā, per quam animal simpliciter inclinatur ad prosequenda ea, quæ conueniunt secundum sensum, & deuitanda noxia: quæ pars concupiscibilis dicitur. Alteram, per quam propulset aduersaria, & oblectetur iis, quæ vitia salutariæ remouent aut oppugnant, vel quoquo modo nocuentum interunt: unde eius obiectum dicitur arduum ac difficile: atque hæc vis irascibilis nuncupatur: quæ eo differt à priori, quod illa tendat in bonum sensibile absolute: hæc in bonum etiam sensibile, sed tamen quatenus difficile & arduum: non quod ipsam difficultatem, expectat, sed vitare tempus, quæ in concupiscibilem redundat, prout ipsius irascibilis opera & ministerio ei remouentur impedimenta & difficultates, quæ obstant, ne bonum quod optat adipiscatur.

Quod verò prædictæ potentie siue inclinationes re ipsa diuersæ sint, ex eo ostenditur: primum, quia non reident in eadem omnino parte corporis, ut in progressu ostendimus. Deinde, quia interdum animal contra appetitionem concupiscibilis, ingerit sese rebus tristibus, ut per affectum irascibilis aduersaria impugnet, auertatque: quod per eandem potentiam fieri non posset. Vnde irascibilis passiones intestino ac domestico bello, nonnunquam repugnare, videntur motibus concupiscibilis: quia concupiscencia inflammata plerumque iram frangit, & ira arcescit concupiscenciam minuit. Quo etiam patet, concupiscenciam esse quasi propugnaticiem concupiscencie, dum arma corripit, cæteraque aduersus ea, quæ res concupiscibili gratas ac iucundas impediunt, & noxias inuicere cogantur. Ideoque ut D.

A Thomas tum loco citato, tum ex professo in 1. 2. quæst. 25. art. 1. explicat, iræ à cupiditatis affectibus initium capiunt, in eisdemque terminantur & desinunt: ut cum ira ex illata tristitia oritur, & qui vindictam sumit percepta læritia ad tranquillitatem redit. Quo spectat illud Aristotelis 4. Eth. cap. 5. vltio modum voluntate iræ adhibere, cum pro dolore voluptatem efficit.

Quæti solet, *utra ex his potentis alteri dignitate præferenda sit*? Henricus Gandauensis quodl. 8. quæst. 15. præfert concupiscibilem. Pro qua opinio facit, quod irascibilis est quasi minister concupiscibilis: ut ex dictis patet, innuitque Aristoteles lib. 8. de hist. anim. cap. 1. docens, animalia irasci & pugnare propter concupiscibilia. D. Thomas de verit. quæst. 25. artic. 2. oppositam sententiam videtur amplecti, cum dicat irascibilem esse facultatem superiorem, sicuti æstimatoria inter potentias sensitiuas apprehensiuas dignior habetur. Quod ex eo suadet, quia turpius est non cohibere concupiscenciam, quam iram; quam hæc multo minus, quam illa, rationem & iudicium pertinet.

Hæc dubitatio ita explicanda est, ut dicamus, ex parte obiecti, atque adeo simpliciter, appetitum concupiscibilem nobiliorem esse irascibili: quandoquidem ille fertur directio & immediatè in bonum, pertinet ad conseruationem animalis: hic verò immediatè tendit in remouens prohibens. Item (quod in idem recidit) quia potentia, quæ proximè ordinatur ad finem, excellentior est, quam quæ occupatur circa mediata: concupiscibilis proximè ordinatur ad finem; quia tendit in bonum sensibile secundum se: irascibilis in id, quod vitale est & conducens ad illud obtinendum. Concedi tamen potest, iuxta aliam considerationem irascibilem concupiscibili præstare, quatenus immoderata affectio iræ minus perniciosa est, quam concupiscencia: ut D. Thomæ ratio suadebat.

ARTICVLVS III.

Solutio argumentorum primi articuli.

RATIONES, quæ ostendere videbantur, non dari duplicem appetitum sensituum, ita diluuntur. Ad primam concessa propositione neganda est assumptio, & ad eius probationem dissonum: odium dici iram inueteratam, non quod temporis diuturnitate ira fiat odium: sed in sensu, quem casuale vocant: quia nimirum diuturna ira odium efficit. Similiter iram constare ex tristitia, non ut ex parte cõponentis, sed nasci ex illa tanquam ex causa effectrice: quia ex concupiscibilis appeti

Dilat.

appetitionibus obueniunt affectus irascibilis. Postremo id, quod eodem argumento obicitur de alteratione, quam ira & amor corpori inferunt, dissoluit S. Thomas 1.2. q. 48. art. 2. hisce verbis: *Fervor, qui consequitur calorem, alia ratione pertinet ad amorem, alia ad iram. Nam fervor amoris est cum quadam dulcedine & lenitate; est enim in bonum amatum assimilaturque calori aeris & sanguinis: unde sanguinis sunt ad amandum propensiores: diciturque ad amorem incitare iecur, in quo fit sanguinis generatio. Fervor autem ira est cum amaritudine ad consumendum, quia tendit ad punitionem contrarij: idcirco assimilatur calori ignis. Hæc ferè D. Thomas.*

Dilat. 2.

Ad secundum respondendum, non eandem esse, quoad id quod argumento petitur, rationem, in inclinatione corporum ad propria loca, & in appetitu sensitivo comparatione sui obiecti. Nam cum interdum irascibilis contra propensionem concupiscibilis in obiectum feratur, cogimur fateri, hos duos appetitus inter se necessariò distinguere. Quod tamen non cernimus in corporibus, ut ad loca propria tendunt, & itineris impedimenta remouent. Concessimus tamen, in istiusmodi corporibus dari diuersa principia, ad resistendum corruptimentibus, & ad naturalia loca petenda: ut in igni calorem & leuitatem.

Dilat. 3.

Ad tertium, concessa maiori & minori, dicendum: appetitum concupiscibilem tendere in vtrumque, nimirum in id quod conueniens est, & in id quod noxium: proindeque non differre concupiscibilem ab irascibili, quòd ille in conueniens, hic in noxium tendat: sed quòd ille simpliciter inclinetur ad prosequenda conuenientia, & declinanda noxia; hic verò feratur in arduum, resistendo aduersariis, quæ conuenientia oppugnant, & nocumentum inuehant, uti diximus.

Dilat. 4.

Ad quartum: sæpè ea quæ in superiori- bus vnita sunt spargi, atque in plura membra secari in inferioribus: ut patet in potentia cognoscitiua immateriali, & in potentiis cognoscitiuis organicis. Quare nihil mirum, si appetitus intellectiuis sit vnus, & sensitui duo: præsertim cum hi hæreant in corpore, & in eo diuersam exigant dispositionem, ut paulò post dicemus.

**

QUESTIO II.

QUESTIO II.

An vterque appetitus sensitivus
in corde sedem habeat?

ARTICVLVS I.

Platonis, & quorundam aliorum
sententia.



LCINOVS in lib. de Plat. doctr. c. 37. ait, secundum Platonem iuniores Deos, qui tor- nandi humani corporis curam susceperant, cum in capite rationis & sapientiæ domicilium constituis- sent, ne pars illa diuina inquinaretur, mortalibus passionibus, hoc est, vtrique appetitui proprias provincias designasse: iracundiæ præcordia; cupidini locum præpe diaphragma, ibique vim eam quasi furiosam & agreste animal ligasse: quinetiam condidisse pulmo- nes cordis gratiæ molles & ventosos, atque instar fistulæ cauos & spongiæ similes, ut cor iræ ardore nonnunquam æstus refrigeratione mitigaretur: simulque iecori, ad excitandum concupiscentiam animæ, rursusque sedandam, dulcedinem & amaritudinem in- didisse. His familia scriptis Apuleius in lib. de dogm. Plat. statuens mentem capitis arcem tenere; irascitiam procul à ratione ad domicilium cordis deductam esse; cupidinem atque appetitus postremam portionem infernas abdominis sedes occupasse, ut popinas quasdam & diuersoria nequitiæ atque luxuriantellegatam verò iecitico longius à sapien- tia hanc partem videri, ne importuna vicini- tas rationem desuper constitutam ipsa cog- nitionum vicinitate perturbaret.

* Place de
conforma-
tion corp-
ris humani.

Alij affectum iracundiæ in felle constitu- tum putant, pauciores in corde, lætitiæ in splene. Cui distributioni et ratio assipulatur, quòd è tribus humoribus recrementitiis, qui è thymo scestruntur, bilis ad vesicam fellis demandatur: constat autem bilem irrita- mentum esse iracundiæ: unde & biliosi iracundi esse consueverunt. Itaque verisimile hinc fit, iram in fellis conceptaculo residere.

Inesse autem paucorem in corde, suaderi potest ex eo, quia qui timent confestim sangui- nem & calorem euocant ad præcordia, ubi videlicet trepidatio potissimum est. Item, quia animalia, quæ pro sui corporis magnitudi- ne maius habent cor, timidiore sunt: nimirum, quòd virtutem pauciores expultricem magis sparsam habeant, cum tamen virtus vni- ta actuosior fortiorque sit, quam dispersa. Postremo, quòd lætitiæ in splene locum obtineat, argumento esse potest, quòd (ut Medici

Aliorum
in opinio.

Leges Arist.
li. 3. de part.
anim. ca. 4.
Plat. lib. 11.
c. 37. D.
The. 1. 1. qu.
45. 4. 3.

Medici tradunt) iis, qui splene laborant, rarus ac difficilis sit risus, qui lætitiæ & hilaritatis comes est.

Sententia Galeni.

Galenus lib. 3. de loc. aff. & in lib. qui inscribitur, *Quod animi mores corporis temperamentum sequantur*: existimat, appetitum concupiscibilem residere in hepate; quod ij, qui multo abundant sanguine, suapte ingenio procliuiores sunt ad libidinem: appetitum verò irascibilem ponit in corde. Pro qua parte confirmanda sunt ex rationes, quas mox subiiciemus.

ARTICVLVS II.

Vera opinionis explicatio.

SIT tamen nostra conclusio: *Vtrumque appetitum in corde sedem habere*. Ita statuit Hippocrates, Zeno, Posidonius, Chrysippus ceterique eiusdem familiæ alumni. Item Aristoteles, Theophrastus, & alij Peripatetici, quos refert Vesalius & alij. Probatur autem huius sententiæ veritas ex eo quia omnis affectus, siue ira, siue cupiditatis, in corde perturbationem excitat, in eoque mox sentitur: tum verò, quia cor Philosophorum consensus est origo & fons omnium vitalium operationum; in quo proinde appetitus ad seruandam vitam, & pericula propulsenda à natura dati consistere debuerunt. Sciendum tamen, non in eadem cordis parte vtrumque appetitum residere, sed locis aliquantulum discretis, ob diuersam qualitarum compositionem, quam ira & cupiditas exigunt: ira enim affluentia caloris & siccitatis gaudet; cupiditas abundantia humiditatis & caloris.

Dilutio rationum in contrariam partem.

Rationes autem, quæ in oppositum huius sententiæ adductæ fuerunt, non persuadent. Non enim biliosi propterea iracundi sunt, quod ira in vesicæ fellis residet; sed quia flaua bilis calida est & sicca, quæ qualitarum compositio iram mouet nutritque. Nec ideo qui splenem malè affectum habent sese tristiores exhibent, quod splen hilaritatis & lætitiæ habitaculum sit; sed quia vberior atræ bilis copia inibi collecta tristitiæ affectum inducit. Nec ij, qui plurimo sunt sanguine ideo frequentiores cupiditatum insulsum experiuntur, quod conspiciuntur in iecore, quasi hydra in lacu Letæno incubet; sed quia calido & humido sunt temperamento, quod cupiditatis æstus cum ciet. Illa verò argumenta, quæ probabant paucitatem inesse in corde, non est cur à nobis diluantur; cum nostram sententiam confirmant.

A

QVÆSTIO III.

Vtrum definitio passionis rectè se habeat?

ARTICVLVS I.

DEFINITVR passio à Philosophis: *Motus appetitus sensitiui, ex apprehensione boni vel mali, cum aliqua mutatione non naturali corporis.*

Lege D. Tit. de Ver. res. 7. 26. art. 3. & in 1. 2. q. 22. art. 1.

Vrautem hæc definitio intelligatur, aduertendum erit, passionem tristitiam sumi vno modo pro receptione cuiuslibet rei, siue per eam id quod patitur aliquid abiciat, siue nō: quæ usurpatio scriptis D. Dionysius 2. cap. de diu. nom. sanctissimū virum Hierotheum diuina patientem multa didicisse: sic etiam pati aër dicitur, cum Solis luce collustratur. Secundò, pro receptione cuiusque rei cum abiectione alterius, siue id quod abicitur sit conueniens rei naturæ, siue repugnans: quo modo aqua patitur, cum refrigeratur aut calefit. Tertiò pro receptione cuiusque rei, cum expulsiōe eius quod naturæ patientis accommodatum erat: quæ acceptio propria & germana est: id enim propriè pari dicitur, quod à dispositio ne secundum naturam, ad eam quæ secundum naturam non est perducitur.

D Deinde aduertendum, cor perenni dilationis & contractionis motu cieri, motūque hunc naturalem esse, & animalium naturæ conuenientem, quā diu sit certa quādam intensiōe, quæ cum eorum temperamento proportionem habeat: quod si ab ea intensiōe per exsuperantiam aut defectum recedat, fieri non accommodatum.

De hoc materia scriptura 1. 7. Physic. 1. 3. 1. art. 4. & in par. nat. 1. de Respir. cap. 7.

Tertiò aduertendum, inter omnes actus potentiarum, tum cognoscentium, tum appetentium, eos duntaxat, qui ad appetitum sensitiuum pertinent, suapte natura semper fieri cum aliqua transmutatione corporis, quæ animal à sua naturali dispositione deiciat. Cuius rei ea ratio est, quia hos tantum actus proximè ac per se consequitur incitatio aut remissio moris, quo dilatur vel contrahitur cor. Enim verò si actus appetitus sensitiui ad fugam retractionemve spectent, vt timor & tristitia, remissione efficiunt in motu dilationis, proindeque maiorem contractionem: si verò pertineant ad prosecutionem delectationemque, vt amor & lætitia, maiorem inuehunt cordis dilationem. Diximus, propriè & per se: quia remotè & ex accidentē etiam ex actibus aliarum potentiarum sequitur intensio & remissio in motu cordis, vt ex apprehensione boni & mali, & ex actu voluntatis; remotè tamen, & interuentu appetitus sensitiui. In quam sententiam

Lege D. Tit. 1. 2. q. 24. art. 2.

lege Dium Thomam in quaest. de Verit. qu. A
6. art. 3.

Hic ita explicatis iam liquidò constat, cur
passiones dicantur fieri cum mutatione non
naturalis corporis : videlicet quoniam ijs di-
strahitur cor à motu sibi naturali. Est inter
passiones aliarum motionem afferant minùs, aliarum
magis à natura alienam : magis, vt dolor &
tristitia, quæ contractionem pariunt ; minùs,
vt lætitia & delectatio, quæ dilatationem cor-
dis efficiunt : est enim magis naturæ consen-
taneum dilatari, quàm contrahi.

XXXXXXXXXXXXXXXXXXXX

ARTICVLVS II.

Consuetudina quedam.

EX dictis nonnulla inferuntur consuetu-
dina. Primum est : *Passiones non proprie ad
appetitum rationalem pertinere.* Vt constat ex
earum definitione, & ex ijs quæ tradidit Ari-
stoteles in proœmio libror. de Anima, Plato in
Philebo, Cicero in 1. Tusc. quaest. D. Da-
masc. li. 2. Fid. orth. cap. 22. D. August. lib. 9.
de Ciuit. Dei, cap. 5. edisseritque S. Thomas in
1. 2. quaest. 22. artic. 3. Itaque gaudium, amor,
& lætitia, alique eiusmodi affectus prout in
voluntate cernuntur, non proprie, sed simili-
tudine quadam passionibus vocari possunt.

*Reuocatur
Chrysippi
sententia.*

Secundum est : *Ahorreere à veritate senten-
tiam Chrysippi, qui (vt liquet ex ijs, quæ à Ci-
cerone lib. 4. Tusc. quaest. 4. & à Galeno lib. 4. de
plac. Plat. & Hipp. capit. 2. prodita sunt) exis-
timabat, perturbationes esse iudicia opi-
nionésve, e. e. ægritudinem esse recentem opi-
nionem præsentis mali, in quo dimitti con-
trahisque animo rectum videtur : metum
opinionem mali impendentis : quod intol-
erabile esse iudicatur. Deprehenditur autem
huiusce dogmatis falsitas ex eo, quia
obiecta passionum sunt bonum & malum :
quæ non ad vim cognoscencem & eius actus,
cuiusmodi sunt opiniones & iudicia ; sed ad
appetentem cuiusque munia spectant. Quòd
si quis pro Chrysippo respondeat, cum non
in sensu formali perturbationes iudicia vo-
casse, sed in causalibus ; quia nimirum ex opi-
nione siue apprehensione mali ori-
tur, v. g. passio timoris : occurrat
Galenus loco cit. cum re-
uera in sensu for-
mali fuisse lo-
cutum.*

XXXXXXXXXXXX
XXXXXXXXXXXX
XXXXXXXXXXXX

XXXXXXXXXXXXXXXXXXXX

QVÆSTIO IIII.

Vtrum passiones cadant in ani-
mum sapientis.

ARTICVLVS I.

Philosophorum dogmata.

N

EGATIVAM partem huius-
ce questionis defendebant
Stoici, contententes, cum qui
vetè sapiens sit, debere animi
passionibus omni ex parte va-
tamen habere tres *Cratylus*
(Cicero 4. Tusc. q. *constantius* nominauit)
id est, pro cupiditate voluntatem, pro lætitia
gaudium, pro metu cautionem. Pro ægritu-
dine verò seu dolore negabant esse posse ali-
quid in animo sapientis. Voluntas enim bonum
appetit, quod facit sapiens : gaudium est
de bono adeptò, quod sapiens adipiscitur :
cautio deuitat malum, quod debet sapiens
effugere. At quia tristitia de malo est quod
iam accidit, & nullum malum existimabant
posse accidere sapienti ; nihil in eius animo
pro illa ponebatur.

*Sententia
Stoicorum,
Legè La-
tantiu lib.
6. c. 15. Se-
necam li. de
tranquil.
vita. Tulliu
in erat. pro
Murana.
Gal. in
traict. de
cur. affect.*

Ideo vetò Stoici in eam sententiam ad-
ducti sunt, quia indignum iudicabant homi-
nè sapiens, perturbationibus concutit : cum
hæ animi morbi sint. Itaque hunc in modum
disputabant : Qui morboſi sunt, sani non sunt :
qui sani non sunt, insipientes sunt : igitur qui
morboſi sunt, non sunt sapientes : at ij, qui
passiones sentiunt, morboſi sunt : quandoquid-
em passiones sunt ægritudines animi : ergo,
&c.

Platonici autem & Peripatetici contrariam
partem secuti sunt, aientes ; non posse homi-
nem, quantumlibet sapientem, passionibus
omnino vacare. Cuius sententia fundamenta
art. 2. proponemus. Cicero in lib. de Fin. & D.
August. lib. 9. de Ciuit. Dei cap. 4. arbitrantur,
hos Philosophos de verbis potius, quàm de
rebus facere controuerſiam : nimirum Stoicos
non quilibet motiones appetitus, sed
turbulentas, & quæ prodeunt extra limites
rationis, animumque ad vitia inflectunt, pas-
siones vocare : alios autem Philosophos
passionum vocabulo indiscrimina-
tim vti, pro quouis motu
appetitus sensi-
tium.

*Opinio Plat.
& Perp.*

*Legè D.
Tus. 2. 2. q.
123. ar. 10.*

ARTI

ARTICVLVS II.

Vera sententia explicatio.

QVÆCUNQUE tamen Stoicorum mens fuerit, negari non debet, passiones cadere etiam in eos, qui veræ sapientie & magnarum virtutum ornamentis præditi sunt: cum illæ naturaliter obueniant; cumque his rationem dominam (eoi ciuili obedientia obsequentur) præficiamus, ad moderationem & mediocritatem adduci possint, atque ad virtutum officium reuocari, & laudem ac præmium mereri. Itaque his passiones secundum se spectentur, id est, ut sunt motus quidam irrationales appetitus, non conuenit eis malum aut bonum morale, quod à ratione pendet: conuenit tamen, si considerentur prout subiiciunt imperio voluntatis & rationis. In poemate tantum D. Augustinus, lib. 14. de Ciuit. Dei cap. 8. *Cupunt, inquit, mentes, latantur & boni & mali: sed illi bene, isti male; sicut hominibus, seu vera seu peruersa voluntas est.* Denique, si Stoicorum dogma ita intelligatur, ut omnem motum appetitus vitiosum esse, & à virtute alienum statuam, haud dubie celestibus discipuli veritati repugnavit: idem sanctus Doctor cap. 9. eiusdem libri multis *Sacræ pagine* testimonio confirmat. Consulto D. Ambrosium tract. de obitu Gratiiani, & in lib. de incarn. Domini, cap. 7. D. Augustinum 14. de Ciuit. Dei, cap. 9. D. Gregor. Nyssenum in disput. de ani. & relict. Lactantium lib. 6. cap. 25.

Fig. 7.1.

Obiicit tamen aliquis: Id quodd ad peccatum inducitur, habet rationem mali: atque passionem inducunt ad peccatum: unde à Paulo 7. cap. epist. ad Rom. passionem peccatorum dicuntur: ergo. Item: passionis sunt agnitio animi, ac proinde vitia: igitur nulla earum poterit honeste rationem fortituti. Præterea: ijs, quæ non sunt in nostra potestate, nec laudem nec vituperationem meremur: sed passionem non sunt in nostra potestate: siquidem ijs, ut docet D. Augustinus. 14. de Civit. Dei, cap. 9. innoti cedimus: igitur ijs non meremur; quod tamen paulò ante negavimus.

Dilat.
eti.

1. Ad primum horum dicendum: passionēs, si fumanur vt deficiunt à ratione, inclināre ad peccatū: si vt ordinantur à ratione, non ita fē habere. fed ad virtutē fpectare. Ad fecundū: paſſiones dicī morboſ animi ſue ægritudines, non prout à ratione gubernantur, fed quatenus ab eia regulā moderatōnēq̃ deſeſcant. Vnde patet, quid Stoicorū argumētō reſpondendū ſit. Ad tertium: conceſſa maiori neganda eſt minor, ſi ita intelligatur, quaſi nullo modo poſſimus paſſiones cōſeſcere aut moderari: & ad eia

A confirmationem dicendum, nos cedere inuitos passionibus, non quoad cōsensum, cum eis non nisi voluntate consentiamus; sed quoad aliquam corporis transmutationem, cuiusmodi est interdum commotio risus, fletus alique eiusmodi.

QVÆSTIO V.

B Vtrum animi passiones rectè à Philosophis numerentur?

ARTICVLVS I.

Solutio questionis.

P L A T O in Theæteto affirmat, eas
passiones, quæ nomen habent, multas
esse; quæ caret nomine, innume-
ras. lib. 9. de Rep. inquit, homi-
nem esse quilibet mœstrum & sphingem quan-
dam, ex variorum animalium partibus con-
stitiam: & cupiditate esse partē latissimam,
multa bestiarum, id est, passionū capita con-
tinentem. Io Timox sex enumerat perturba-
tiones: volupratem & dolorē, tanquam prin-
cipia; quibus accedant audacia & metus, ira
& spes. Io r. de leg. ait, quemlibet nostrum
esse vnum, & habere in se consiliarios duos
contrarios & amantes, volupratem & dolorē:
ad quos accedunt futurorum timor &
confidentia.

Qui passionem in commune aptiori me- *Quatuor*
thodo distribuerunt, eam in quatuor summa *praeipue*
veluti capita pariri sunt: videlicet in quatuor *passiones.*

E *Gaudia pello, Pelle Timorem, Spemque fugato,*
 -Nec Dolor adsit.

Virgil.6.Æneid.

Hinc metuant, cupiuntque, dolent, gaudentque.

Solent autem hæ quatuor passioncs comparari quatuor principalibus ventis: quod ut hi mare tempestatibus, sic illæ animum turbulentis motibus perturbent. Quod ita quidam expressit:

Spes leuat arreſſos: metus alto à vertice fluctus
Doycit: hinc animū pulſat furibūda voluptas:
Inde dolor: fluctus ceu fracti fluctibus altum
Clamerem ingeminant: piceis aſcēdit a nimbū:
Nec radius fundit ratio, nec vela enervat.

Porro dicuntur ex quatuor passionibus omnium præcipue, quatenus aliarum complementum vel finis sunt; idcirco; alias omnes consequuntur; ut docet Arist. 2. Eth. c. 1. Timor autem & Spes non simpliciter eiusmodi complementum obtrinent, sed in genere motus appetitiui ad aliquid. Namque respectu boni incipit motus

in amore, progreditur ad desiderium, terminatur spei: comparatione mali incipit ab odio, tendit in fugam, finitur timore. Quo fit, ut numerus harum quatuor passionum secundum differentiam præsentis & futuri spectetur: motus enim futurum respicit, quies in aliquo præsentis est. Igitur de præsentis bono est gaudium, de præsentis malo tristitia: de bono futuro spes: de malo futuro timor. Cæteræ verò passiones, quæ circa bonum vel malum, præsens aut futurum versantur, ad has compelluntur & reducuntur.



ARTICVLVS II.

Diuisio passionis in minores species.

SI tamen passionum genus in suas species minutius concidere velimus, vnde inueniemus: quarum numerus ita colligi potest. Passionum quedam respiciunt bonum aut malum simpliciter, pertinentque ad appetitum concupiscibilem: aliæ bonum aut malum arduum, spectantque ad irascibilem. Illæ sex sunt: tres respectu boni, totidem respectu mali. Oblata enim re bona, excitatur primum in concupiscibili amor illius: quod si ea res absens sit, confurgit desiderium: si præsens, delectatio seu gaudium. Similiter oblata re sub ratione mali, oritur primum in concupiscibili odium amori contrarium: quod si res, quam odio prosequimur absit, oritur statim fuga, desiderio aduersa; si adest, nascitur tristitia seu dolor, delectationi inimicus. Passiones autem; quæ bonum vel malum arduum respiciunt, & ad irascibilem spectant, sunt quinque: dux respectu boni, tres respectu

A mali. Etenim si obicitur res sub ratione boni ardui; quam quis obtinere se posse iudicat, prouenit statim in irascibili spes: si putet eam se consequi non posse, existit desperatio. Non est in irascibili aliquis motus respectu boni quod iam adest & possidetur: quia quod iam adeptum est non habet rationem ardui. Aliæ verò tres passiones irascibilis, comparatione mali ardui, hunc in modum colliguntur. Malum arduum aut præsens est, aut non est. Si non est oritur timor vel audacia: timor, si id formidamus & refugiamus; audacia, si aggrediamur. Quod si præsens est, confurgit ira, qua animus exardescit ad sumendam vindictam, & ad præsens malum depellendum.

Rursus ex ipsæ passiones, de quibus hactenus egimus, in alias distribuuntur. Nam v.g. amor respectu eius, cui aliquod optamus bonum, dicitur amicitia: respectu verò ipsius boni, quod illi optamus, dicitur amor concupiscentiæ, &c.

C Seruant autem prædictæ passiones hunc inter se ordinem. Quædam sunt veluti motus principium, videlicet amor & odium: his enim inclinamur ad aliquid optandum fugiendumve; sicuti lapis grauitate propendit ad descensum. Quædam sese habent veluti motus, nempe desiderium & fuga. Aliæ denique ut quies & terminus motus; veluti delectatio & tristitia: delectatio enim est utriusque quies in loco rei idoneo & conueniente; tristitia ut quies in opposito loco. Quoniam ergo principium motus ipso motu prius est, & motus prior quiete: ideo inter passiones appetitus concupiscibilis, quæ circa bonum versantur, amor est prior desiderio, desiderium delectatione: Inter eas verò, quæ ad malum tendunt, odium prius est fuga, fuga prior quam tristitia.

DISPV





DISPUTATIO SEPTIMA. DE VIRTUTIBVS IN COMMVNE.

Reliquum est, vt de Virtutibus differamus. Ac primò de iis in genere: postea verò particulatim. Quæ disputatio præcipui in morali Philosophia momenti est: propterea quòd virtutibus boni efficiamur, & ab iis manent actiones studiosæ, sine quibus felicitas, quæ moralis disciplinæ scopus est, obtineri non potest.

XXXXXXXXXXXXXXXXXXXXXXXXXXXXXXXXXXXXXXXXXXXX

QVÆSTIO I.

Vtrum definitio Virtutis rectè habeat?

ARTICVLVS I.

Dubitationis explicatio.



ARISTAS Virtutis definitiones tradit Plato in Menone, Alcinoüs in li. de eius doct. Aristoteles lib. 2. Eth. ca. 6. & in libello de Virtut. (si eius est illud opus) & Plutarchus in lib. de Virt. morum: multas etiam colligit Alexander Alensis 3. p. sum. quæst. 16. art. 1. Vt autem quænam ex iis probari debeat statuamus, aduertendum est, duo esse genera virtutum: vnum earum, quæ nostris actibus acquiri possunt; vt fortitudo, temperantia; alterum earum, quæ immediatè infunduntur à Deo; vt fides, spes, charitas. Item, virtutù alias esse morales, quæ videlicet in appetitu, siue intellectu, siue sensitiuo insident; alias intellectuales, quæ in intellectu. Inter quas (vt nunc breuiter dicamus) illud est discrimen, quòd morales non solum bonam actionem efficiant, sed bonè; reddantque eius vsum bonum, ex parte finis & aliarum circumstantiarum, quæ ad opus cohonestandum requiruntur, quæque dum adhibentur, dicitur opus non in eo tantum genere, sed absolute bonum, habentemque simpliciter bonum appellat. Ad rationem verò intellectualis virtutis fas est efficere actionem, siue opus bonum in suo genere, esto aliunde vicietur. v. g. ad Metaphysicam, quæ est virtus intellectualis per-

Discrimen inter virtutes intellectuales & morales.

A tinet, considerare substantias separatas: estque in eam considerationem ob inane gloriæ incumbat: quam tamen circumstantiam non ferret virtus moralis, quæ probam voluntatis affectionem requirit. Vade talis scientia efficit bonum Metaphysicum; non tamen bonum virum.

His ita constitutis, virtus in toto suo ambitu, vt tam acquisita, quàm infusa; sit moralis, quàm intellectualis comprehendit, hoc modo definienda erit: *Virtus est habitus operatiuus boni.* Intellectualis verò ita: *Virtus intellectualis est habitus operatiuus boni, residens in intellectu.* At infusa ita definitur, vt ex D. Augustino lib. 2. de lib. arbit. cap. 8. aliisque in locis colligitur: *Virtus est bona qualitas mentis, quæ rectè viuatur, quæ nemo malè viuatur, quam Virtus in Deo in nobis, siue nobis operatur.* Dum enim D. suscit.


C Augustinus ait, *Deum in nobis siue nobis virtutem operari*, planè indicat, loqui se de virtute duntaxat, quam Deus per se in animam infundit. Denique moralem virtutem ita definiit Aristoteles lib. 2. Eth. cap. 6. *Virtus est habitus effectiuius in mediocritate consistens, ea qua ad nos est definita ratione, & vt definitur ipse prudens.* Quæ definitio, quia præsentis instituti est propria, enucleatè à nobis explicanda erit. Est ergo in primis virtus habitus: quia virtus (latè etiam sumpto eius nomine) est dispositio perfecti, vt docuit Aristoteles 7. Phys. cap. 13. text. 17. habitu autem perfectè disponitur ad operandum. Potissimum verò ad tria virtutum habitibus indigemus. Primum, ad vniformitatem actionum: quæ enim ad agendum habituali propensione carent, instabilia sunt, faciliq; mutantur. Secundò, vt actio in promptu sit: vnde Aristoteles 3. Eth. cap. 8. ait *repentina esse ab habitu.* Certe nisi rationalis potentia interuentu habitus inclinaretur ad vnum, oportebit ablata agendi occa-

D *Repentina sunt ab habitu.*

sione de re facienda prius inquirere; eum tamen interdum negotia moram non ferant. Tertio, ut cum voluptate actio perficiatur: quod præstat habitus. Nam cum modum quandam naturæ obineat, operationem sibi propriam, quasi naturalem, atque adeo iucundam reddit. Quare Aristoteles 2. Eth. c. 3. docuit, delectationem in opere obeundo signum habitus esse.

* habitus.

Pater igitur, cur virtus dicatur *habitus*. Ob-
tinet autem hæc particula * locum generis in
definitione virtutis: ac per eam reiciuntur
potentiæ & passionēs, extræque id genus, quæ
habitus non sunt. Dicitur etiā *habitus electivus*,
id est, per electionē operans: ad excludendam
scientiam, & alios habitus intellectuales; ad
quorum rationem non pertinet, ut actus ab
iis profecti ex delectu ac voluntariē fiant.
Additur, in *mediocritate consistens*: ut reiciantur
habitus vitiosi, qui à mediocritate de-
ficiunt. Denique additur, *in qua est ad nos de-
finita ratio*: ut intelligamus, mediocritatem,
in qua virtus consistit, non oportere esse ex
natura rei, nisi fortè per accidens: sed compa-
ratione subiecti, & ex arbitrio iudicij; pruden-
tis viri. Quæ de re in progressu plura.



ARTICVLVS II.

*Virtutem ex sua intrinseca ratione
esse habitum bonum.*

CONTRVERSIA tamen est, *utrum*
virtus secundum propriam essentiam sit ha-
bitus bonus, an non? Scotus in 1. dist. 17. q. 2. ne-
gatiuam partem amplectitur, asserens, vnum
eundemque habitum modò virtutem, modò
vitium esse posse. Arbitratur enim, virtutem
formaliter consistere in relatione conformita-
tis ad rectam rationem, fundata in habitu
ex se indifferenti ad bonum & malum; vitium
autem similiter in diffinitione à recta
ratione: postque eundem habitum, qui antea
priorem relationem obtinebat, posteriorem
accipere; quemadmodum videmus eandem
superficiem nunc imbuī candore, nunc nigre-
dine. Sentit proinde Scotus, virtutem, quā vir-
tus est, non esse operatiuam; cum ex sua natu-
ra sit relatio, cui nulla efficientia vel actiuitas
conuenit: sed id, quod agit, dum ex virtute
operatur, esse habitum ipsum, cui ratio virtu-
tis accidenratio aduenit. Quod similiter de
vicio intelligit. Adde præterea, habitum poni
in definitione virtutis, tanquam adiectitiuū,
quid; sicuti natus in definitione simi.

Probat autem hæc sententia ex eo po-
tissimum, (ut rationes alias omittamus) quia,
si is, qui obtinuit habitum abstinentiæ à cibo
ob Mahometicam superstitionem, ad Chri-
stianam silem conuertatur, & ob veri Dei
cultum à cibo abstineat, adhuc ex eodem il-

lo habitu sentiet promptitudinem facilita-
témque ad actus temperantiæ: ac proinde
idem habitus, qui erat antea vitiosus ob pra-
uum finem, nunc ex fine honesto, atque ex
conformitate ad rectam rationem & legem
Dei, fiet studiosus; & qui antea rationem vitij,
nunc virtutis rationem fortietur.

Contraria tamen opinio, quæ statuit, virtu-
tem ex sua natura esse habitum bonum, nec
vnum eundemque habitum modò virtutem
esse, modò vitium; Peripatetica est & vera:
eamque defendit D. Thomas in 1. 2. quæst.
55. artic. 1. & 4. Gabriel in 3. dist. 23. quæst.
1. artic. 1. & alij. Probat autem primum,
quia Aristoteles 2. Eth. cap. 5. inquit genus
virtutis, concludit esse habitum: eodem-
que li. cap. 8. docet, virtutem & vitium esse in-
ter se contraria: quod etiam in Categ. cap. de
Oppos. & alibi sæpe docuerat. Hoc autem ve-
rum non esset, si virtus & vitium formaliter
significarent relationes eidem habitui ad-
uenientes: nec enim relationes sunt habi-
tus, nec inter se contrarietatem exercent.
Præterea, virtus ex se, ut Aristoteles de-
finit, est habitus electivus in mediocritate
consistens: igitur virtus ex sua natura inclin-
at ad actum bonum; nulloque modo ad actum,
qui recedat à medio per arbitrium pruden-
tis definitio: atque adeo virtus ex sua in-
trinseca ratione est habitus bonus. Postre-
mo, habitus pulsandi citharam non inclin-
at ad qualemcunque motum fidium, sed ad mo-
tum harmonicum secundum artis regulas:
ergo pati ratione habitus, v.g. temperantiæ,
non inclinabit solum ad abstinentiam à cibo,
sed ad abstinentiam cum circumstantiis, quæ
actum perfectè cohærent: quod Scotus
negabat.

Igitur ad argumentum pro contraria par-
te adductum respondendum est; cum, qui
ita affectus conuertitur ad verum Dei cul-
tum, & religionis causâ à cibo abstinet, sen-
tire facilitatem in abstinentiâ, non quod prior
habitus inclin-
at ad eos actus quos tunc exer-
cet; sed quia habitus ille non solum inclina-
bat ad superstitiosè abstinentiandum, sed re-
primebat etiam appetitum, ne ad cibi appeti-
tionem effrenare insurgeret. Quare cum duo
munia præstet honesti habitus in appetitu;
videlicet primum inclinent ipsum ad actus ra-
tioni consentaneos, & passionēs ne se immo-
deratè effrent, compellant: ratione huiusce
posterioris officij facilitatem sentiet ad reli-
giosè abstinentiandum is, qui antea superstitiosè
abstinebat: etsi talis habitus priorem naturam
retineat, proindeque adhuc vitiosus sit. Simi-
liter dicendū de honestis habitibus, qui viden-
tur concurrere ad actiones, quæ ob mutatio-
nem circumstantiarum vitiolæ sunt: ut si quis
antea liberalitatis habitus prædatus, nunc ad
inopiam redactus, pecuniam, ut prius in ma-
gis opibus, ultra quam possit, distabat: non
enim

Sententia
Peripate-
tica.

Dicitur arg.
pro opinio-
ne Scoti.

Duo mun-
da quæ præ-
stant habi-
tus studiosi.

enim ad hunc actum eliciendum per se concurret habitus liberalitatis; sed duntaxat eagenus facilitatem præstabit, quatenus palsionem auaritiæ cohibet.



QVÆSTIO II.

Vtrum virtus moralis in medio-
critate consistat?

ARTICVLVS I.

De duplici medio virtutis: & in quonam
medio virtus omnis collocata sit.



VIRTUTEM moralem in medio-
critate positam esse, asserui-
mus cum Aristotele in defini-
tione virtutis: nunc id accurate
explicandū erit. Aduertendū
igitur, bisariam intelligi posse, virtutem
in medio esse: nimirum vel quoad essentiam;
quia est habitus inter duo vitia contraria: vel
quoad obiectū, quia id in quod tendit rationi
consentaneum est, proindeq; medium inter
exuperationem & defectum: quod in defini-
tione virtutis significauit Aristoteles illis ver-
bis, *ea, quæ est ad nos definita ratione*: id est, vir-
tus consistit in medio-ritate secundum omnes
circūstantias prudentiæ regulæ præscriptas.
Deinde aduertendū, medium aut esse con-
stitutum ex natura rei, aut sumi cōparatione
nostri. Medium ex natura rei (quod etiam
medium rei vocatur) est quod æquè ab vtro-
que extremo distat: quod pacto senarius me-
dius est inter denarium & binarium, quia to-
tidem unitatibus ab vtroque abest, nempe
quatuor. Medium cōparatione nostri est,
quod ad nos collatum neque exsuperat, ne-
que deficit: quomodo ea cibi portio, quæ So-
crati pro eius temperamento conuenit, dicitur
medium respectu illius. At enim, quia non
omnibus eadem temperamenti & caloris ad
decoquendum vis est, sæpè id, quod vnius
collatione medium habetur, respectu alterius
deficit aut excedit.

Dupliciter
virtus in
medio est.

Duplex me-
dium.

1. assertio.

Sit prima assertio: *Omnis virtus moralis* (cuius
appellationem non comprehendimus hoc
loco *Prudentiam*) *consistit in medio quoad obiectum*.
Hanc assertionem tradit Arist. lib. 1. 2. Eth. c. 6. & lib. 5. c. 3. & 4. cāque approbant communi
cōsensu Theol. in 3. d. 33. Suadetur verò
à D. Tho. in 1. 2. q. 64. art. 1. quia bonum eius,
quod regitur & mensuratur, situm est in adz-
quatione ad suam regulam. Quare cum bonū
virtutis moralis à ratione dirigatur, vtiq; po-
sitiū erit in adzquatione ad mensuram ratio-
nis: quæ adzquatio est æqualitas seu cōmen-
suratio quadam inter excessum & defectum,
id est, mediocritas. De qua est illud Poëtæ: *

* Horat. 1.
ser. sat. 1.

*Est modus in rebus, sunt certi denique fines:
Quos ultra, citràque, nequit consistere rectum.*

Quod non ita accipiendum est, quasi ad ra-
tionem virtutis exigatur, vt prædictam me-
dio-ritatem in diuisibili attingat: quod Stoici
falsò putabant, vnde etiam contendebant,
virtutem non suscipere magis & minus: sed
in maximo, hoc est, in illius individui medijs
adeptione constitutam esse: ideoque nemi-
nem virtute præditum iudicabant, nisi qui ad
studiosas actiones obediens in summo gradu
esset dispositus. Peripatetica tamen & vera
sententia, vt constat ex ijs, quæ tradit Aristot-
eles 1. 2. Eth. decernit, in medio virtutis lati-
tudinem dari, posseque obiectum ipsum vir-
tutis nunc perfectiori modo, nunc minus per-
fecto attingi. Nec sanè conuenit, moralium
actionum honestatem ad insectilia mathe-
matica reducere.

Quòd si quis pro Stoicis opponat, virtutem
constitutam esse in recto: recto autem nihil
rectius esse: proindeque nullam virtutem alia
perfectiorem dari. * Occurrendum, recto in
Mathematicis nihil esse rectius: quia si recta
linea tantulū ab extremis subulter, recta
non erit; eūdem id in essentia rectæ lineæ con-
tineatur. At in moralibus non ita res habet:
quia v.g. actio eius, qui ex affectu misericor-
diæ pecuniam egentem erogat, recta est, vtpote
consentanea rectæ rationi; actio verò illius,
qui ex intensiori misericordiæ affectu vberio-
rè pecuniam largitur, haud dubie rectior est
atq; excellentior, cum perfectiori modo illud
officium virtutis præstet; tum quia plus, tum
quia vehementiori animi affectu confert.

Secunda assertio: *Omnis virtus moralis, ex-
cepta Iustitia, consistit in medio quoad essen-
tiam*: hoc est, inter duos habitus vitiosos po-
sita sunt. Hæc inductione patet. Namque for-
titudō est inter vitium timiditatis & audaciæ:
liberalitas inter auaritiā & prodigalitatem:
similitérque res habet in cæteris.



ARTICVLVS II.

De medio Iustitiæ.

EXCEPIMVS in secunda assertione
Iustitiā, quia peculiare illi est, non esse
inter duo extrema vitia collocatam. Quod
significare voluit Aristoteles lib. 1. Eth. cap. 5.
cum docuit, Iustitiā non eodem modo,
quod reliquæ virtutes, medio-ritatem obti-
nere. Potestque idem ex eo ostendi, quia Ius-
titiā versatur inter plus & minus, quod est
contra ius. Diximus, *quod est contra ius*: quia
qui de suo plus dat, vel nullum commit-
tit peccatum; vel si quod committit, id non
ad iniustitiā pertinet, sed ad prodigali-
tatem, quæ liberalitati opponitur. Quo
fit, vt Iustitiā vnum tantum habeat extre-
mum, cui aduersetur, nimirum Iniustitiā:
quia

Obiectio
Legit. Vluc.
in lib. de
Stoicorum
sententiis.
Dilutis.

2. assertio.

Peccata cō-
tra Iustitiā
sunt per de-
fectum.

quia prædictum plus & minus semper iniustitiam efficit.

Sciendum præterea est, cum virtutes morales, quæ circa passionem versantur, hominem ad se ipsum ordinem, necessarii constitutus esse in medio respectu nostri: iustitiam verò, quia operationes in ordine ad alterum dirigit, in medio rei constitutam esse. Tantum enim iustitia reddere præcipit, quantum quis alteri debet, non plus inolvere: siquidem hoc modo astruit æqualitas inter homines, quæ tunc deum exultat, cum nullus ultra aut citra id, quod suum est, obtrinet: quam æqualitatem factam rectamque tueri & vindicare, proprium iustitiæ munus est.

Iustitia duplex.

Porro cum iustitia duplex sit, ut docet Aristoteles lib. 5. Eth. cap. 2. Una distributiva, quæ cernitur in distributione bonorum Reip. aut alterius communitatis, iuxta proportionem meritum uniuscuiusque: ita scilicet, ut quæ est proportio meritum unius ad merita alterius, eadem sit proportio præmiorum ad præmia: altera commutativa, quæ cernitur in commutationibus & venditionibus, aliisque eiusmodi: fit, ut non idem in utraque medium servetur. Nam in commutativa servatur medium secundum proportionem Arithmeticam, ut nimirum constituitur æqualitas inter rem acceptam, & id quod per eam redditur: in distributiva autem tenetur medium, secundum proportionem Geometricam, ut eadem in præmiis quæ in meritis proportio sit. Exempli gratia, si duobus civibus loco præmij decem aureorum millia distribuenda sint, & ex ijs unus duplex habeat meritum, alter verò triplex: secundum Geometricam proportionem donanda erunt illi quatuor millia, huic autem sex: ut enim trium ad duo est proportio sexquialtera, ita sex ad quatuor.



QVÆSTIO III.

Vtrumne virtutes homini naturales sint, an eas propriis actibus acquirat?

ARTICVLVS I.

Virtutes in quodam sensu esse homini naturales: in alio non esse.



PRINCIPALEM partem propositæ dubitationis (quæ de virtutibus acquisitis duntaxat intelligenda est) pertractavit multis in locis Plato, ut in Menone, in Protagora, in Euthydemone: et si more suo disputans nihil ferè certi asseverarit.

A De eadem quoque re varia philosophantium dogmata refert D. Thom. in 1. 2. quæst. 63. artic. 1. & in disput. quæst. 1. de virtut. in comm. artic. 8. Ut autem breviter rem expediamus, sciendum est, dupliciter posse virtutes dici esse nobis naturales: uno modo, prout naturale est idem, quod conveniens naturali inclinationi: sicque naturalis est homini cognitio veritatis: secundò, ut naturale differt à voluntario, quo pacto ea, quæ nobis à primæva origine & ex principiis naturæ innata sunt & congenita, naturalia dicuntur, ut vis nutriendi.

Distarium virtutes dici possunt naturales.

Sit prima assertio: *Virtutes sunt homini naturales priori modo.* Probatur: quia homo naturæ suæ est particeps rationis, estque ei naturale, secundum rationem vivere: ut docet D. Dionys. 4. cap. de div. nom. Quare cum actiones virtutum sint consentaneæ rectæ rationi, consequens est, ut hominis naturæ convenientes sint. Item, quia homo per naturam inclinatur ad cognitionem veritatis: docente Arist. 1. Metaph. capit. 1. & ad appetitionem boni, teste eodem Arist. 1. Eth. cap. 1. Virtutes autem intellectuales feruntur in verum, morales in bonum. Postremo (quod eodem recidit) quia id, quo unumquodque secundum naturæ suæ gradum perficitur, est illi secundum naturam conveniens, homo autem secundum gradum suæ naturæ virtutibus acquisitis perficitur & excolitur. Iuxta hanc considerationem dicuntur inesse homini virtutes à natura, non perfectè & completè, sed inchoatione quadam, & tanquam in radice, è qua accedente disciplina & studiorum actionum exercitatione in actum prodeant.

Secunda assertio: *Virtutes non sunt homini naturales posteriori modo.* Hanc tradit Arist. lib. 1. Eth. cap. 1. suadeturque ex eo, quia si virtutes eo modo naturales forent, nemo iis laudem mereretur, cum nemo nisi ex libero actu iure laudetur. Item, quia non possent homines vitis assuescere: siquidem ut docet etiam Arist. lib. 1. magn. Mor. cap. 6. ad id, quod eo pacto est à natura insitum, nihil proficit contraria assuetudo: ut patet in terra v. g. quæ quia nativam habet gravitatem, qua deorsum tendit, licet versus locum superiorem sepe iaciatur, nunquam ad ascendendum assuescit. Unde etiam patet, virtutes non esse contra naturam, alioqui non possent homines iis assuescere.



ARTICVLVS II.

Virtutes acquisitas comparari nostris actibus.

TERTIA assertio hæc sit: *Virtutes acquisitæ comparantur nostris actibus.* Hæc

Hæc ita suadet: Principia operatiua naturæ conuenientia, quæ non insunt nobis à natura, sed ex acquisitione, comparantur nostris actibus: atque virtutes acquiruntur sunt principia operatiua, conuenientia naturæ ad modum superius explicatum: igitur comparantur nostris actibus. Maior constat ex doctrina Aristot. lib. 2. Eth. hoc enim est discrimen inter principia innata & acquisita, quod principia innata, antecedunt actus, nec ijs comparantur: (aspectus enim antecedit actionem videndi, nec per eam aspectus acquiritur) at principia acquisita sequuntur actus, ijsque adipiscuntur.

Dubia.

Vt autem propositæ assertionis veritas magis eluceat, duæ quædam dubitationes explicandæ erunt. Prior est: *Quoniam causa generis actus studiosi conueniat ad generandum habitum virtutis: Posterior: Num a se comparandum eiusmodi habitum sufficiat vnus actus, an necessarii plures exigantur.* Priori dubitationi, omnia opinione Durandi, quæ lib. 9. Metaph. à nobis confutanda erit, respondemus cum Capreolo in 3. d. 33. q. 1. art. 3. in solutione argumentorū contra secundam conclusionem, actus studiosus concurrere, vt principia actiua ad generationem habituum. Enim verò cum potentia, v. g. intellectus & voluntas, sint causæ vniuersales actiue habituum, & in ijs possint esse diuersarum specierum habitus, necessariò danda erit aliqua causa particularis actiua, quæ potentiam determinet ad hunc potius, quam illium habitum producendum: hæc autem causa est ipse actus à potentia elicited.

Resp. ad 1. dub.

Ad 2.

Ad posteriorem dubitationem respondemus cum Gabriele in 3. d. 23. q. 1. dub. 4. Almaino ibid. q. 2. art. 3. & alijs: per quemlibet actum morale bonum, etiam remissum, posse gigni habitum virtutis moralis, nisi ex parte subiecti aliquid impediendi sit. Probat: Nam quando causæ sunt eiusdem rationis & speciei, si intensior potest aliquem effectum producere, etiam remissior eundem producere valer, etsi minus intensum: modò resistentia patientis non exsuperet agentis actiuitatem. Cum igitur actus virtutis intensus ac vehemens possit efficere habitum virtutis, vtique etiam remissus habitum consimilem generet: non secus ac calor tertio gradu intensus producit calorem vt fixus; intensus autem secundo gradu efficit calorem vt duo. Diximus, nisi ex parte subiecti aliquid impediendi sit: quia si virtutum contrarium potentia inhxreat, & actiuitas studiose actionis non superet illius virtutis resistentiam, nequaquam per talem actionem habitus producenter. Quod asserendum quoque est, cum iam potentia habitum virtutis summè intensum obtinet: tunc enim vique remissus neque intensus actus, aut nouum habitum generet, vt constaret maiora incrementa asseret habitus, qui totam quam assequi potest perfectio-

nem assecutus iam est.

Illud tamen aduertens, licet per vñ actum gigni possit habitus virtutis plerumque; tamen non gigni habitum virtutis perfectæ, nisi per multos actus: vt videre est in habitu temperantia. Nam cum illius materia multiplex sit, quandoquidem omnia ciborum & potuū genera comprehendit, cumque diuersis modis variari possit, nimirum pro loco, tempore, magnitudine, aliisque eiusmodi circumstantiis: nemo perfectum temperantia habitum assequetur, nisi circa istiusmodi materias & circumstantias plures actus elicerit.

Habitum virtutis perfectæ vt gignatur.

XXXXXXXXXXXXXXXXXXXX

QVÆSTIO IV.

Vtrum virtutes morales sint inter se connexæ?

C

ARTICVLVS I.

Argumenta partis negatiue.



ON excitamus quæstionem de virtutib. intellectuibus: quia certum est eas non necessariò connecti inter se; vt D. Tho. 1. 2. q. 65. art. 1. docet.

Cuius ratio est: quia non dependet à prudentia, cuius nexu, vt inferius planum fiet, inter se copulari debent. Item, quia versantur circa materias & obiecta, quæ inter se necessarium ordinem & coniunctionem non habent; vt patet in Mathematica & Theologia, varisque artium generibus. Est ergo proposita controuersia intelligenda de virtutibus moralibus: ita tamen, vt hoc nomine etiam prudentia, licet ad intellectum pertineat, comprehendatur. Aduertendum est autem, ex Arist. 7. Eth. c. 1. aliisque auctoribus, virtutem moralem in vno trium graduum obtineri posse: videlicet in gradu continentie, in gradu temperantia, in gradu heroico. In priori gradu obtinetur virtus, cum adhuc passionibus vehementer sunt, & ijs resistimus. In secundo, cum passionibus non ita sunt vehementes, sed pacatioribus. In tertio, cum iam ita cohibita ac reſrenatae sunt, vt ratio admodum & vix repugnent rationi. Alij hos gradus vocant incipientem, proficientem, perfectum.

E

Igitur de virtutib. in gradu heroico nulla est dubitatio: omnes enim fatentur, virtutes morales in gradu esse connexas, ita vt v. g. fortitudo perfectissima esse nequeat, absque aliarum virtutum societate. Nam cum omnes virtutes morales mutui sibi præſtent auxilium, & ab alijs perfectionem adiungant, cumque virtutes in gradu heroico omnem posulente excellentiam & abſolutionem, haud dubie necessariò inter se iugantur & coherentes erunt.

Triplex gradus virtutum moralium.

De quibus virtutibus proposita quæſtio intelligenda sit.

Nec item de virtutibus in gradu continentiae discipulatio est: constat enim, posse vnam absque aliis inueniri: quod ex eis etiam, quae paulo post dicemus, planius euadet. Quare de virtutibus duntaxat secundi gradus quaestio reliquitur.

Prima opinio.

Scotus in 3. dist. 36. quae. 1. art. 1. Gabriel ibid. Ochamus in 3. dist. 11. & 12. & quodl. 4. quael. 6. & Almainus tract. 3. cap. 7. arbitrantur, eiusmodi virtutes non esse inter se con-

1. arg.

nextas. Quae sententia his argumentis videtur ostendi: Virtutes morales acquiruntur exercitatione: sed constat multos exercere sese in materia quorundam virtutum, non verò aliarum; vt materia temperantiae, non autem fortitudinis: ergo ij non omnes, sed eas tantum virtutes, in quibus se exercent, comparabunt: Praeterea, constat multos non posse virtutes quasdam assequi: igitur non omnes inter se sunt coniunctae. Antecedens probatur; quia nemo nisi in magnis opibus exercet actum munificentiae; cum hæc virtus circa magnos sumptus versetur: igitur ij, quibus magnarum opum affluentia non suppetit, haudquaquam virtutem munificentiae assequuntur. Quare perspicuum videtur, non omnes virtutes etiam in gradu perfecto inter se coniungi.

2. arg.

CONCLUSIONES DE VIRTUTIBUS

ARTICVLVS II.

Concluditur pars affirmatiua quaestionis.

Secunda opinio, quae defenditur.

Contraria tamen sententia amplectenda est: quam secutus fuit D. Ambrosius 5. lib. in Lucam, explicans verba illa: *Beati pauperes spiritu*. D. Augustinus lib. 6. de Trinit. c. 4. & in epist. 29. quae est ad D. Hieron. D. Gregorius lib. 12. Moral. ca. 1. D. Hieronymus super Esaiam, cap. 16. & 56. & 1. lib. contra Pelag. Arist. 6. Ethic. cap. 12. & 13. Plato in Protagora, & in lib. de Regno, Chrysippus apud Plutarchum in lib. de Stoicorum contrarietate. Cicero lib. 2. Tuscul. quael. & lib. de Officiis. Item e Doctores scholasticis D. Thomas in 1. 2. q. 65. ar. 1. Caietanus ad eundem locum, Durandus in 3. dist. 33. q. 3. Capreolus in 3. dist. 36. q. 1. art. 1. Richardus eadem dist. quael. 1.

D. Th. in 3. d. 36. q. 1. ar. 1. & in dist. 3. q. de virtutibus card. ar. 2. 1. ratio.

Probatur verò hæc opinio in huc modum: Perfecta liberalitas cohibet appetitum pecuniae in omni euentu, aliqui non esset perfectior: sed hoc praestare non potest absque praesidio aliarum virtutum: igitur liberalitas perfecta requirit aliarum virtutum coniunctionem. Minor probatur: quia si cui, v.g. ex vna parte mors, ex alia pecunia proponatur, ad inferendam iniuriam patitur: certe nisi virtute fortitudinis munitus sit ad contemnendam mortem, & iustitiae ad non inferendam iniu-

riam, facile succumbet pecuniae cupiditati. Quare non potest liberalitas absque fortitudine & iustitia, similiterque absque aliis virtutibus inueniri.

2. Ratio.

Item: perfecta virtus moralis requirit perfectam prudentiam: atqui perfecta prudentia non potest esse absque aliis virtutibus: igitur omnes virtutes quasi communi vinculo prudentiae inter se copulae sunt. Maior patet, tum ex doctrina Aristotelis lib. 6. Ethic. vit. tum ex ipsa definitione virtutis, in qua virtus dicitur consilire in mediocritate, vt prudens definiat, hoc est, in mediocritate praescripta secundum regulas prudentiae. Quod verò ad vnam aliquam perfectam virtutem non sufficiat prudentia circa vnam materiam, sed perfecta & integra, atque adeo circa omnes, ex eo conuincitur: quia vt quis temperans sit, non sat est si recte iudicat in iis difficultatibus, quae ad temperantiae materiam spectant; sed oportet, vt in quauis re quae sese obtulerit recte sentiat, atque integram ferat iudicium; alioqui, ex affectu auaritia aut timiditatis iudicabit, imtemperatè agendum esse. Minor suadetur: quia similiter nisi prudens omnium virtutum ornamentis exculus sit, non potest ferre perfectum sanumque iudicium de rebus agendis; nec quid fugiendum aut amplectendum sit, vt oportet, decernere: cum liquidò constet, passionum impetus, nisi virtute cohibeantur, rationem excacare, rerumque aestimationem, sine qua prudentia nulla est, peruertere. Constat igitur, nec alias virtutes sine prudentia, nec prudentiam absque aliis virtutibus posse consistere.

D

Solent etiam quaeri, num vt omnes morales virtutes connexae sunt, ita omnes in eodem homine inter se aequales sint? Cui dubitationi breuiter occurrendum: si de perfectione essentiali loquamur, constare non esse omnes inter se aequales. cum ea, quae speciem distinguunt, disparem habeat essentialis perfectionem. Quod similiter pronunciandum erit de perfectione intensiua, quae per actuum repetitionem habitibus adueniat: cum planum sit, eundem hominem non aequè frequenter sese in omnibus exercere: virtutibus: ac proinde non omnium virtutum habitus aequè intendere. Si tamen fermo sit de perfectione, quam vnaquaeque virtus in eodem homine ex coniunctione & societate aliarum virtutum assequitur, dicendum erit, omnes virtutes hac consideratione aequè perfectas haberi: quoad quidem non minus perficitur fortitudo ex consortio temperantiae, quam iustitia ex consortio eiusdem: nec minus perficitur liberalitas ex consortio sobrietatis, quam alterius virtutis: similiterque res habet in ceteris, cum istiusmodi perfectio in singulis virtutibus ex coniunctione vniuersarum, & in vniuersis ex singularum copulatione efflorescat. Consule Durandum in 3. d. 36. quael. 5.

Quaestio.

E

ARTI

ARTICVLVS III.

QVÆSTIO V.

*Dissoluntur primi articuli
argumenta.**Vtrum in appetitu sensitiuo al-
quæ virtutes insint?*

ARTICVLVS I.

Sententia Scoti, & aliorum.

Sol. 1.

Argumenta, quibus ostendi videbatur, non omnes virtutes inter se colligatas esse, hunc in modum explicanda erunt. Ad primum dicendum: si quis se in materia vnius duntaxat virtutis, v.g. temperantiz, exercuerit, solam temperantiam consecuturum: non tamen perfectam, quousque ceteras virtutes comparet: cum sine earum præsidio nõ possit firmitatem & constantiam habere, ad seruandam in quolibet euentu moderationem. Adde, neminem posse diu in omnibus euentis temperatè viuere, nisi passiones, quæ proximè remouet temperantiam oppugnant, aliarum virtutum actionibus cohibeat: atque adeo quoniam simul virtutes alias adipiscatur.

Sol. 2.

Ad secundum respondendum est, cum D. Thoma in 1.2.q.65.art.1. Durando in 3.d.36.q.3: & Capreolo loco cit. virtutù moralium quasdam perficere hominem secundum communem vitæ statum, id est, quoad ea, quæ passim & communiter agenda occurrunt: cuiusmodi sunt fortitudo, iustitia, liberalitas, abstinentia, ceteræque huiusmodi: alias hominem perficere secundum aliquem eminentem statum; & ad quasdam præclara munia obeunda: cuiusmodi sunt magnanimitas quæ in magnis honoribus, & magnificentia quæ in magnis sumptibus versatur. Igitur virtutes prioris generis sic inter se colligatz sunt, vt nemo vnâ perfectè sine aliis obtinere queat: virtutes verò posterioris generis non oportet, vt actu habeat is, qui reliquis omnibus sit præditus; obrinet tamen eas in potentia propinqua, & animi præparatione. Nam qui in mediocri pecunia ita se gessit, vt liberalitatem seruauit, is si ad magnam rerum affluentiam & abundantiam venerit, faciliè magnificentiam consequetur. Item, qui in mediocribus honoribus sese modeste exhibuit, cum ad maximos euentus fuerit, faciliè magnanimitatem comparabit. Quare cum id, ad quod proximam obtinemus dispositionem, iam habere dicamur: iuxta illud Aristotelis 2. Phys. cap. 5. textu 56. *Quod parum abesse nihil abesse propemodum videtur*; sit, vt non sit absolutè negandum, etiam magnificentiam & magnanimitatem cum reliquis virtutibus copulatas esse.

* *

B

PROPOSITA questio non de omni virtute morali, sed de sola temperantia & fortitudine excitari solet. Nam quod iustitia in voluntate hæreat, communis est Philosophorum & Theologorum consensus. Scotus in 3. d. 33. q. 1. dgo statuit pronunciati. Alteru est: fortitudinem & temperantiam, vt proprie ac simpliciter virtutes morales sunt, resistere in voluntate. Alterum: dari in appetitu tam irascibili, quam concupiscibili, aliquos habitus, quibus circa fortitudinē & temperantiā materiā rectè afficiantur; qui tamen habitus ad virtutis dignitatem non pertingant. Scoto asseruntur non eius tantum discipuli, sed plerique alij: vt Gabriel in 3. d. 23. q. 1. & d. 33. q. 1. Ochamus in 3. q. 10. & 11. & quodl. 2. q. 16. Almainus Moral. tract. 3. cap. 6. Buridanus 1. Ethic. vlt.

D

Primum pronunciatum hisce argumentis ostenditur. Virtutes morales insunt in ea potentia, ad quam pertinet electio & libertas: cum virtus moralis definiatur habitus electiuus, & eius bonitas in actione duntaxat libera inueniatur: atqui electio est actus voluntatis, non appetitus sensitiuus, & voluntarij actiōes propriæ ac simpliciter libere sunt; non autem quæ ab appetitu sensitiuo exercentur: igitur virtutes morales non in appetitu, sed in voluntate hærent. Secundo: Negari non potest, nos à voluntate elicere actus circa materiā temperantiæ & fortitudinis; vt cum moderatum cibum eligimus, cum, etiam repugnante appetitu, constanter dolores perferimus, & pericula adimus: igitur per istiusmodi actus gignuntur in voluntate habitus fortitudinis & temperantiæ. Tertiò: Voluntas eget harum virtutum habitibus: sed, vt proximè ostensum fuit, potest eos suis actiōibus comparare: non est ergo cur negemus inesse illos voluntati. Maior suadetur: quia voluntas magnam experitur difficultatem in amplectendo bono contra passionum impetus: adeo vt ijs non alliciatu solum, sed interdum quasi inuita rapiatur: iuxta illud Iacob. 2. *Vnusquisque tentatur, à concupiscentia sua abstractus & ilectus*.

F

Alterum Scoti pronunciatum ex eo ostenditur: quia ad cohibendas effrenatas apperitiones vtriusque appetitus, tam irascendi, quam concupiscendi, ne rationem turbent, voluntatēque ad se trahant, opus est habiti-

F 2

Sol.

est per eiusmodi actus non gigni in voluntate temperantiam aut fortitudinem, cum voluntas iis habitibus non egeat, ut paulò antè exposuimus. Ad tertiam dicendum: esto in bono rationis contra insurgentes passionum imperus tuendo amplectendoque difficultatem sentiamus, eam tamen difficultatem non ex ipsa voluntate, sed ex appetitu sensitivo provenire: ad quam propullandam fat est, appetitum operà beneficioque virtutum rectè disponi ac mitigari. Fatetur tamen Aristoteles lib. 7. Eth. dum appetitus prædicio virtutum communis, non est, egerè voluntatem ad repugnandum effrenatis passionum motibus qualitate quadam, quæ *Continentia* dicitur: quæ tamen qualitas non mereatur absolute virtutis nomen (et si ad habitus studiosos pertineat) quia non tam voluntatem firmat & corroborat, ut passiones oppugnet ac vincat; quàm ut ne ab illis capiatur, sed in arce rationis sese contineat (vnde & continentie nomen habet) tñ præterea, quia nō reddit voluntatē simpliciter expeditā promptāque ad actiones studiosas (quod virtutis proprium est) cum se tantum exerceat & in actum prodeat, dum in appetitu vehementes passionum motus oriuntur, quibus voluntas difficile resistit: iis enim postea virtutum habitu edomit & cohibitis, nullus iam est continentie usus, sed illos iam multò languidiores voluntas ipsa per se retardat.

Ex his patet, quid respondendum sit ad eam rationem, qua secundum aduersariæ sententiæ pronuntiatum nitebatur. Nec enim voluntati necessarij sunt habitus virtutum in ea insidentes, ad resfrēndos motus appetitus sensitivi: & habitus, quos in eodem appetitu ad hoc munus præstandum constituimus, propriè virtutes sunt.

Ex dictis facili quivis intelliget, cum in Angelis non sint appetitus sensitivi, nō competere eis habitum fortitudinis aut temperantiz: etsi contrarium admitti posse dicat Scorus, in 3. distinct. 33. quæst. unica. Quod si quis obiciat: Angelum oblato temperantiz aut fortitudinis obiecto posse rectè eligere quid esset acturus, & ex hisce electionibus repetitis debere talium virtutum habitus comparare. Occurrendum erit, eiusmodi conditionatas electiones (quas quidam in Angelis dari negant) se dentur, non fat esse ad generandos earum virtutum habitus, qui non nisi per actus sibi proprios gignuntur: verò elici nequeunt, ubi deest ipsorum materia, ratioque obiectiva in ordine ad subiectum quod operatur: constat autem deesse respectu angelorum.

Non proinde tamen desinent in beatis esse post resurrectionem prædicti habitus: esto in eo statum non iam possint insurgere immoderate passiones, quarum impetum debeant cohibere; fat enim est, convenire eis appeti-

tum sensitivum, nec alienam esse ab eorum natura materiam rationemque formalem: talium virtutum, nec earum possessionem dedicere felicem illam vitam omnibus bonis cumulatam: quin potius ad illius perfectionem magno opere requiri, cum vnum è prioribus appetituum ornamentis sint virtutes. Quapropter erunt in beatis reliqui etiam habitus moralium virtutum; nec ij tantum, quorum actus ibi exerceri poterunt, sed etiam reliqui omnes: ante resurrectionem quidem illi, qui in animo hærent; postea verò tum hi, tum reliqui; qui in appetitu sensitivo insident. In quam sententiam lege quæ scripsit D. Augustinus lib. 14. de Trinit. cap. 9. Beda ad ca. 16. Exodi. Magister. Sent. in 3. dist. 33.

In beatis erunt habitus moralium virtutum.

QUESTIO VI.

QUESTIO VI.

Sit ne apta virtutum divisio, an-non?

ARTICVLVS I.

De divisione virtutum in intellectuales & morales.



MISSA opinione Menedemi Erithiensis, Aristochij, & Zenonis Citrici, qui vnam tantum virtutem esse contendebant, variz multiplicæque virtutum non solo nomine, sed naturæ etiam differentium sectiones traditæ à Philosophis funnebat Aristotele passim in libris de doct. Moral. à Platone in 4. lib. de Repub. ab Alcino in lib. de eius doct. Plotino in lib. de Virtut. cap. 3. Iamblichio in lib. de Myster. Egypt. Porphyrio in lib. de occas. Theage Pythagoreo in lib. de Virtut. Macrobio in lib. de Somn. Scip. Item à scholasticis Theologiz professoribus in 2. dist. 7.

Primum igitur virtus, ut iam suprè attigimus, in commune sumpta, distribuitur in Intellectuales & Morales: docente Aristotele 2. Eth. cap. 1. Virtutes intellectuales sunt, quæ in intellectu inhereant: morales, quæ in appetitu sedem obtinent. Rursus, virtutum intellectualium aliz sunt contemplativæ, aliz practicæ. Contemplativæ, quæ in contemplatione & cognitione veritatis posite sunt, neque praxiori respiciunt. Practicæ, quæ praxim præstant, & in opus incumbunt.

Contemplativæ sunt tres, ut Aristoteles Leges A. 18. tradit 6. Ethic. cap. 3. Intellectus, Scientia, & Sapientia, intellectus est habitus contemplativus, quo quis inclinatur ad assensivum formiter & in evidentem primū principium: cuiusmodi sunt hæc: Omne totum est maius sua parte: Si ab æqualibus demas æqualia, quæ remanent

Leges A. 18. 6. Eth. ca. 3. 6. 11. & 11. Metaph. ca. 1. & 1. mag. Met. ca. 35.

æqualia sunt. Scientia, ut à sapientia distinguitur, est habitus contemplativus, quo quis inclinatur ad assentiendum firmiter evidentique necessariis conclusionibus, non tamen per supremas causas. Denique Sapientia est habitus contemplativus, quo quis inclinatur ad assentiendum conclusionibus necessariis per primas & supremas causas: qualis est prima Philosophia.

Arist. 6. Ethic. c. 6. D.
Th. 1. p. qu.
79. art. 12.

Practica tres numerantur: nempe Synderesis, prudentia, & ars. Synderesis est habitus practicus, quo quisque redditur propensus ad assentiendum primis & communissimis principis moralibus: quale est illud: Bonum amplectendum est, malum vitandum. Item illud: Quod tibi vis, alteri facis. quod tibi non vis, alteri ne facias. Prudentia est recta ratio agibilium: id est, actuum humanorum in nobis immanentium. Licet enim prudentia etiam externos actus regat, circa internos tamen, unde externi inaniunt, præcipue versatur. Ars est recta ratio factibilium. Factibilia verò appellantur, quæ sunt per actionem transeuntem in externam materiam: ut domus. Accipitur autem hic ars præse: alioqui etiam scientiæ, tam contemplatiuæ, quam practicæ, artis nomine comprehenduntur.

Lege Arist.
lib. 1. magn.
Moral. c. 5.

Quod ad virtutes morales spectat, dicitur virtus moralis à more, prout mos naturalem, vel quodammodo naturalem inclinationem ad aliquid agendum significat: talem enim inclinationem potentias conferunt habitus virtutum moralium, quibus peculiaris est habitusmodi ad actum propensio, quatenus facultas appetens, in qua inhaerent, alias potentias ad agendum mouet: ut explicat D. Thomas in 1. 2. quæst. 1. art. 1. rum verò, quia appetitus ita in rem desideratam propendet, ut in eam quasi extra se feratur, atque adeo peculiari modo in eam inclinetur.

Triplex appetitus.

Porrò quemadmodum facultas appetens est triplex: voluntas, appetitus concupiscendi, & appetitus irascitæ ad has animi facultates in officio continendas ornandæque tres oportet dari morales virtutes: iustitiam in voluntate, temperantiam in appetitu concupiscendi, fortitudinem in appetitu iræ. Quod si nomen virtutis moralis laxiori significato vsuperetur, hæc tribus annoveranda erit Prudentia: licet non in appetitum in intellectu inhaereat. Iure autem illis annoveratur, quod earum regula sit, & ad eius normam præscriptionemque suos actus componant appetitus, quoties ex illarum trium virtutum habitu operantur. Tum quod perfectio prudentiæ non absoluitur intra fines intellectus, antequam rectitudo in appetitu inæstibatur: quidquid in aduersam partem scripserit Scotus in 3. dist. 36. quæst. 1. Dicuntur autem hæc quatuor virtutes Cardinales: quo nomine eas appellauit D. Ambrosius ad cap. 6. Luca, & D. Hieronymus ad cap. 1. Matthæi: propterea quod virescentes cardinibus, sic illis omnis mo-

Quatuor virtutes cardinales.

ralis vitæ honestas & sanctitas fulciatur. Lege etiam D. Ambrosium in lib. de Parad. ca. 3. D. Augustinum lib. 13. de Ciuit. Dei, cap. 21. D. Gregorium lib. 2. Moral. ca. 36. & Philonem li. 1. Allegor. ubi quatuor Paradisi fluminibus totam terram intersecantibus comparat has quatuor virtutes, quæ vberimis fluentis honestarum actionum vitam nostram irrigant.

His quæ diximus non obstat, quod D. Augustinus in lib. de Moribus Eccles. cap. 15. affirmat, quatuor virtutes morales nihil esse aliud, nisi amorē recte compositum: nec quod lib. 15. de Ciuit. Dei, cap. 12. docet, veram virtutem esse ordinem amoris: quibus verbis omnes virtutes in appetitu, ad quem amor pertinet, videtur constitui. Nec enim aliud indicat, quam virtutem præstare, ut recte amemus: siquidem quisquis virtutum præsidio septus est, & ex earum regula agit, nihil præposterè aut inordinatè expetit.

Remota obicit.

ARTICVLVS II.

De virtutis distributione in acquisitam & infusam.

Soleat etiam virtus latè accepta in Acquisitam & Infusam diuidi. Virtus acquisita, est qua nostris actibus comparatur. Infusa, qua non acquiritur nostris actibus, sed à Deo infunditur. Sciendum verò est, ex D. Thoma in 1. 2. quæst. 51. art. 4. dupliciter habitus dici infusos: per se, vel per accidens. Etenim qui nostris actibus acquiri possunt, & tamen diuinitus tribuntur, per accidens infusi vocantur; cuiusmodi fuit scientia Adamo, & Salomoni munere celesti concessa: qui verò non aliter, quam diuina infusione adipisci queunt, infusi per se dicuntur, ut gratia.

Versatur autem in disceptatione, vtram aliquæ sint virtutes morales per se infusæ. Negat Durandus in 3. dist. 33. quæst. 6. Argenti-nas eadem dist. quæst. 1. art. 1. Ochamus in 4. quæst. 3. artic. 3. in eandemque partem magis inclinat Scotus in 3. dist. 36. quæst. 1. artic. 3. Oppositum tamen asserendum est cum D. Thoma in 1. 2. quæst. 63. art. 3. Caietano ibid. Capreolo in 3. dist. 33. quæst. 1. aliisque compluribus. Cuius sententiæ veritas paucis concludi potest, hunc in modum: Virtutes morales acquisitæ versantur circa medium, per comparisonem ad rectam rationem regulamque humanam, & in ordine ad vltimum finem naturalem. Atqui in ordine ad supernaturalem finem & secundum diuinam regulam, scilicet medium aliter statui oportet (multa enim sunt respectu beatitudinis supernaturalis: quæ non ita ferent, si naturalis duntaxat beatitudinis ratio haberetur.) Igitur

Dari virtutes morales per se infusas.

tur necessitudo præter virtutes morales acquiras, quæ cum naturali fine regulæque humana proportionem habent, dandæ erunt aliæ virtutes infusæ ab ijs specie distinctæ, quæ supernaturali beatitudinis & diuinæ regulæ apte congruent, &que respondeant.

Id est in argumēto aduersarij.

Nec satisfaciunt aduersarij, dum inquirunt, ad hoc præstandum sat esse charitatem infusam, à qua virtutum actus imperentur; & lumen fidei, quod ostendat quoniam pacto ij elici debeant; vt ad supernaturalem finem accommodati sint. Etenim virtutes Theolo-

gicæ, cum habeant Deum pro obiecto, ordinant hominem ad beatitudinem: respectu Dei immediatè; non autem respectu aliorum obiectorum, quæ ad eandem beatitudinem referri oportet. Quare ponendæ erunt aliæ virtutes eiusdem ordinis cum charitate & fide, proindeque infusæ: quibus homo tanquam idoneis & perfectis instrumentis vtatur, & pro dignitate priuatiim atque ex officio in supernaturalem beatitudinem ordinetur.



DISPVTATIO OCTAUA.

DE PRVDENTIA.

DISPVTATIO OCTAUA.

QVÆSTIO I.

Vtrum Prudentia rectè ab Aristotele definita sit?

ARTICVLVS I.

Approbat, particulatimque exponitur definitio Prudentie.



Non de singulis virtutibus moralibus differendum est: ac primum de Prudentia, quæ inter eas principem locum obtinet; tum quia residet in intellectu, qui appetitui nobilior est; tum quia ceteras regit. Vnde D. Gregorius lib. 1. in Ezech. homil. 12. docet, alias virtutes, nisi quæ agunt prudentem agant, virtutes esse nequaquam posse: & Plato virtutes omnes ad prudentiam reuocabat, illasque sine huius præsidio quasi Dædali statuas solutas, fugaces, & instabiles esse aiebat. Disputat autem de prudentia Aristoteles 6. Eth. c. 5. D. Augustinus cap. 4. Plutarchus in li. de Fortuna. Cicero lib. 5. de Fin. D. Thomas in 1. 2. q. 47.

Secundum fr. 3. & 4.

Alii pr-

Igitur prudentiam; communi Philosopho-

B tum assensu hunc in modum definit Aristoteles lib. 6. Eth. cor. cap. 5. *Prudentia est habitus agendi vera cum ratione circa ea, quæ homini bona aut mala sunt.* Dicitur habitus vera agendi, id est, verus: vt reiciantur non solum habitus perpetuo falsi, cuiusmodi est error; sed etiam ij, qui interdum in falsitate incurrunt, vt opinio & suspicio. Dicitur agendi, id est, ad actionem dirigens; vt excludatur non modò habitus contemplatiui, v.g. scientia & sapientia, qui sola inspectione veritatis contenti sunt, nec ad actionem praxiue dirigunt, sed etiam ars, quæ licet habitus verus sit, non est tamen habitus agendi, id est, ex eorum numero, qui in interna actione versantur (sic enim actio eo loco sumi debet) sed faciendi, hoc est, qui in effectatione siue externum opus incumbunt. Additur, circa ea quæ homini bona vel mala sunt: vt remoueantur nonnulli habitus, qui licet verè sint, & immanentes actiones præcipue spectent; non tamè humanarum actionum probitate curant, vt Diialectica, id enim prudentiæ munus est, utpote quæ rectè viuendi rationem tradit, & quid fugiendum amplectendumve sit prescribit.

A superiori definitione nihil re ipsa differt ea, quam proxima quæstione attulimus ex D. Thome in 1. 2. q. 47. art. 5. videlicet, *prudentia est recta ratio agibilium: seu habitus verus, agibilia, id est, immanentes: vita humana actiones, dirigens.* Quoniam verò de iis quæ agenda sunt rectè iudicare nemo potest, nisi circa ea probè affectus sit, vt alibi hoc opere monuimus: constat, prudentiæ dictamina requirere proba volu-

dentia definitiones tra-
dit D. Aug.
1. li. de Lib.
arb. c. 13. &
lib. 83. qua.
931. D.
Hier. ad 1. r.
ep. ad Eph.

*Moralis
Philosophia
cur non sit
perfecta vir-
tus.*

voluntatis affectionem. Ideoque cum prudentia dicitur recta ratio, non intellectus solum, sed voluntas etiam rectitudo significatur. Quam tamen rectitudinem voluntatis non exigit moralis philosophia. Vnde est, quod habentem non simpliciter bonum facit, proindeque nec perfectam virtutis rationem obtinet, ut prudentia.

XXXXXXXXXXXXXXXXXXXX

ARTICVLVS II.

Qua ratione intelligendum sit, prudentia non subesse falsum.

Duplex veritas.

I VRE tamen quaesierit aliquis, quonam modo Prudentia dicatur ab Aristotele habitus agendi vera cum ratione, si versatur circa contingentia, quae, ut faupe natura in utramque partem cadunt, ita iudicium intellectus fallere possunt. Pro explicatione huiusce difficultatis aduertendum est: quemadmodum intellectus diuiditur in speculatiuum & practicum, ut ex Aristotele 3. de Anima cap. 10. tex. 49. docuit S. Thomas 1. part. quaest. 79. art. 11. ita duplicem esse veritatem, alteram speculatiuam, alteram practicam. Prior spectatur penes conformitatem cognitionis, siue intellectus cognoscentis ad rem cognitam: de eaque intelligitur illud Aristotelis in lib. 1. Peri herm. cap. 8. *quia res est aut non est, ideo enunciatum vera est aut falsa*. Posterior autem, ut ad praesentem locum spectat, consistit in adaequatione rationis ad appetitum rectum: ut constat ex ijs, quae tradit etiam Aristoteles lib. 6. Eth. cap. 2. Quam appetitus rectitudinem virtutes in eo residentes praestant. Ex hac duplici veritatis notione sit, ut nullus habitus speculatiuus sit absolute verus; nisi circa obiectum necessarium, & quod aliter se habere non possit, versetur: cum eius veritas à collatione obiecti dependeat. Practicus vero, quamuis tendat in obiectum contingens, possit nihilominus esse veritati consentaneus, si recto appetitui adaequetur; quicquid sit de conformitate ad obiectum secundum se & ex sua natura spectatum.

Veritas circa quam versatur prudentia.

Hinc non difficile iam erit perspicere, cur prudentia circa verum perpetuo insit, neque vnaquam erret. Nam cum supponat voluntatis rectitudinem, oportet eius actum esse verum practice, prius habet ordinem ad voluntatem rectam, cui conformatur; et in obiectum contingens tendat: atque adeo speculatiue falsus deprehendi possit. Vnde quod mediocritas, quae temperantia requirit, sit in hac aut illa cibi quantitate, ex accidente est; cum in maiori aut minori, pro ratione circumstantiarum, seruari queat: si iam hae definita quantitas sit recto appetitui confor-

A mis, utique certum est iudicium, quo intellectus eam quantitatem esse medioerem, atque adeo eligendam praescribit; esto contingat, speculatiue falsum esse, ob aliquem errorem circa culpam iudicantis.

XXXXXXXXXXXXXXXXXXXX

QVÆSTIO II.

B Vtrum actus prudentiae eiusque partes recte tradantur?

ARTICVLVS I.

De actibus prudentiae.

I N hac dubitatione sciendum primò est; prudentiam non praestituere finem virtutibus moralibus: id enim pertinet ad naturalem rationem & synderesim; quae se habet ad prudentiam, ut intellectus principiorum ad scientiam. Itaque prudentiae munus est per se de medijs tantum, seu de ijs quae ad finem sunt, disponere: dirigendo nimirum alias virtutes morales circa media, ad earum finem obtinendos accommodata: ut docet Aristoteles lib. 6. Eth. c. 13. & D. Thom. in 2. 2. q. 47. art. 6. vbi lege Caeteranum, & Scoto pro D. Thoma respondentem.

E Sunt autem tres actus ad prudentiam spectantes: ut docet Aristot. 6. Eth. cap. 9. & 10. Quorum primus est, consultare & inquirere media: constituto enim fine, ad quem quis obtinendum animum applicat, mouet voluntas intellectum, ut inuelliget media ad illum assequendum idonea. Secundus est, iudicare quanam & medijs inuenitis ad finem adipiscendum magis conducant. Tertius, praecipere siue imperare, ut ea quae iudicata sunt perficiantur: qui est actus rationis siue intellectus, dirigentis mouentisque voluntatem ad executionem.

Quod vespantius intelligas, aduerte, facta medijs inquisitione ac iudicio, & consentiente voluntate efficaciterque eligente medium illud, quod ad finem consequendum magis conducere visum est, intellectum interna quadam locutione denunciat atque intimare quid agendum sit. Itaque imperium consistit in hac denunciatione & intimatione, qua intellectus voluntatem eius, cui imperat ad agendum permouet. Vbi cernis ad imperium praeterquiri voluntatis consensum & efficacem electionem: rursusque ab intellectu excitari voluntatem, vi huiusce consensus & electionis: nisi enim voluntas medium eligeret, nequaquam intellectus ad agendum impelleret.

Tres actus ad prudentiam.

Imperium quid sit.

Est autem imperium actus ipsi prudentiæ peculiariter conueniens, vt progressu patebit, in quo ratio legis constituit quicquid in contrariam partem nonnulli asseruerint, existimantes legem non ad intellectum, sed ad voluntatem pertinere. Quorum opinio ex eo breuiter confutatur: quia quantumlibet princeps aliquid à subditis fieri velit, etiam si de eius voluntate constet, non habet ea voluntas vim legis, nec ad eam implendam ciues astringuntur, nisi deinde accedat præceptio illa, quæ per intellectum fit. Item quia lex est formaliter directio & regula: dirigere verò pertinet ad intellectum: vt constat ex doctrina Arist. 10. Eth. cap. 9.

Quod si quis obiciat, legem Diuinam naturalem esse verè legem, & tamen antecedere omnem actum voluntatis Diuinæ; quemadmodum & scientia naturalis Dei, consideratione nostra, est prior omni actu Diuinæ voluntatis: quare aut legem non consistere in imperio, aut imperium non supponere actum voluntatis. Occurrendum erit, cum in illo imperio legem constituimus, non loqui nos de lege naturali, quæ talis est; sed de lege positiua. Re enim verà quamuis Deus non præciperet ne quis mentiretur, quisque nostrum teneretur mendacium fugere, quia id suapte natura & intrinseca ratione malum est: non teneretur tamen lechalia peccata confessione expiare, nisi id Deus præciperet. Itaque si legis nomen accipitur, prout tantum significat regulam seu mensuram actionis alicuius, ad quam operans teneretur sese conformare, tunc etiam diuina iuris naturalis, etsi nullum actum voluntatis aut intimationem supponant, leges dicuntur: non tamen si lex sumatur minus latè; sic enim consistit in illo imperio, quod diximus. Verum vtrolibet modo lex sumatur, semper est actus prudentiæ, atque inter cæteros præcipua dignitate emittens.

A potestatem in se cohibent; quemadmodum singulæ partes animi potentiales, vt intellectus & voluntas, non includunt in se totam animi vim & facultatem.

Igitur partes integrantes prudentiæ octo numerantur à D. Thoma in qu. 2. 2. 48. videlicet: *memoria, intelligentia, docilitas, solertia, ratio, prudentia, circumspectio, & cautio*. Quarum quinque priores spectant ad prudentiam, vt est habitus cognoscendi, res autem posteriores ad eandem pertinent, quatenus præcipit applicando cognitionem ad opus. Cuius diuersitatis ratio est, quia circa cognitionem tria consideranda occurrunt. Primo ipsa cognitio: quæ si præteritorum fit, dicitur *memoria*; si præsentium, siue ea sint cōtingentia, siue necessaria, vocatur *intelligentia intellectus*. Non accipitur verò tunc intellectus pro ipsa potentia, intelligendi præcisè; sed prout importat rectam assimilationem alicuius principij morales, à quo progressus rectæ rationis agibilem, id est, prudentiæ deriuatur. Secundo occurrit ipsa cognitionis acquisitionis: quæ vel fit per disciplinam; & ad hoc spectat *docilitas*, quæ quis redditur pronus ac facilis ad audiendas aliorum sententias (opottet enim prudentem virum, vt rectè iudicet, expertorum & antiquorum audire sententias) vel fit per inuentionem; ad quod pertinet *solertia*, cuius est repentina mediocri excogitatio. Tertiò expendi potest vsus cognitionis, quo mens ex quibusdam antea cognitis ad alia cognoscenda iudicandæ progreditur, quod est officium *rationis*; quam ad prudenter agendum aptè dispositam expeditamve esse oportet. Et verò hæc, vt rectè præcipiatur, tribus indiget, nimirum *prudentia, circumspectio, & cautio*. *Prudentia*, vt res futuras ad finem accommodatè disponat & ordinet: *circumspectio*, vt negotiorum circumstantias cautè diligenterque attendat: *cautio*, vt impedimenta, quæ accidere possunt, declinet ac remoueat.

ARTICVLVS II.

De partibus prudentiæ, quæ integrantes vocantur.

Tria partium genera in virtutibus.

QVod ad Prudentiæ partes attinet, sciendum ordinariè in qualibet virtute tria partium genera inueniri: nempe *Integrantes, subiectas, & potentiales*. *Integrantes partes* dicuntur, non quòd virtutem ipsam integrent & component: sed quòd ad perfectum illius actum omnes eas concurrere oporteat. *Partes subiectæ* virtutis appellantur, quæ sub ea continentur, quo etiam pacto homo dicitur pars subiecta animati. *Potentiales partes* dicuntur virtutes adiunctæ, quæ ideo potentiales nuncupantur, quia non totam principalis virtutis

ARTICVLVS III.

De partibus subiectis & potentialibus Prudentiæ.

QVemadmodum agibile in commune latè pater, & in varias distribuitur species: ita & Prudentia, quæ circa illud versatur. Hinc prudentia in commune varias partes subiectas cohibet, quarum potiores sunt quinque: nimirum *prudentia solitaria, æconomica, militaris, regalis, politica*. Nam vel quis sese prudenter gerit erga se ipsum tantum: & hæc prudentia

dicitur *solaria*. Vel circa multitudinem gubernandam. Quæ quidem multitudo aut ab eo dirigitur ad aliquod speciale negotium pro certo tempore, ut multitudo militum ad bellum: in hac gubernanda versatur *prudencia militaris*. Aut ea multitudo sub eo regimine toto vitæ tempore duratura est: quæ si sit familia, prudentia quæ ad hanc regendam constituitur, dicitur *Oeconomica*: si autem sit Respublica; in Principe vocatur *regalis* ad subditos gubernandos: in ipsiis verò subditis dicitur *politica*, quæ prudenter se gerunt Principi obtemperando, communis boni gratiâ. Sed, ut subditis erga Principem, ita & in aliis erga eos à quibus reguntur, sua etiam prudentia necessaria est.

Partes autem potentiales prudentiæ sunt

A Eubulia, Synesis, & Gnomo. Nam quemadmodum tres sunt actus prudentiæ, ut superius diximus, videlicet inquisitio mediocrum, iudicium de mediis inuentis, præceptio siue imperium, ut ea quæ iudicata sunt efficiantur in quorum ultimo prudentiæ vis maxime elucet: ita ad hæc tria faciliè exacteque præstanda tres sunt habitus nimirum ad media accommodata faciliè inuenienda, *Eubulia*: ad bene iudicandum de iis, quæ lege aliqua definita sunt, *Synesis*: ad ferendum vero iudicium de iis, quæ non sunt lege aliqua determinata, & tamen in praxin veniunt, in quibus maior occurrit difficultas,

Gnomo.



DISPUTATIO NONA, DE CÆTERIS VIRTUTIBVS MORALIBVS.

QVÆSTIO I.

De Iustitia.

ARTICVLVS I.

Quid sit Iustitia.

INTER Virtutes simpliciter morales principem locum obtinet Iustitia, tum ratione subiecti, tum ratione obiecti. Ratione subiecti, quia cum reliquis morales virtutes appetitui sensitivo inhæreant, ut eius perturbationes morderentur & cohiberentur: ipsa in appetitu rationali, hoc est, in voluntate insidet: ut tradit Aristoteles 5. Eth. cap. 1. Ratione obiecti, quia alia virtutes morales versantur per se duntaxat & ex proprio instituto circa bonum eius in quo sunt: at secundum Iustitiam habet se quisque bene etiam erga alios, æqualitatem eis præstans; unde & Iustitia *bonum alterius* dicitur ab Aristotele locutur: virtutes autem, quæ aliis honestissimæ sunt, præstantissimæ habentur, ut idem asserit in 1. lib. Rhet. cap. 9.

Definitur verò Iustitia hunc in modum *Iustitia est virtus: quæ suum cuique ius tribuit.*

C Porro Ius, docente Aristotele 5. li. Eth. cap. 2. nihil est aliud, quàm iustum & rectum: quod quidem in duo membra diuiditur: nempe in naturale, & positium seu legitimum. *Ius naturale*, ut definit Aristoteles 5. Eth. cap. 7. est, quod ubique eandem vim obtinet: & non quia videtur vel non videtur, seu quod ubique natura sua necessarium est: & non quia alicuius arbitrio iudiciòve statuitur: quale est *ut innocens non occidatur*, *Ius positium seu legitimum est*, quod quâ tale, non ex ipsa natura, sed ex aliqua institutione pendet: ut quod *frumentum tanto precio vendatur*. De alia iuris distributione, in ius civile & gentium, herile, familiare, paternum, & dominatum, aliisque eiusmodi, consule Arist. lib. 5. Eth. c. 6. & 7. D. Thom. in 2. 2. quæst. 17. Dicitur ergo Iustitia suum cuique ius reddere, quia Iustitiæ munus est, ius & æquum servare. Vlpianus ff. de Iustitia & iure, vberioribus verbis Iustitiæ naturam explicans: *Iustitia*, inquit, *est consuetudo*

Ius gentium.

Tres virtutum conditiones.

perpetua voluntas ius suum unicuique tribuendi. In qua definitione tres conditiones omni virtuti communes posite ab Aristotele lib. 2. Eth. cap. 4. traduntur: nimirum ut *sciens quis agat*, ut *ex electione*, ut *perpetua* seu constanter in actione studiosa versetur. Cum ergo Iuriconsultus ait, *iustitia est voluntas*, &c. hoc est, *habitus*, quo quis perpetua & constanter voluntate ius suum cuique tribuit: indicat in primis, iustitiam inherere in voluntate: deinde eius actum scienter administrari, quia quod quis ignorans facit, voluntarium non est: item firmo stabilique animo exerceri: & denique ex electione propter honestum finem, cum concessum sit unicuique suum tribuere.



ARTICVLVS II.

De partibus integritatis & subiectis iustitiæ.

Partes integritatis.

PRIUS de hisce Iustitiæ partibus, quam eius actibus agemus: propterea quod hi absque illorum perceptione commodè explicari nequeant. Partes integritatis iustitiæ, si generatim loquamur, duæ sunt: ut tradit D. Thomas in 1. 2. quæst. 79. art. 1. nempe *facere bonum*, & *declinare à malo*. Vbi tamen bonum & malum non in ea amplitudine sumi debent, qua omnibus competunt virtutibus: (nam virtutes vniuersæ id commune habent, ut bonum rectè quique amplectantur, & malum effugiant) sed eo pacto sunt accipienda, ut bonum idem sit atque alteri debitum, malum verò idem quod alteri noxium aut incommodum est. Itaque facere bonum, ut est pars iustitiæ, est æqualitatem seruare in iis, quæ ad alterum spectant: declinare autem à malo, est æqualitatem non contempnere.

Partes subiectæ.

Quod ad partes iustitiæ subiectas attinet, distribuitur primum iustitia in *generalem* & *particularem*: ex doctrina Iuriconsultorum, & Arist. lib. 5. Eth. cap. 1. & lib. 3. Polit. cap. 5. & D. Chrysostomi homil. 1. in Matth. *Iustitia generalis*, quæ etiam *legalis* dicitur, est, quæ *quis iuste se habet circa bonum commune Principis, vel Reipub.* Quod Aristoteles cit. loco vocat iustum legitimum & legale, utpote quod leges præcipue intendunt, cum boni communis gratia sanciantur. *Iustitia particularis* est, quæ *quis iuste se habet circa bonum particulare alterius.*

Rursum diuiditur iustitia in *distributiuam* & *commutatiuam*. Distributiuæ est, quæ *in rectè distribuendo versatur*. Hæc autem in duo membra secatur, in *remuneratiuam*, & *punitiuam*. Remuneratiuæ est, quæ iubet honores, magistratus, munera, & beneficia, aliâque id genus, pro cuiusque dignitate & meritis, secundum Geometri-

cam proportionem dispensare. Punitiuæ est, quæ *similiter nocentem, ut par est, sitis poenæ efficitur*. De hisce præ Commutatiuæ iustitiæ est, quæ *quis rectè se habet in commutatiuâ*, iurum: quæ rectè distribuendo secundum Arithmetice præportione. Ad hanc pertinent contractus, emptiones, venditiones, locationes, restitutiones, aliæque eiusmodi.



ARTICVLVS III.

De actibus iustitiæ commutatiuæ.

OMISSIS actibus distributiuæ iustitiæ, propterea quod nulla ferè in eis dignoscendis sit difficultas. Commutatiuæ duodecim potissimum actus numerantur. Primus est *emptio*. Secundus *venditio*. Tertius *usus fructus*: quo quidem dicitur quis habere ius utendi ac fruendi rebus alicuius, *salua parui substantia*, ut habetur ff. de usu & iustit. cod. tit. ut qui habet usumfructum agri vel horri, potest non solum fructus edere, sed etiam vendere, & agrum vel hortum alteri locare. Quartus est *nudus usus*, quo quis habet ius utendi rebus alienis *salua earum substantia*, non tamen fruendi. Itaque, ut habetur Infit. de Usu & habit. minus iuris est in usu, quam in usufructu. Namque ille uti dicitur, cui tantum illis velti licet, vel sua alere armenta: non tamen illa aliter distrare potest, ut vendere fructus, aut agrum locare. Quintus est *locatio* (passiuam intellige) quæ est acceptio rerum mobilium: quas non solum reddere tenetur is, cui locatio fit sed etiam pro usu earum satisfacere. Sextus est *conductio*, quæ est acceptio rerum immobilium sub certo precio: quas etiam restituere tenetur is, qui eas precio vtendas accepit. Septimus est *depositum*, seu potius *actio depositi*, quæ res alicui traditur, non ad usum, sed ad conseruationem. Octauus est *pignoris acceptio*, cum res traditur non ad usum, sed cum obligatione restituendi, soluto eo, cuius gratia pignus accipitur. Nonus est *fideiussio*, cum fit promissio soluendi reddendique aliquid pro alio, si modò ille non soluat. Decimus est *promissio simplex*, quam videlicet non antecedit petitio promissionis. Vndecimus est *stipulatio*, quæ est promissio alicuius præcedente promissionis petitione. Duodecimus est *transactio*, quæ est concordia circa rem litigiosam, seu in qua lis præcessit. Denique pacta omnia & conuentiones pertinent ad iustitiam commutatiuam omnèque contractus innotinari: quales sunt, *Do ut des, Facio ut facias, Do ut facias, Facio ut des.*

ARTICVLVS. IV.

De partibus potentialibus iustitiæ.

Iam verò potenciales partes Iustitiæ hæc potissimum numerantur: religio, pietas, obsequantia, obedientia, veritas, gratitudo, liberalitas, affabilitas, amicitia.

Religio est virtus, qua quis rectè afficitur ad Deum colendum ac venerandum. Eius duo sunt actus interni; *Deuotio*, & *Oratio*: externi sex; *Adoratio*, *Sacrificium*, *Votum*, *Iuramentum*, *Adiuratio*, *Laus*. Deuotio, est actus voluntatis paratus ad præstandam, quæ ad Dei cultum & gloriam spectant. Oratio, est petitiu decenti à Deo. Adoratio, est qua non solum mente, sed externa etiâ corporis significatione Deo reuerentiam exhibemus. Sacrificium latè sumptu, quod varias species continet, est oblatio, quæ Deo aliquid exterius offertur, ad eum placandū, sicut ut eius imperio subditus esse, protestamur. Votum, est deliberata promissio de aliquo bono facta Deo. Iuramentum, est quo Deum ut testem assumimus in alicuius rei confirmationem. Adiuratio, est invocatio Diuini nominis, qua quæpiam deprecantur aut compellendo ad aliquid faciendum non faciendumve inducimus. Laus, est assumptio Diuini nominis in vocali cantu.

Pietas, est per quam sanguine coniunctis, patriæ, beneuolus officia & cultu exhibemus. Obsequantia, est, qua dignitate præstantibus honorem cultumq; deferimus. Obedientia, est qua voluntas prompta & facili redditur ad superioris præcepta implenda. Veritas, est qua quis verbis & factis talem se demonstrat, qualis in se est. Grati- tudo, est qua is, qui de nobis benemerit, sunt, gratiam non solum habemus & agimus, sed etiâ cum pessimis referimus. Liberalitas, est, qua quis dispensat pecuniâ in usus bonos, sibi suisq; & aliis. Intelligit autem nomine pecuniatum omnia, quæ simili æstimantur, ut declarat Arist. lib. 4. Eth. cap. 1. Affabilitas, est qua qui, in communis hominum consuetudine & ingressu mediocriter, & uti decet, se habet, studetq; quatenus potest omnibus benignè obsequi. Amicitia, est qua aliqui mutuum apertamq; beneuolentiam habent, & se quicquid bonis affici volunt, ob aliquod bonum, & non ob solam inuicem utilitatem. Definitionem hanc pertractat Arist. lib. 8. Eth. cap. 2. Unde licet colligere dicitemen inter affabilitatem & amicitiam. Namque affabilitas est tam erga notos, quam ignotos; amicitia erga notos duntaxat. Item affabilitas in sermone & vice consuetudine versatur: amicitia potissimum in affectu. At verò Aristoteles amicitia non esse propter solam inuicem utilitatem, tamen & sed propter bonum virtutis: quia amicitia, quæ alia commoda & emolumenta confectatur, vera solidaque amicitia non est.

QVÆSTIO II.

De fortitudine.

ARTICVLVS I.

Quid sit Fortitudo: qui eius actus.



De Fortitudine disputat Plato lib. 2. 1. qui inscribitur Laches. Arist. lib. 3. Eth. à cap. 6. D. Ambrosius lib. 1. de Officiis à cap. 3. 5. D. August. lib. de beata vita. Philo Iudæus. lib. 1. Allegor. D. Thom. 2. 2. q. 123. Aduerte inprimis, Fortitudinem dupliciter sumi. Vno modo, ut importat quandam animi firmitatem & constantiam ad honestas actiones obeundas: qua ratione est communis conditio cuiuslibet virtutis: quia, ut docet Aristoteles 2. Eth. cap. 4. virtutis esse, semiter immobilitèrque agere. Secundum hanc usurpationem agit D. Gregor. de Fortitud. li. 7. Moral. cap. 9. Alio modo accipitur Fortitudo, prout designat firmitatē animi in suscipiendis periculis laboribusq; perferendis. Quomodo est specialis virtus, vendicans pro obiecto timorem & audaciam, quæ in prædictis rebus existunt. Proinde quæ definitur ab Arist. lib. 2. Eth. cap. 7. & lib. 3. cap. 6. *mediocritas circa metum & audaciam*, hoc est, virtus, quæ in metu & audacia moderandis posita est. Vnde intelliges, fortitudinem residere in appetitu ita flectendi: quandoquidem metus & audacia ad istiusmodi appetitum pertinent.

Sunt autem duo actus fortitudinis, *sustinere* & *aggredi*. Nam cum fortitudo circa audaciam & timorem versetur: timorem reprimat, difficultatem sustinendo; audaciam vero aggrediendo moderatur. Ex his autem duobus præstantior est sustinentia, quæ aggressio: ut docet Aristoteles lib. 3. Eth. cap. 9. Etenim magis arduum est timorem reprimere (quod fit sustinendo) quam audaciam refrenare, quod aggrediendo fit. Nam ipsum periculum, quod est obiectum audaciæ & timoris, cum ex se conferat aliquid ad reprimendam audaciam; nihil tamen iuuat ad cohibendum, sed ad augendum potius timorem.

Inter particulares vero actus fortitudinis principem locum obinet martyrium. Nam fortitudinis est, firmare animū in bono contra timorem: martyri autem firmatur in bono fidei ac religionis, contra timorem rei omnium acerbissimæ maximeque formidolosæ, videlicet mortis. Quod si quis obieciat: martyrium videri potius actum charitatis, quam fortitudinis, iuxta illud Ioannis 3. *Martyr hæc dilectionem nemo habet, ut animam suam ponat quis pro amicis suis*. Tum etiam quia est actus omnium virtutum perfectissimus: cæteris autem

Fortitudo
quid.

Duo actus
fortitudi-
nis.

Obiectis.

Solat.

autem virtutibus excellentior est charitas. A Occurendum, martirium esse actum fortitudinis, tanquam eius à qua immediatè & vt à suo proprio motiuo seu habitu elicitur; charitatis autem tanquam illius, à qua vt à motiuo principali, ac pet modum virtutis imperantius progreditur. Ac secundum hanc potestatiorem considerationem attribui charitati, esseque prestantissimum actum omnium virtutum, & in quo perfectio charitatis maximè enitescit: propterea quòd tunc quisque maiorem sui amoris significationem det, cum eius quem amat causâ tamen sibi chariorem contemnit; qualis est vita, quam homines inter omnia alia præsentis vite bona plus amant. Lege D. Cyprianum in Epist. ad martyres & confessores, D. August. in lib. de sancta virginitate.

ARTICVLVS II.

De partibus fortitudinis.

Habet fortitudo partes integrantes potissimum quatuor: *fiduciam seu magnanimitatem, magnificentiam, patientiam* (ad quâ spectat longanimitas) & *perseuerantiam* (ad quâ pertinet constantia). Harum numerus ita colligitur. Actus fortitudinis, vt supra diximus, duo sunt, aggredi, & sustinere. Ad aggrediendum verò duo sunt necessaria: vnum ad animi præparationem: ob quam ponitur *fiducia seu magnanimitas*, qua quis parato promptoque animo est, ad res arduas & difficiles aggrediendas. Vnde fiducia siue fidentia, vt Cicero lib. 2. de Inuent. definit, est *per quam magni & honesti in rebus multum ipse animus in se fiducia certa cum spe collocat*. Exigitur quoque alterum in aggrediendo, idque ad operis administrationem: nimirum vt animus in re, quam semel est aggressus, non succumbat. Ob idque additur *Magnificientia*: quæ, vt idem autor explicat, est *rerum magnarum & excelzarum, cum animi ampla quadam & splendida propositione, agitatio & administratio*. Porro si hæc duæ virtutes ad materiam fortitudinis peculiarem, vt ad mortis pericula, referantur, erunt partes integrantes Fortitudinis: quia sic ipsam Fortitudinem quasi integrant & componunt. Quod si alias spectent materias, in quibus minor est difficultas, vt magnos sumptus & honores; erunt tunc partes Fortitudinis potentiales: propterea quòd non in se includunt totam Fortitudinis vim & potentiam; & tamen ad perfectum illius habitum exiguntur: sicque magnanimitatè circa magnos honores versari affirmat Aristoteles lib. 4. Ethic. c. 3. magnificentia verò circa magnos sumptus, eod. lib. c. 2.

Iam verò ad alterum fortitudinis actum, videlicet ad sustinendum, duo similiter requiruntur. Alterum est, ne animus propter

impedimentum malorum difficultatem tristitia frangatur: & ob id constituitur *Patientia*, quæ, vt Cicero loco antè citato definiit, est *honestatis aut utilitatis causâ rerum arduarum ac difficultum voluntaria & diuturna perpessio*. Huic autem iungitur *Longanimitas*: qua quis res magnas, quæ procul sunt sperat. Vnde fit, vt Longanimitas cum Magnanimitate, secundum quam quis res magnas, quibus dignus sit, debet sibi (citra omne tamen iactantiam) iudicat, magnam habeat cognitionem.

Conuenit tamen cum patientia, quia diuturna rei magnæ expectatio tristitia parere consuevit: ad quam æquo animo ferendam patientia indigenus. Alterum, quod ad prædictum actum requiritur, est, ne ex diuturna rerum difficultum perpessione ab incepto animus desistat: idèoque *perseuerantia* additur, quæ definitur in *ratione bene considerata stabilis & perpetua permansio*. Perseuerantia denique iungitur *constantia*: quæ inter se partim cõueniunt, partim differunt.

Conueniunt, quatenus beneficio vtriusque in bono aliquo permancens: differunt, quia perseuerantia resistit difficultati, quæ ex diuturnitate temporis oritur; constantia verò difficultati, quæ ex aliquouis externo impedimento proficiscitur. Hæc quoque duæ virtutes si ad specialem fortitudinis materiam referantur, erunt partes quasi integrantes fortitudinis: si ad res alias difficiles, in quibus tamen minus est negotij, erunt partes potentiales eiusdem, videlicet à fortitudine distinctæ; & tamen ei coniunctæ, sicuti secundariæ principali: vt explicat D. Thomas in 2. 2. qu. 128. art. 1.

Partes autem fortitudinis subiectæ nullæ traduntur, quia versatur circa materiam valde specialem, quæ plures virtutes specie distinctas constituit nequit: vt eodem loco S. Thomas docet.

ARTICVLVS III.

QVÆSTIO III.

De Temperantia.


ARTICVLVS I.

Quid sit temperantia, & qua eius partes integrantes.

E temperantia differat Plato in Charmide, Aristoteles in li. 3. Ethic. à cap. 10. & li. 1. magn. Moral. cap. 22. D. Ambrosius lib. 1. Offic. à 43. Clemens Alexandr. lib. 2. Strom. D. Isidor. lib. Etym. Seneca lib. de quatuor virtut. D. Thomas in 2. 2. quæst. 141. Porro quemadmodum fortitudo circa timorem & audaciam, præcipue verò circa mortis pericula versatur: ita & temperantia in voluptatibus chetivum.

sensuum & doloribus moderandis posita est; sed præcipue in temperandis tactus & gustus delectationibus, quæ maiores sunt. Itaque temperantia ex doctrina Aristotelis lib. 3. Ethic. ca. 10. sic definitur: *Temperantia est moderatio circa tactum gustumque voluptates, & circa dolores.*

Sunt autem partes temperantiæ quasi integrantes duæ: *verecundia & honestas.* Verecundia, de qua Aristot. lib. 4. Ethic. c. 9. licet proprie virtus non sit, quia passioni magis quam habitui similis est; virtus tamen appellatur ea significatione, quæ quidquid in humanis actibus, vel affectibus laudabile est, virtutem dicimus; quæ hunc in modum definitur ab Aristotele loco citato: *Verecundia est metus quidam dædæcoris & infamiae: quo nimirum ad id quod turpe & temperantiæ contrarium est, fugiendum inducitur. Honestas verò est excellentia quadam honore digna ob spirituales pulchritudinem, quæ quis id, quod turpe & indecorum est, repellit.*



ARTICVLVS II.

De partibus subiectis & potentiisbus temperantiæ.


Partes temperantiæ subiectæ quatuor numerantur: abstinencia, sobrietas, castitas, & pudicitia. Quarum duæ priores in volutativis, quæ cibo & potu capiuntur, moderatatem constituunt: posteriores verò duæ in iis, quæ ad generationem pertinent. De quibus D. Thomas in 2. 2. q. 141. & seq. Igitur *Abstinencia est virtus, quæ in ciborum delectatione moderatatem constituit. Sobrietas est virtus, quæ delectationes potus moderatur. Castitas est virtus, quæ Veneris concupiscentiam rationis moderamine cohibet. Ea verò triplex est: virginalis, vidualis, & matrimonialis. Pudicitia est*

virtus cohibens voluptates eas, quæ reperiuntur in Venerorum signis: qualia sunt impudici aspectus, & oscula.

Potentiales autem partes temperantiæ, decem potissimum sunt: Continentia, mansuetudo, clementia, modestia, humilitas, studiositas, moderatio, eutrapelia, ornatus, simplicitas. Continentia, de qua Aristot. lib. 7. Ethic. est per quam pravi ac vicieminiibus cupiditatibus ad tactum spectantibus aliquis resistit. Sic autem sumpta continentia non est perfecta virtus, ut alibi monuimus. Mansuetudo, de qua Aristoteles lib. 4. Ethic. cap. 5. est virtus, quæ iram moderatur. Clementia est virtus, quæ externis punitionibus modum adhibet. Cum hac iungitur Misericordia, quæ est virtus, quæ aliena miseria, quantum possumus, subuenimus. Itaque dissident clementia & misericordia: quod ad illam spectet, peccatorum subtractione; ad hanc, beneficiorum collatione alicuius miseriæ subuenit. Modestia est virtus, quæ circa mediocres honores moderandos veratur. Humilitas est virtus, quæ hominis cupiditatem cohibet, ne in res magnas & excelsas immoderate tendat, sed potius ad infimas se deiciat. Studiositas, est virtus, quæ sciendi cupiditatem temperat. Moderatio, quæ modestia etiam dicitur, est virtus, quæ corporis motum gestumque componit. Eutrapelia est virtus, quæ quis in ludis & iocis moderate atque ut decesset se habet. Ornatus est virtus, quæ corporis habitum vestitusque moderatur. Huic adiungitur Simplicitas, quæ nimia in hisce rebus inquirendis & concinnandis sollicitudini modum petit. Ex quibus etiam iam patet, qui sint actus Temperantiæ.

Hæc cursim breuiterque hoc loco dicta sint, quæ si enucleatè, & prout rerum dignitas postulat, explicanda forent, haud dubie multo longiores essemus, quam necessaria, & ob eas causas quas alibi exposuimus affectata breuitas patiatur.

INDEX



654

I N D E X

QVAESTIONVM HISCE DISPV-
TATIONIBVS, QVÆ SVNT IN
ETHICA ARISTOTELIS AD
Nicomachum, contentarum.

DISPVATIO I.

De bono.



*Q*uestio I. Virum bonum
recte definiatur, id
quod omnia appe-
tunt. pag. 1

*II. Virum omnis appe-
titio feratur in bonu. 6*

III. De diuisione boni in commune. 7

DISPVATIO II.

De Fine.

*Q*uestio I. Virum finis & bonum idem
sint. 9

*II. Virum omni ac solam naturæ intellectuali
conueniat, agere propter finem. 12*

*III. Siue aliquis ultimis finis humana-
rum actionum, an non. 14*

DISPVATIO III.

De Felicitate.

*Q*uestio I. Virum felicitas consistat in bo-
nis externis. 16

*II. Virum felicitas consistat in bonis corpo-
ris. 19*

*III. Virum beatitudo consistat in animi
operatione. 22*

*III. Virum ad felicitatem externa bona
requirantur. 27*

DISPVATIO IIII.

De tribus principiis humanorum
actuum: Voluntate, Intelle-
ctu, & Appetitu.

*Q*uestio I. Virum omnes actus humani à
libera voluntate proficiantur. 29

*II. Virum voluntas intellectum, an intelle-
ctus voluntatem moueat. 31*

*III. Virum voluntas moueat omnes alias
potentias ad actus suos exercendos. 33*

*III. Virum appetitus moueat voluntatem.
38*

DISPVATIO V.

De bonitate & malitia huma-
narum actionum in
generè.

*Q*uestio I. Virum bonitas & malitia hu-
manarum actionum petenda sit ab ob-
iecto, an non. 41

*II. Virum bonitas & malitia humanarum
actionum pendeat etiam à circumstan-
tiis. 44*

DISPVATIO VI.

De affectibus animi, qui Passiones
vocantur.

*Q*uestio I. An appetitus sensitiuus rectè di-
uidatur in concupiscibilem & irascibi-
lem. 47

*II. An uterque appetitus sensitiuus in cor-
de sedem habeat. 52*

*III. Virum definitio passionis rectè se ha-
beat. 54*

*IV. Virum passiones cadant in animum
sapientis. 56*

*V. Virum animi passiones rectè à Philoso-
phis numerentur. 58*

DISPVATIO VII.

De virtutibus in commune.

*Q*uestio I. Virum definitio Virtutis rectè
se habeat. 61

*II. Virum virtus moralis in mediocritate
consistat. 61*

I N D E X

<i>consistat.</i>	65
<i>III. Virumne virtutes homini naturales sint, an eas propriis actibus acquirat.</i>	68
<i>IV. Virum virtutes morales sint inter se connexæ.</i>	70
<i>V. Virum in appetitu sensitivo aliqua vir- tutes insint.</i>	74
<i>VI. Sine apia virtutumdiviso, annon.</i>	78
DISPUTATIO VIII.	
De Prudentia.	
<i>Questio I. Virum Prudentia rectè ab</i>	
<i>Aristotele definita sit.</i>	81
<i>II. Virum actus prudentia cuiusque partes rectè tradantur.</i>	84
DISPUTATIO IX.	
De reliquis virtutibus mora- libus.	
<i>Questio I. De Iustitia.</i>	87
<i>II. De Fortitudine.</i>	92
<i>III. De Temperantia.</i>	94

I N D E X





INDEX

RERVM PRÆCIPVARVM, QVÆ SVPERIORIBVS QVÆSTIONIBVS IN ETHICA ARISTOTELIS AD Nicomachum continentur.

Actus.
ACTVM dici humanum dup-
pliciter pag. 30 a
Actus humani proficiuntur
à libera hominis voluntate
31 a

Actus, quos somniantes &
mente capri edunt, licet sint hominis, non
tamen dici humanos 31 c

Actus humani num bonitatem & malitiam
ab obiecto capiant 41 a

Actus humanus, in commune spectatus, diui-
ditur in bonum, malum, & indifferentem
43 f

Actus humanus in singulari indifferens ad
bonum & malum non datur 44 a

Vnus idemque actus internus num successiue
bonus & malus esse queat 46 d

Actus perfectior habitu 23 b

Actuum moralium honestas non est redu-
cenda ad infœcilia Mathematica 66 b

Actus prudentiæ qui 84 d

Actus temperantiæ qui 96 c

Actus fortitudinis qui 92 d

Appetitus.
Appetitus innatus vel elicitus 4 c

Appetitus innatus triplex 4 f

Appetitus sensitivus quo sensu dicatur incli-
nari ad malum 5 d

Quo appetitu omnia bonum appetant 4 c

Appetitus num possit in malum tendere 6 f

Appetitus sensitivus num possit per se moue-
re membra, absque motione voluntatis
37 f

Appetitus quo pacto à voluntate moueatur
36 e

Appetitus sensitivum rectè diuidi in concu-
piscibilem & irascibilem 48 c

Appetitus concupiscibilis nobilior irascibilis
50 c

Appetitus irascibilis minister concupiscibilis
50 b

Appetitus concupiscibilis obiectum 49 c

Appetitus sensitivus cur duplex, cum intel-
lectivus vnus sit 31 c

Appetitus iræ & concupiscentiæ resident in
corde, non tamen in eadem eius parte 53 b

Appetitus concupiscibilem vbi collocarit
Plato 52 c

Appetitus sensitivus motus semper habet ad-
iunctam corporis transmutationem 54 c

In appetitu sensitivo quæ virtutes insunt 75 b

Bonitas & bonum.
Bonitas & malitia humanorum actuum vnde
petenda 41 a

Bonitas & malitia humanorum actuum, an
pendeat à circumstantiis 44 c

Bonum an rectè definiatur, id quod omnia ap-
petunt 1 a

Boni variz definitiones ibid.

Bonum quid formaliter significet 4 a

Bonum & perfectum quo differant ibid.

Bonum qua ratione dicatur diffusivum sui 4 b

Num in bonum omnis appetitus feratur 5 b

Bona animi 22 d

Boni variz diuisiones 7 c

Bonum & finis quod differant 9 c

Bonum & malum morale sunt differentiæ
essentiales actuum humanorum 42 c

Bonum arduum obiectum appetitus irascibi-
lis 42 d

Bonum quodlibet particulare, est quoddam
participatio summi boni 16 c

Circumstantia.
Circumstantiæ humanarum actionum quot
sint 44 f

Circumstantiæ vnde dictæ ibid.

Numerus actuum non est circumstantia 35 c

Circumstantiarum quædam notabiliter au-
gent bonitatem vel malitiam actionum
moralium, quædam non 45 d

Quænam circumstantiæ specie differant 45 c

Circumstantia mutans speciem, non est cir-
cumstantia respectu actus cui speciem tri-
buit 46 c

Felicitas.
Felicitas quid sit 15 d. 17 a

Veterum dissenso circa felicitatem 16 d

Felicitatem non consistere in diuitiis 17 c

Non in potentia 18 b

Non in honore 18 c

Non in gloria seu fama 18 d

Non in bonis corporis 20 b

Noq in voluptate 21 e

INDEX.

Felicitas consistit in operatione animi 22 d
 Quæ sit hæc operatio 24 a
 Felicitas supernaturalis huius vitæ in quo sit
 posita 25 a
 Felicitas supernaturalis alterius vitæ, in quo
 consistat 24 b
 Felicitas naturalis huius vitæ duplex 25 d
 In quo utraque consistat ibid.
 Felicitatis definitio ab Aristotele tradita 26 a
 Ad felicitatem politicam quo pacto externa
 bona requirantur 28 c

Finis.

Finis & bonum quo discerpunt 11 a
 Finis & bonum quot modis inter se compara-
 ri queant 10 c
 Agere propter finem, quo pacto toti naturæ
 conveniat 12 d
 Agere propter finem, quo modo soli naturæ
 intellectuali competat 12 f
 Res cognitionis expertes ut tendant in finem
 13 a
 Dari aliquem finem ultimum humanarum
 actionum 14 b
 Finis duplex, obiectivus & formalis 13 d
 Omnis appetitus tendit in finem ultimum 14 c
 Non esse incommodum, dari progressum in-
 finitum in finibus accidentaliter subordi-
 natis 16 b

Fortitudo.

Fortitudo dupliciter sumitur 21 b
 Fortitudinis præse acceptæ definitio 21 c
 Fortitudinis duo principes actus 21 d
 Fortitudinis actus martyrium 21 e
 Fortitudinis partes integrantes 21 c
 Fortitudinis partes potentiales 21 e
 Fortitudo non habet partes subiectas 24 d

Habitus.

Habitus ad tria indigemus 62 c
 Repentina ex habitu ibid.
 Ratio habitus ex intrinseca ratione convenit
 virtuti 63 c
 Non in habitu, sed in operatione felicitas
 consistit 23 a
 In naturalibus nobilior est actus habitu 23 d
 Habitus virtuosus non concurrens per se ad
 actionem studiosam 65 d
 Habitus honesti in appetitu duo præstant
 munia 61 c
 Habitus fortitudinis & temperantiæ non sunt
 in Angelis 77 d
 Habitus virtutum moralium in beatis 78 a
 Habitus virtutum intellectualium 78 c

Ius & Iustitia.

Ius quid 88 c
 Ius quod duplex ibid.
 Iustitiæ dignitas 87 c
 Iustitia quid sit ibid.
 Iustitiæ partes integrantes 89 b
 Iustitiæ partes subiectæ 89 d
 Iustitia remunerativa & punitiva 89 f
 Iustitia commutativa 90 a
 Iustitiæ commutativæ actus 90 b

Iustitiæ partes potentiales 21 a
 Iustitia residet in voluntate 24 b
Mediocritas.
 Mediocritas duplex 65 d
 In mediocritate virtus 65 c
 Mediocritas aliter in iustitia, atque in cæteris
 virtutibus spectanda 66 c
 Mediocritas virtutum non est in indivisibili,
 ut Stoici putabant 66 a
 Mediocritas iustitiæ 66 c

Passio.

Passio quot modis accipitur 14 b
 Passio pro affectione appetitus sensitivi, quo
 pacto definitur 15 a
 Passiones non propriæ ad appetitum rationa-
 lem pertinere 15 b
 Passiones non esse indicia opinionumve, ut
 Chrysippus aiebat 15 d
 Passiones etiam in animum sapientis cadere,
 contra Stoicorum dogmata 17 a
 Peripateticorum & Stoicorum dissensio de
 passionibus animi 16 b
 Passiones utrum sint agnitiones 17 f
 Passiones quot sint 18 d
 Quæ passiones pertineant ad appetitum con-
 cupiscibilem, quæ ad irascibilem 19 c

Prudentia.

Prudentiæ encomium 81 b
 Prudentiæ definitio 81 c
 Prudentia habitus practicus 82 b
 Prudentiæ cur non iubeat falsum 83 b
 Prudentia circa quam veritatem versetur 83 e
 Prudentiæ actus tres præcipui 84 d
 Prudentia non statuit finem virtutibus 84 c
 Prudentiæ actus sex 84 f
 Prudentiæ partes integrantes 85 c
 Prudentiæ partes subiectæ, & potentiales 86 f
 Prudentiæ vinculo necluntur virtutes mora-
 les 72 a
 Prudentia circa internos actus præcipue ver-
 satur 72 b

Temperantia.

Temperantiæ obiectum 24 f
 Temperantia quid sit 25 c
 Temperantiæ partes integrantes 25 d
 Temperantiæ partes subiectæ 25 c
 Temperantiæ partes potentiales 26 a
 Temperantia residet in appetitu concupisci-
 bili 24 b
 Temperantiæ actus 26 d

Virtus.

Virtutis definitio tradita ab Aristotele expli-
 catur 61 a
 Virtus ex sua intrinseca ratione est habitus,
 contra Secorum 63 c
 Virtutum habitus ad tria indigemus 62 c
 Virtus moralis consistit in mediocritate 65 b
 Virtutes quo sensu dici possint esse aut non
 esse homini naturales 67 c
 Virtutum variae divisiones 78 c
 Virtutes æquivocæ 80 d
 Virtutes insule ibid.

Virtutes

INDEX.

Virtutes acquisite nostris actibus comparantur	68 f	Voluntatem quomodo intellectus moueat	32 b
Virtus moralis vnde dicta	72 c	Voluntate intellectus nobilior	33 a
Dantur virtutes morales infusæ per se	80 c	Voluntas nihil appetit, nisi quod ei ab intellectu proponitur	32 f
Virtutum moralium triplex gradus	70 e	Non omni intellectus actioni præire motum voluntatis	32 b
Virtutes morales inter se connexæ	71 d	Voluntas mouet actiue alias potentias, quæ suapte natura eius impetio subduntur	33 f
Virtutes morales num inter se æquales sint	73 d	Nou tamen eas mouet per aliquam præuiam excitationem	34 d
Virtutum moralium quædam perficiunt hominem secundum communem vitæ statum, quædam non	73 c	Voluntas mouet alias potentias, concurrendo cum illis, tanquam causa vniuersalior	34 c
Quæ virtutes hæcant in appetitu sensitiuo, quæ non	75 b	Voluntas vt mouet sensus internos	34 f
Virtutum diuisio in intellectuales & morales	78 c	Voluntas vt mouet appetitum sensitium	35 c
Virtutum intellectuales alix contemplatiuæ, alix practicæ	78 c	Voluntas ordinariè non mouet appetitum sensitium immediatè	36 c
Virtutes practicæ quæ sint	79 a	Voluntas vt mouet membra externa	37 b
Virtutes speculatiuæ quæ	78 f	Voluntas num membra externa moueat absque interuentu appetitus sensitui	37 d
Virtutes cardinales quatuor Paradisi fluminibus significatæ	80 a	Voluntas quando mouet appetitum per redundantiam	37 a
Philosophia moralis non est perfecta virtus	83 a	In voluntate quæ virtutes infideant	74 b
	<i>Voluntas.</i>		<i>Voluptas.</i>
Voluntas vnum è principiis humanorum actuum	19	Veterum dogmata de voluptate	20 c
A voluntate est formalis libertas, licet radix libertatis sit in intellectu	31 a	Qui in Voluptate felicitatem posuerint ibid.	20 f
Non omnes actiones voluntatis sunt immanentes	35 a	Refellitur hic error	20 f
Voluntas quo pacto moueat intellectum	31 f	Voluptatem parit habitus	62 c

F I N I S.



